

# MATEO

## Olaa Biene Wə Di Mateo

## Lakpana Nii

*Nnya Yesu Kristo Banantii Ninle Mma Mmle  
Nε.*

<sup>1</sup> Nnya Yesu Kristo banantii ayooti ninle nya mmle nε. Ḍka Dawid kona kuale kuakye ni Abraham leyo kamε.

<sup>2</sup> Abraham lalofo Isak, ni di Isak kafčč lalofo Yakob wə nialofo ni Yuda ku babilema nε.

<sup>3</sup> Yuda kafčč ku ɔsɔfɔ nɔɔ Tamai lalofo Peres ku Sera, ni di Sera kafčč lalofo Hesron nε. Hesron kafčč lalofo Aram.

<sup>4</sup> Aram kafčč lataka aalofo Aminadab, ni di Aminadab kolofo Naheson nε. Naheson kafčč lalofo Salmon.

<sup>5</sup> Ni di Salmon kafčč kɔtaka anlofo Boas wɔ di ɔya latoole ni Rahab nε. Boas kafčč lalofo Obed, ɔya niale Rut nε. Obed kafčč lataka aalofo Yisai,

<sup>6</sup> ni di Yisai kafčč kolofo Ḍka Dawid nε.

Dieyɔ ni di Ḍka Dawid suoto dielaase ni di obe wɔ kamε di Babilon batii lamufū Israel batii baasifiko ni selanle kamε di Babilon kasɔ suoto yi, kona nwu ninle nko mmle nikɔwa ni nε.

Dawid ku ɔsankɔ wɔ niale ni Urias ɔsɔfɔ lalofo Salomo.

<sup>7</sup> Ni di Salomo lalofo Rehoboam nε, ni di Rehoboam kolofo Abiya nε. Abiya kafčč kolofo Asa nε.

- <sup>8</sup> Ni di Asa lalofo Yehosafat nε. Yehosafat kafččo lalofo Yoram, ni di Yoram kafččo kolofo Usia nε.
- <sup>9</sup> Usia lalofo Yotam, ni di Yotam lalofo Ahas nε, ni di Ahas kafččo kolofo Hiskia nε.
- <sup>10</sup> Hiskia lalofo Manase, ni di Manase lalofo Amon nε, ni di Amon kafččo kolofo Yosia nε.
- <sup>11</sup> Yosia lalofo Yekonia ku babilema suččobi di selanle kame di Babilon batii kasččo suoto.
- <sup>12</sup> Dięyččo ni di obe wč di Israel batii ladie ni di Babilon kasččo suoto di selanle kame, dieblaase ni di obe wč baalofo ni Yesu, bawa nččo ayooto ninle n-ya mmle nε.
- Yekonia lalofo Sealtiel, ni di Sealtiel kafččo lalofo Serubabel nε.
- <sup>13</sup> Serubabel lalofo Abihud, ni di Abihud lalofo Eliakim nε. Ni di Eliakim kafččo kolofo Asor nε.
- <sup>14</sup> Asor lalofo Sadok, ni di Sadok lalofo Akim nε. Ni di Akim kafččo kolofo Elihud nε.
- <sup>15</sup> Elihud lalofo Eleasar, ni di Eleasar kafččo kolofo Matan nε.
- <sup>16</sup> Matan lalofo Yakob, ni di Yakob kafččo kōtaka anlofo Yosef wč niayččo ni Maria wč nialofo ni Yesu wč bččee ni ale Kristo nε.
- <sup>17</sup> Nkpo oso diayččo ni di Abraham suoto dialaase ni di Dawid suoto yi, diabla lefosi ana anà. Diayččo ni di Dawid suoto kafččo dialase ni di obe wč di Babilon batii lamufū Israel batii baasifiko ni kasččo lema suoto kafččo, diabla lefosi ana anà. Nkpo okle kafččo diayččo ni di obe nwu kame dialaase ni di obe wč baalofo ni Kristo nwu kafččo, diabla lefosi ana anà.

*Mmle Okle Baalofo Ni Yesu Suoto Olaa.*

**18** Nnya mmle okle diawa ni fie baalofo ni Yesu Kristo. Baakaale Maria baata Yosef, kafco fie babayc ni bawo yi, Maria lanya ale nfe alaka leme. Yaa Ninwuna Klekle niata diawa ninkpo. **19** Yosef lale otii tinini di Yaa anu. Kafco atamie ale ookpee nwɔ sinunsɔ di batii anu. Nioso aabla disibu ale, oodie nwɔ buεε. **20** Obe wɔ ɔɔbla ni disibu le mmle aasifi aalaate nii, Yaa tɔkyeñte ladiki suoto aatuø nwɔ di kɔlaafø kamε, ni aatoko nwɔ ale, "Yosef, Dawid leyo kamε obi, tanyekε Maria ɔɔcfɔ lefɔ ɔyε. Diekye leme le alaka ni yi, Yaa Ninwuna osie kamε diekye. **21** Abalofo osuɔtɔbi, faatika nwɔ leyooto falε Yesu, diekye nnwɔɔ nimadiki batii nɔɔ ankyeko sikpile lema kamε ne."

**22** Asaa ya mmle amuu lawa kaanya ale, selaa se di Yaa labue aafenko ni di ɔlaa buεtεtε nɔɔ suoto kawa kaanya. Aabue ale, **23** "Kabite ka nínanye ni osuɔtɔ, malaka leme, anlofo osuɔtɔbi. Babalεε nwɔ ale Emanuel." Lesɔdiki ninle ale Yaa nsiko wo.

**24** Nkpo oso obe wɔ di Yosef lasenke nii, aayɔ Maria aabla ɔɔcfɔ nɔɔ fe mmle di Yaa tɔkyeñte nwu nkpo latoko nwɔ nii. **25** Kafco, Yosef ku Maria ditatofo bawo fe ɔsa ku ɔɔcfɔ dialaase di obe wɔ aalofo ni obi nɔɔ suɔtɔbi nwu nkpo. Ni di Yosef latika nwɔ leyooto ale Yesu ne.

## 2

*Banumbente Bawo Lakyē Kufi Katunkɔ Baawa Yesu Nfū.*

**1** Di obe wɔ di Herode latoole ni sɛka yi, ni baalofo Yesu di okpoo wɔ baatɔɔlεε ni Betlehem

di Yudea kasɔ suoto ne. Di obe nwu nkpo kame, ni di banumbente ba ninye ni asaa di awəntreibi suoto bawo lakyε kufi katunkɔ baawa Yerusalem ne. <sup>2</sup> Ni baakaale ale, “ɔfe beelofo obi wɔ nimale ni sɛka di Yuda batii kasɔ suoto? Buɔnya lewəntreibi nɔɔ di kufi katunkɔ. Nioso butɔɔwa bulɛ buɔbatansa nwɔ ne.” <sup>3</sup> Obe wɔ di ɔka Herode lanu ni ɔlaa wɔ mmle yi, ɔcɔ lasifi nwɔ ku Yerusalem batii bamuu osie kanya.

<sup>4</sup> Nkpo oso aaleɛ Yaa olebatate banɔɔfo bamuu ku kufiofa asaa batuotε aasiisa, ni aakaale ma ale, “ɔfe babalofo Kristo nwu nkpo?” <sup>5</sup> Nfa nfε bɔɔtɔkɔ nwɔ ale, “Betlehem opoo di Yudea kasɔ suoto babalofo nwɔ. Diekye nimmle okle di Yaa ɔlaa buetεtε lekpana ni ale,

<sup>6</sup> ‘Afɔ Betlehem di Yuda kasɔ,  
diele opoo biibii fale di Yuda sekpoo kame.  
Diekye afɔ kame di tunletε kple nwu madie  
ankye,

amaleko kale nii Israel batii katū.’ ”

<sup>7</sup> Nkpo oso Herode laleɛ bafɔɔ nwu nkpo niakye ni kufi katunkɔ di ɔlɔɔkɔ kaawofakɔ, ni aakaale ma aanu obe wɔ kame tutuutu baanya lewəntreibi nwu nkpo lakyɔɔ nii. <sup>8</sup> Ninfε aadiki ma osuku ale batɔɔkyε Betlehem ne. Ni aatɔkɔ ma ale, “Bitɔɔkyε biɛlaawolaa obisɔ nwu nkpo nwaa. Nse biɛnyɔɔ, biekple biwa biɛbatɔkɔ mi ale ami kafɔɔ kakye nnaasumu nwɔ.”

<sup>9-10</sup> Nioso bafɔɔ nwu nkpo layefe osuku baasifi. Obe wɔ nfε bakyε ni di osuku, baakple baanya lewəntreibi nwu nkpo tutuutu baanya ni di kufi katunkɔ. Baanya ni nii, suoto layɔɔ ma osie kanya. Lewəntreibi nwu nkpo laleko ma katū

diakyε dialaayila di leba le di obisɔ nwu nkpo late nii. <sup>11</sup> Ni baabuo di leyo nwu nkpo kame ne. Nioso obe wɔ baanya ni obisɔ nwu nkpo ku ɔya Maria yi, baase akunkyi kaasɔ, baawakosa asi kasɔ baasumu nwɔ. Ninfe baasɛkɛtɛ kotofoe lɛma baadiki atasaa ya awo niefū ni koya ninle ni koto seɛle, olufuii ku kloboo baatɔɔ ne.

<sup>12</sup> Nni kamaa, baafe di osuku bamba suoto baasifi okpoo lɛma. Diekye Yaa lasī ɔlaa aata ma kɔɔlaafɔ kame ale, bataasinkple baalaafe di Herode ɔkyε.

### *Yosef Latosoko Maria Ku Yesu Aasifiko Egipte Kasɔ Suoto.*

<sup>13</sup> Obe wɔ baafɔɔ nwu nkpo lasifi ni kamaa yi, Yaa tɔkyɛntɛ onwii ladiki suoto aatu Yosef di kɔɔlaafɔ kame. Ni aatɔkɔ nwɔ ale, "Herode mawolaa obisɔ nwu nkpo ale oolo. Nkpo oso takfaakpaa obisɔ nwu nkpo ku ɔya bietoso bisifi Egipte kasɔ suoto. Biesie ninfa dielaase di obe wɔ makple ntɔkɔfɔ nle kple fawa ni."

<sup>14</sup> Kakye nwu nkpo Yosef lakpaa obisɔ nwu nkpo ku ɔya baatoso baasifi Egipte kasɔ suoto. <sup>15</sup> Baasisie ninfa dialaase di obe wɔ di Herode lakpi nii. Nle mmle lawa ninkpo, diata ale ɔlaa wɔ di Yaa labue aafenko ni di ɔlaa buetete nɔɔ suoto lawa kaanya ale, "Egipte kame lalɛɛ obi nii lakyeko."

### *Herode Lata Ale Baalo Babi Suɔtɔbi Bamuu Di Betlehem.*

<sup>16</sup> Di obe wɔ di Herode latofo ale bafɔɔ nwu niakye ni kufi katunkɔ lakyɔnkyɔ nwɔ ni yi, ɔbɔ lafie nwɔ osie kanya. Nkpo oso aakpee bakpetɛ nɔɔ baakyε Betlehem ku aba ya niɛtɛɛtɛ ni nfa

f  , ale baalaalo babi suot  bi ba nintoof   ni ale   any   ku mba ninayif   ni nkpo. Aabla nkpo ta mmle okle di baf  o nwu nkpo lat  ko nw   ni obe w   baanya ni lewentr  bi nwu nkpo. <sup>17</sup> Babiso ba mmle olo lata ale olaa w   di Yaa   laa Buet  te Yeremia labue aate ni lawa kaanya. Aabue ale,

<sup>18</sup> “Batii lanu selo sewo di Rama  
ale boowi kaku osie kanya ku senyaami.

Rahel nikowi anta babi.  
Eesĩ kafco ale batanlo sɔɔ,  
diekye babi cuu nwu nkpo lekpi."

*Yosef, Maria Ku Yesu Lakple Di Egipte Kaso  
Suoto.*

<sup>19</sup> Obe wɔ di Herode lakpi ni yi, Yaa tɔkyentɛ onwii ladiki suoto aatuo Yosef kɔɔlaafɔ kame di Egipte. <sup>20</sup> Ni aatɔkɔ nwɔn ale, "Taka, faakpaa obisɔ nwu nkpo ku ɔya biekple bisifi Israel kasɔ suoto. Diekye batii ba nikomie ale balo ni obisɔ nwu nkpo ntookpi." <sup>21</sup> Nkpo oso Yosef lataka, ni aakpaa obisɔ nwu nkpo ku ɔya baakple baasifi Israel kasɔ suoto ne.

**22** Kafčč obe wō di Yosef lanu ale Arkelao wō ninle ni Herode obi nfe ninsi ni di ote lekptomii suoto oole ni sekā di Yudea yi, aayekē nfa ɔkye. Nioso Yaa tɔkyentē onwii lasī aatōo kɔɔlaafō kamē ale atankye nfa, ninfe aake aasifi Galilea kasō ntɛɛ nwu suoto nɛ. **23** Obe wō aalaabuo ni nfa, aasifi aalaasic di okpoo wō bɔɔlɛɛ ni Nasaret. Nfa lema ɔlaasic lata ale, ɔlaa wō di Yaa ɔlaa babuetete labue baate ni ale, "Batii maleɛ nwɔni Nasaret otii yi," diawa kaanya ninkpo.

**3**

*Yaa Ntu Kpeesate Yohane Layie Yaa Ọlaa Lekya.*

<sup>1</sup> Di obe nwu nkpo kame yi, Yaa Ntu Kpeesate Yohane lakyε Yudea ɔfaafuu kasɔ suoto, aakye kasɔ aatooyie Yaa ọlaa lekya, <sup>2</sup> aatoobue ale, “Bidie sikpile ɔbla, diekye Yaa sekə kaleko ntɔctεetεe.” <sup>3</sup> Yohane wɔ mmle niale otii wɔ suoto di Yaa Ọlaa Buetete Yesaia labue aate ale, “Otii onwii kofaa di ɔfaafuu kame ambue ale, ‘Bilolaa osuku bite bita Saate nwu ɔwabee. Bikyεkyesa aba ya abafe ni bite nwɔ!’ ”

<sup>4</sup> Awu ya di Yohane lakpee ni yi, kapurɔnkɔ sinwini baayo baabla n-ya. Ni aayɔ bɔkεe kukū okū aatika ofiamε ne. Alesaa nɔɔ kafɔɔ niale bablɔ ku akpakyekyee. <sup>5</sup> Batii lakyε Yerusalem opooo ku Yudea kasɔ kamuu suoto ku sekooo se simuu niεtεetεe ni Yordan okle baawa ɔkyε nɔɔ. <sup>6</sup> Baadiki sikpile lεma baabue, ni aakpeesa ma Yaa ntu di Yordan okle kame ne.

<sup>7</sup> Obe wɔ di Yohane lanya Farisi batii ku Saduki batii kpинwu lawa ni ɔkyε nɔɔ ale akpeesa ma ni Yaa ntu yi, aatoko ma ale, “Aye kɔsaanwu kɔna! Owe niεka ye ale biatoso di Yaa lεkanko le nikɔwa ni kame? <sup>8</sup> Bibla asaa ya nimatu ale bitookyi ni siikple lee kame. <sup>9</sup> Bitanyu bile biatoko suoto lee bile Abraham banantii bile. Diekye kɔtoko ye nle, Yaa mafuo afuɔ ya mmle ɔyɔ ɔbla banantii anta Abraham.

<sup>10</sup> “Nunua bia yi, batɔɔyɔ kafe beese di awoso sidu suoto kofokofoko. Kowoso lele ninantikə abi biene yi, bababudi kũ, man-yɔ kũ mankpee di ɔtɔ kame.

**11** “Ami yi, ntu kɔyɔ nkpeesa ye Yaa ntu, diotuo ale bitookyi ni siitu lee kamε biedie ni sikpile ɔbla. Kafɔɔ otii wɔ ninkɔwa ni kaamaa nii yi, abayɔ Ninwuna Klekle ku ɔtɔ ankpeesa ye Yaa ntu. Otii nwu nkpo lɛtaka katɔɔ alenke mi, ninansieko ale katuka nwɔ ni bia ntokota. **12** Akle kɔfɛɛ nɔɔ ninnɛɛ kamε, abafɛɛlɛ kufuo andiki ni di kamɔɔ kamε, an-yɔ kamɔɔ ankpete ni di owu kamε. Kafɔɔ abafie kufuo nwu di ɔtɔ wɔ ninnaa ni kaloo kamε!”

### *Yohane Lakpeesa Yesu Yaa Ntu.*

**13** Di obe nwu nkpo kamε yi, Yesu lakyε Galilea aawa Yohane nfū di Yordan okle kotoko ale, Yohane akpeesa nwɔ Yaa ntu. **14** Kafɔɔ Yohane lamiɛ ale ookyisa nwɔ ni disibu nwu oso, aatɔkɔ Yesu ale, “Ami dikpe ni ale lewa ɔkyε lɛfɔ feekpesɛɛ Yaa ntu. Diele afɔ nikawa ɔkyε nii!”

**15** Kafɔɔ Yesu ladiki kanya aatɔkɔ nwɔ ale, “Nu kasɔ, faata bubla ninkpo nunua. Diekye nle mmle nimatuo ale buɔbla Yaa dibiesaa ne.” Ninfɛ di Yohane lanu kasɔ aatɔɔ ne.

**16** Nioso obe wɔ baakpeesa Yesu Yaa ntu baaloo ni aatoodie ni di ntu nwu kamε, nfanwu osi niasɛkɛtɛ, ni aanya Yaa Niwuna latoosoo fɛ mmle di lɛlaapɔɔ nsoo nii, diabasiɛ nwɔ di suoto ne. **17** Ninfɛ di selɔ lakyε osi siabue ale, “Nnya obi nii bɔmbɔtɛ ninle nwɔ mmle ne, oobuo mi anu nwaa.”

## 4

### *Abonsam Lassɔ Yesu Aanyu.*

**1** Ninfɛ di Yaa Niwuna lakpaa Yesu aasifiko ɔfaafuu kamε ale, Abonsam alaasɔ nwɔ anyu ne.

<sup>2</sup> Di obe wɔ di Yesu ntoonii kanya kakū ku kakye ayi afosi ana eeloo nii, kɔka laklee nwɔ. <sup>3</sup> Ninfɛ di Abonsam lakyɛ ɔkyɛ nɔɔ aalaatɔkɔ nwɔ ale, “Nse Yaa obi fale, ni tɔkɔ afuɔ ya mmle fale akple alesaa.”

<sup>4</sup> Kafɔɔ Yesu ladiki kanya ale, “Kɔkpana Klekle Kukū lebuɛ ale, ‘Diele alesaa lete suoto di otii nsie nkpa. Kafɔɔ ansie nkpa di ɔlaa lele niedie kuokye Yaa kanya kame.’ ”

<sup>5</sup> Ninfɛ di Abonsam lakpaa Yesu aasifiko Yerusalem ninle ni Yuda batii okpoo kple klekle nwu kame. Ninfɛ aayɔ nwɔ aalaatika di Yuda batii Olekatakɔ katakalekɔ ne. <sup>6</sup> Ninfɛ aatɔkɔ nwɔ ale, “Nse Yaa obi fale yi, faayefe fakye ninfū fasifi kasɔ. Diekye Kɔkpana Klekle Kukū lebuɛ ale,

‘Yaa makyesee batɔkyɛntε nɔɔ  
ale babakafo fo ku nnɛɛ lema,  
ale flaayɔ kɔkpaa lefɔ fasa di afuɔ kuanwii  
suoto.’ ”

<sup>7</sup> Yesu ladiki kanya ale, “Kafɔɔ Kɔkpana Klekle Kukū nwu nkpo lebuɛ ale, ‘Tansɔ Saate Yaa lefɔ faanyu.’ ”

<sup>8</sup> Ninfɛ di Abonsam nwu nkpo lakple aakpaa Yesu aasifiko kobokote takale kunwii nsintɛɛ. Ninfɛ aadiki kayi ka mmle sekɔ nlekɔ mmuu ku sɛɛ ninya aatu nwɔ ne. <sup>9</sup> Ni aatɔkɔ Yesu ale, “Nse fabare akunkyi kaasɔ fansumu mi yi, kamayo asaa ya mmle ammuu nta fo.”

<sup>10</sup> Ninfɛ di Yesu ladiki kanya aatɔkɔ nwɔ ale, “Satana, kye mi di ɔlɔɔkɔ fasifi! Diekye Kɔkpana Klekle Kukū lebuɛ ale, ‘Saate Yaa lefɔ lete faase katū kaasɔ fanta. Lete nɔɔ kafɔɔ faatansa.’ ”

**11** Ninfε di Abonsam nwu nkpo lakyε aadiε Yesu ne. Ni di Yaa batɔkyεntε lawa babakyakaako nwɔ ne.

*Yesu Lakte Okpe Nɔɔ Kasɔ Di Galilea Kasɔ Suoto.*

**12** Di obe wɔ di Yesu lanu ale batoomufū Yohane bεεtε ni di leyo katenkɔ yi, ni aasifi Galilea ne. **13** Atasiε di Nasaret, kafɔɔ aasifi aalaasie di Kapernaum, okpoo wɔ ninte ni di Galilea Lekpo ɔlɔɔkɔ di Sebulon ku Naftali kasɔ suoto. **14** Aasiε ninfa diata ale Yaa ɔlaa Buetεtε Yesaia olaa wɔ aabue aate lawa kaanya ale,

**15-16** “Sebulon ku Naftali batii  
ba ninsi ni di osuku wɔ niefe ni lekpo ku  
Yordan okle kamaa,  
ku Galilea kasɔ suoto mananle ni Yuda batii!  
Batii ba ninsi ni di ditunu kame manya lekpa  
kplε.

Ku mba ninsi ni di kasɔ ka di kukpi kole ni  
sεka yi,  
lekpa makpa ninkpete ma di suoto.”

**17** Diayɔ ni di obe nwu kame yi, ni di Yesu lakte ɔlaa nɔɔ kasɔ lekya oyie ale, “Bidie sikpile ɔbla,  
diekye Yaa sεka olebee ntɔɔteεtεe!”

*Yesu Laleε Kɔkpaku Badikite Bana Banwii Ale  
Batikanko Nwɔ.*

**18** Obe wɔ di Yesu latoofe ni di Galilea lekpo kotoko yi, ni aanya basuɔtɔbi banyɔ banwii ne. Mma niale Simon, nwɔ baatɔɔlεeε ni Petro ku obilema Andrea, baatɔɔtaa asawu di lekpo nwu kame, diekye kɔkpaku badikite baale. **19** Yesu latɔkɔ ma ale, “Biwa biεbatikankoe, matuo ye

mmle mandiki ni batii.” <sup>20</sup> Nfanwu, ni baadię asawu lema baate, baatikanko nwɔ ne.

<sup>21</sup> Obe wɔ aakyę ni sitū kεeke, ni aakple aanya Yakobo ku obilema Yohane ninle ni Sebedeo babi ne. Baasisę di oklo lema kame manko ote lema baatooloso asawu lema. Ni di Yesu laleę ma ne. <sup>22</sup> Nfanwu, ni baadię oklo ku ote lema, baatikanko nwɔ ne.

### *Aayɔosa Sifie Ate Ate Simuu Baatii Kame.*

<sup>23</sup> Yesu lakyę aakyi Galilea kasɔ kamuu suoto aatootuo batii asaa di Yuda batii nsiisakɔ. Aattooyie lækya di Yaa sekə ole ɔlaa biene nwu suoto. Ni aayɔosa batii ba ninkofie ni sifie ate ate bamuu sifie ne. <sup>24</sup> Leyooto nɔɔ lakyaka Siria kasɔ kamuu suoto. Nkpo oso batii lakpaa batii ba bamuu nikofie ni sifie ate ate baawako ɔkyɛ nɔɔ monoofuo ni lele kuniwii ɔbla. Batii ba di anwuna kpile nisi ni kaame ɔɔkɔkρeko ma nii, mba nikofie ni kakpibubu, ku mba niekpi ni kakyɛkakyę. Ni di Yesu layɔosa bamuu lema ofie ne. <sup>25</sup> Batii dikudi kpinwu lakyę Galilea ku eekpoo kple lefosi nwu kame ku Yerusalem ku Yudea kasɔ suoto ku Yordan okle kamaa fɛɛ, baawa babatikanko nwɔ.

## 5

### *Yesu Latuo Batii Yaa ɔlaa Di Kobokote Suoto.*

<sup>1</sup> Di Yesu lanya ni batii dikudi nwu nkpo yi, ni aasifi kobokote kunwii suoto ne. Obe wɔ aasię ni kaasɔ yi, ni di basaatekete nɔɔ lawa ɔkyę nɔɔ ne.

<sup>2</sup> Ni aakyako ma asaa otuo ale,

<sup>3</sup> “Suoto siyɔɔ batii ba nietofo ale bale ni bapiite di ninwuna kame,  
diekye lelema ninle Yaa sekə kalekɔ nwu ne.

- <sup>4</sup> Suoto siy়ো batii ba nikowi ni sেnyaami,  
diekye Yaa makpee ma k়onee kaafutu.
- <sup>5</sup> Suoto siy়ো batii ba niewakosa ni suoto kas়o,  
diekye mma nimale kayi ka mmle asaa nে.
- <sup>6</sup> Suoto siy়ো batii ba di anu lesেe ma ale boosie  
ni nkpa tinini di Yaa anu,  
diekye babawę lesaa le nimay়ো ma ni  
kafutu.
- <sup>7</sup> Suoto siy়ো batii ba ninnya ni bawo lema  
nyaami,  
diekye mma di Yaa manya nyaami nে.
- <sup>8</sup> Suoto siy়ো batii ba siitu lema ntika ni lেeba  
ninwii,  
diekye mma nimanya Yaa nে.
- <sup>9</sup> Suoto siy়ো batii ba ninlolaa ni batii ntęe,  
diekye mma di Yaa malee ale babi nুু nে.
- <sup>10</sup> Suoto siy়ো batii ba baatii ntikanko bেcnya ni  
dibuo, ta basi ni nkpa tinini di Yaa anu oso,  
diekye lelema ninle Yaa sেka kaleko nwu nে.
- <sup>11</sup> “Suoto siy়ো ye nse batii letufa ye, bেeta ye  
biensa dibuo, bেelaa selaa kuafunu beetika ye, ta  
bitikanko mi ni oso. <sup>12</sup> Binya suoto lęy়ো bিero,  
diekye letota lee mpo di Yaa kafa. Nkpo okle  
kaf়ো baatikanko Yaa olaa babuetete ba niale ye  
ni katু, baata ma baanyi dibuo nে.

*Yesu Batikankote Nte Fe Mmba Ku Lekpa.*

- <sup>13</sup> “Ote bite fe mba bieta batii bamuu. Kaf়ো  
nse mba nwu nkpo ়omenefে nুো ntooloo,  
lesalesaa kuninwii nsinnaa babayo mankpee mi  
ni ়omenefে. Disinnaa nfasু kunnwii, nioso ৽ু  
man-y়o manwii batii nnanafu mi manfe.

**14** “Ote bite fe lækpa biɛta kayi kamuu. Okpoo wɔ beebugi ni koobokote suoto ninwofa diidii. **15** Otii kuonwii ninsɔ kandie aayɔ lɛsaa aatii nwu. Kafɔɔ ɔyɔ an-yɔ antika lɛeba le kubakpa kunta ni batii bamuu leeyo. **16** Nkpo okle kafɔɔ dikpe ni ɔsaabla lee lækpa fe kandie kuɔta batii ne. Ni babanya asaa biene lee ya biɔbla nii, man-yɔ lɛtansa manta Teeye wɔ ninkpe ni kaatoo.”

*Yesu Lawa Ale Asaa Ya Di Mose Latuo Ni Di Obe Wɔ Nintɔbafe Ni Kawa Kaanya.*

**17** Yesu lakple aabue ale, “Bitannyu bile ɔwa lewa nle komaklee Mose kufiofa ku Yaa ɔlaa babuetete asaa otuo ndiki. Ninwa nle komaklee nya ndiki. Kafɔɔ ɔwa lewa nle asaa ya beetuo ni kawa kaanya. **18** Komie nle bitofo bile, obe wo di osi ku kasɔ ka mmle lenya kakpe ni yi, blɔbakyelensa kufiofa ko mmle bɛɛkpana bɛɛte nii bia kabefee nɔɔ dilabadie kaame, diɛlaase di obe wɔ di asaa ya kuufiofa nwu nkpo kotuo ni lewa ni kaanya. **19** Nkpo oso nse otii owo lɛtaka eeyila di kufiofa ko mmle bia kabefee nɔɔ suoto, eetuo batii bamba kafɔɔ ale baabla ninkpo yi, abale otii yɛntele di Yaa sekə kalekɔ nwu nkpo kamɛ. Nkpo okle kafɔɔ nse otii owo lɛbla di kufiofa ko mmle suoto, eetuo batii bamba kafɔɔ ale babla ninkpo yi, abale otii finle di Yaa sekə kalekɔ nwu nkpo kamɛ. **20** Nkpo oso kɔtɔkɔ ye klekle ntikiti nle, fie bibafuo ni Yaa sekə kalekɔ nwu nkpo obuo yi, diediki biesie nkpa tinini fe mmle okle di Yaa komie nii, dielenkee kufiofa batuotɛ ku Farisi batii nle.

*Yesu Latuo Asaa Aakyeko ɔblɔ ɔnya Suoto.*

**21** “Bitoonu, baatoko bakofo ale, ‘Bitanlo otii.’ Ni otii lele niεbla nkpo yi, dikpe ni bεεkanko nwɔ. **22** Kafɔɔ nunua yi, ami kɔtoko ye nle, otii lele niεnya ɔblɔ eekpeeko obilema yi, babakanko nwɔ. Otii lele kafɔɔ niεtoko owo nɔɔ ale, ‘Faale otii kuonwii’ yi, baalee nwɔ kaakankɔ di banɔɔfo anu. Otii lele kafɔɔ nimatoko owo nɔɔ ale, ‘Buute fale’ yi, Yaa mananfi nwɔ kootoko di kawɔɔ ɔtɔ dibio nwu kame. **23** Nkpo oso nse fakle letasaa fale fɔɔkyenka Yaa di Ole ɔta nɔɔ akyikye suoto feenyuma fale ɔlaa owo nsi di minko owo lefɔ ntεε yi, **24** nfanwu die letasaa lefɔ nwu nkpo fate di oleɔta akyikye nwu nkpo katū, faasifi bilaakpete bawo ntu ku owo lefɔ nwu nkpo fie faawa fabayo letasaa lefɔ nwu nkpo fata Yaa ole.

**25** “Nse otii owo ale ɔɔkraa fɔ ankyenka kakankɔ yi, miε obe bielolaa bawo ntεε fie bielaabuo kakankɔ nwu nkpo. Nse diele nkpo fie biεkye bielaabuo kakankɔ nwu nkpo yi, dibafuo ɔwa ale abayo fɔ ankpee di kante nnεε kame, kante kafɔɔ n-yɔ fɔ ankpee di bamufütε nnεε kame, mantefɔ leeyo. **26** Nwaako kɔta fɔ fantofo nle, nfa fɔɔwa ɔbasie dielaase di obe wɔ fatɔɔta ni letokonanfi lefɔ koto yentele.

### *Yesu Latuo Asaa Di Lesɔnɔkppee Suoto.*

**27** “Bienu bile beebue ale, ‘Bitankpee asɔno.’ **28** Kafɔɔ ami kɔtoko ye nle, osuɔtɔ lele niεnya ɔsanko eeklee nwɔ ɔkɔnsɔ kamaa, atookpee asɔno ku nnwɔɔ kofokofoko di otu nɔɔ kame. **29** Nkpo oso nse koletaneε ninu lefɔ kɔta fɔ faambla okpile yi, faadiki ni fayu. Diekye yi, nse suoto sina lefɔ leba lewo leyu yi, dile dilenke ale

baayɔ̄ suoto sina lefɔ̄ simuu manfuki mamkpee di kawɔ̄o ɔtɔ̄ dibiɔ̄ nwu kamɛ. <sup>30</sup> Nkpo okle kafɔ̄o nse koletanee lefɔ̄ kɔ̄ta fɔ̄ fambla okpile yi, faabudi kū fayu. Diekye yi, nse suoto sina lefɔ̄ leba lewo leyu yi, dile dilenke ale baayɔ̄ suoto sina lefɔ̄ simuu manfuki mankpee di kawɔ̄o ɔtɔ̄ dibiɔ̄ nwu kamɛ.

*Yesu Latuo Asaa Di ɔsa Ku ɔsɔfɔ̄ Kusī Suoto.*

<sup>31</sup> “Beebuε ale, ‘Osuntɔ̄ lele niale oosī ɔsɔfɔ̄ cnu yi, dikpe nii εεtɔ̄o kusinkū.’ <sup>32</sup> Kafɔ̄o ami yi, kɔ̄tɔ̄kɔ̄ ye nle, nse osuntɔ̄ owo lesī ɔsɔfɔ̄ cnu, dilanle asɔ̄nɔ̄ eekpee yi, ni atɔ̄ota ɔsɔfɔ̄ cnu nwu nkpo lekpee asɔ̄nɔ̄. Osuntɔ̄ lele kafɔ̄o nyin ɔsankɔ̄ nwu beesī ni yi, atookpee asɔ̄nɔ̄.

*Yesu Latuo Asaa Di ɔlaa Obue ɔte Suoto.*

<sup>33</sup> “Bitoonu kafɔ̄o ale, baatɔ̄kɔ̄ bakofo ale, ‘Tansī ntam be fεεka ni obla. Kafɔ̄o bibla di lesaa le suooto biεka ntam bieta ni Saate nwu.’ <sup>34</sup> Kafɔ̄o nunua yi, kɔ̄tɔ̄kɔ̄ ye nle bitansinka lesalesaa kuniwii nse biobue bile bibabla lessaa lewo. Bitanka di osi diekye nfa ninle Yaa lεkakpomii ne. <sup>35</sup> Ee bitanka di kasɔ̄, diekye Yaa nkpaα kasekɔ̄ kale. Bitanka kafɔ̄o di Yerusalem, diekye nwu ninle baka ɔka nwu okpoo kplε ne. <sup>36</sup> Tanka bia disi lefɔ̄, diekye flabafuo disi onwini lefɔ̄ onwii obla kupu ee kuwɔ̄fɔ̄. <sup>37</sup> Bita yii lee dibla yii, bieta oowo lee dibla oowo. Nle mmle kamaa, lesaa lele biekple biebue kyidite nwu nfū diekye.

*Yesu Latuo Asaa Ale Butambla Okpile Buaky-isa.*

**38** “Bienu beebue ale, ‘Nse feebie owo lefō ninu yi, afō baabie fō lele. Nse feekpa owo lefō lenyeε yi, afō baakpa fō lele.’ **39** Kafō nunua yi, kōtōkō ye nle, nse owo lee lebla ye okpile yi, bitambla nwā okpile nwu biakyisa. Nse otii owo lepe fō kōneε kootokosi di oletaneεkye yi, faamunikīsa kōmentu tokosi kafō faatōc ape. **40** Nse otii owo ale əkpaa fō ankyenko kakankō anfū fō awu ya funkpee fante ni kasō yi, faadiki osi ale kafō fatōc. **41** Nse siente owo lesie fō di suoto ale, tuka nwā atoo lekō ninwii yi, afō faatuka akō anyō. **42** Nse otii owo lekaale fō lesaa yi, faatōc. Nse otii owo kafō ale fēnsa nwā lesaa yi, faafēnsa nwā.

### *Yesu Latuo Asaa Ale Buabombō Balo Loo.*

**43** “Bienu beebue ale, ‘Bibombō basiεwo lee, biekyidi balo lee!’ **44** Kafō nunua yi, ami kōtōkō ye nle, bibombō balo lee, biepe əlaa bita batii ba nikōkpreko ye ni. **45** Ni bibakple Teeye wō ninkpe ni kaatoo babi. Diekye nnwōc ninta kufī nōc mpe kunta batii kpile ku babienete kyεkye. Anta kafō kanto nōc nnōc anta batii ba ninte ni tinini ku mba ninante ni tinini kyεkye. **46** Nse batii ba nimbōmbō ye ni lete mimbōmbō yi, ni letota nwaa kuniwii nnaa di Yaa mata ye nii. Diekye bia akpooto bafunte kafō mmbla nkpo. **47** Nse basiεwo lee lete minseesa yi, ni biibla lesaa le ninlenke ni baape ni sefa. Bia batii ba ninanle ni bafūbanute kafō mmbla nkpo. **48** Bile batii ba niewo ni niimu fē mmle okle di Teeye wō ninkpe ni kaatoo lewo ni niimu.

**6***Yesu Latuo Asaa Di Mmle Buatɔɔbla Ni Sifutule.*

<sup>1</sup> “Bilolaa binyu nwaa ale biebla sifutule lee di lèkpaka ale batii kanya. Nse biebla asaa ya mmle di lèkpaka yi, ni letota kuninwii nnaa ye di Teeye nfū di Yaa Kafa. <sup>2</sup> Nkpo oso nse fɔɔta piite owo lesaa yi, tanyie ni lèkya faata batii latofo fe mmle di baalaate mbla ni di bawo kaleɛkɔ ku lèkpaka. Mambla nkpo ta mmle baatii katansa ma ni oso. Kafɔɔ kɔte nta ye letofo nle batoofū letota lèma kaayi ka mmle kame kofokofoko. <sup>3</sup> Nkpo oso nse fɔɔkyakaako piite owo yi, bla ni di osuku wɔ suoto di siewo lefɔ wɔ bia minko nwɔ minfe ni yi, dilaatofo lesaa le fεɛbla ni. <sup>4</sup> Ni lesaa le fεɛbla ni masie di lewofa kame. Ni Teefɔ wɔ kafɔɔ ninnya ni lesaa di lewofa kame yi, matafɔ letota biene.

*Yesu Latuo Asaa Di Mmle Buape ɔlaa Munta Ni Yaa.*

<sup>5</sup> “Nse biɔpε ɔlaa minta Yaa yi, bitambla fe mmle baatii ba nimbla ni asaa di anu anu mbla nii. Mambombɔ ɔtaka oyila di Yaa batii kasiisakɔ ku akpaka ale batii bamuu kanya ma ale bɔɔpε ɔlaa manta. Kɔtɔkɔ ye nle batoofū letota lèma kofokofoko. <sup>6</sup> Nioso nse fɔɔpε ɔlaa fanta Yaa yi, faabuo leyo tenle lefɔ kame, faasεε, faape ɔlaa fata Teefɔ wɔ manannya ni. Ni Teefɔ wɔ ninnya ni lesaa di kawofakɔ yi, abatafɔ letota biene.

<sup>7</sup> “Ni nse fɔɔpε ɔlaa fanta Yaa yi, tambue selaa se ninanfī ni ninwii ku sεnyɔ fe mmle di batii ba ninanfū banu ni mbla nii. Diekye mannyu ale nse bεɛpε ɔlaa bεɛta afiɔ bεɛklesa yi, ni annu nε.

<sup>8</sup> Bitante fe mma, diekye Teeye Yaa n-ye lesaa le niefi ye ni kofokofoko fie bia biokaale nwɔ nii.  
<sup>9</sup> Nkpo oso nnya mmle okle dikpe ni bietɔɔpɛ ɔlaa bietɔɔta ni Yaa. Bile,  
‘Teewo wɔ ninkpe ni di osi,  
    ta baleɛ leyooto lɛfɔ klekle nwu ku dibu.  
<sup>10</sup> Sɛka kalekɔ lɛfɔ diwa wo kaamɛ.  
Ta babla fɔ dibiesaa  
    kaasɔ ka mmle suoto fe mmle dikpe ni di osi.  
<sup>11</sup> Ta wo miɛ alesaa ya niefi wo ni.  
<sup>12</sup> Faayɔ sikpile loo fakyɛ wo,  
    fe mmle okle di awo kafɔɔ buɔyɔ buɔkyɛ ni  
        batii ba niebla wo ni sikpile.  
<sup>13</sup> Tankpaa wo faakpee di ɔsɔ onyu siene kamɛ,  
        kafɔɔ dikiwo fakyeko kpiletɛ nnɛɛ kamɛ.  
Diekye lelefɔ ninle sɛka kalekɔ ku osie ku lek-  
    lekle ninnqa ni kaloo.’  
<sup>14</sup> “Diekye nse bieyɔ bawo lee sikpile se bɛɛbla  
ye ni biekyɛ ma yi, ni Teeye wɔ ninkpe ni di  
osi kafɔɔ mayɔ sele ye se bieɛbla ni, ankyɛ ye.  
<sup>15</sup> Kafɔɔ nse bieyɔ bikyɛ bawo lee yi, ni Teeye  
kafɔɔ dilabayɔ siele ye se bieɛbla ni akyɛ ye.”

### *Yesu Latuo Mmle Okle Buanii Ni Kanya.*

<sup>16</sup> Yesu latuo asaa ale, “Nse bionii kanya yi,  
bitankatu anu fe mmle di balaate mbla nii.  
Diekye mankatu anu ale batii kanya mante nsũ  
ale boonii kanya. Kotɛ nta ye mintofo bile  
batoofū letota lɛma kofokofoko. <sup>17</sup> Nse bionii  
kanya yi, biefoto anu bieflɛɛ disi, <sup>18</sup> mmle okle  
di batii dilabatofo ale bionii ni kanya. Diediki  
Teeye wɔ manannya ni lete nikatofo. Ni Teeye  
wɔ ninya ni asaa ya biɔbla ni di kawofakɔ mata  
ye letota biene.

*Yesu Latuo Asaa Di Yaa Kafa Lesaawε Suoto.*

**19** "Bitansiisa lesaawε biate biata suoto di kasɔ ka mmle suoto. Diekye kaasɔ ka mmle suoto yi, kɔbɔkɔbii ku kɔsanka nkpe manlalaasa nya nii, bayu kafɔɔ nkpe bababuo man-yu nya nii. **20** Kafɔɔ yi, bisiisa lesaawε lee bite bita suoto di Yaa kafa. Nfa yi, kɔbɔkɔbii ku kɔsanka nnaa babalalaasa nya nii. Bayu kafɔɔ nnaa bababuo man-yu nya nii. **21** Diekye nfū di lesaawε lefɔ nte nii, nfa kafɔɔ di otu lefɔ nwe ne.

*Yesu Latuo Asaa Ale Anu Nle Lekpa Dieta Suoto Sina.*

**22** "Otii anu nte fε kandie εεta suoto sina. Nse anu nle fɔ yi, afɔ otii suoto sina lefɔ simuu nkpa. **23** Kafɔɔ nse anu diele fɔ yi, suoto sina lefɔ simuu masie di ditunu kame. Nkpo oso nse lekpa le ninsi fɔ ni kaamε nle ditunu, ni dibate ninwɔfɔ fɔ osie kanya.

*Yesu Latuo Asaa Aakyeko Yaa Ku Lesaawε Otikanko Suoto.*

**24** "Otii kuonwii dilabafuo basaate banyɔ ɔkpε ɔbla. Diekye abasī onwii ambɔmbɔ onwii. Ee abakyɔɔ onwii kotoko, ansī onwii kotoko ɔkyɔɔ. Flɔbafuo Yaa ku lesaawε ɔkpε ɔbla ɔkpɔtɔɔsa. **25** Nkpo oso kɔtɔkɔ ye nle, bitantoobu diisi sikitii di nle biale minsie ni nkpa ku nle bianyi ni ku nle biaklee ni sutoto ne. Binyu, sεε nkpa diefū kɔya dilenkee alesaa? Suoto sina kafɔɔ diefū kɔya silenkee akleesaa? **26** Binyu bakansie ba nikɔflεlεtε mankyi ni, mánkρε kofe, mánfee alesaa kafɔɔ bakpee di akpa. Kafɔɔ Teeye wɔ ninkpe ni di osi konyu ma obe lele. Biefū kɔya

bilenkee bakansie? <sup>27</sup> Owe nimafuo dii ninwii ɔyɔ ɔkyakaa ninkpa cōn suoto, nse eebu nkpa cōn disi osie kanya?

<sup>28</sup> “Nkpo oso bitambu diisi sikiitii di akleesaa lee suoto. Aye binyu mmle okle di atoto ya nin-ye ni di lepoo kame nkpee ammuɔ ni. Mantaa oleteku ee baaloso abula baata suoto. <sup>29</sup> Kafɔɔ kɔtɔkɔ ye nle, bia Ḍka Salomo omu, di lesaawɛ nɔɔ nimuu kame, atakpee awu ale onyu aawo lepoo kame atoto kpeele ya mmle kaame lema onwii. <sup>30</sup> Ni nse Yaa lekpe sefa se mmle okle ninkpe nkpa sekpeele miɛ, koɔsɛɛ babayoɔ sī mankpe ni di ɔtɔ kame sinfiɛ nii, ni Yaa nwu nkpo dilaanyuma ye ata ye akleesaa lee alenkee sefa nwu nkpo? Ofū onu lee diɛpɔ.

<sup>31</sup> “Nkpo oso yi, bitansimbu diisi sikitii bia-toobue bile, ‘Fε bubawɛ lesaa munle? Ee munwɛ lesaa munnyi, ee munwɛ lesaa munklee?’ <sup>32</sup> Asaa ya mmle suoto di batii ba ninanle ni bafūbanutɛ ntoobu diisi osie kanya nɛ. Teeye wɔ ninkpe ni di osi n-ye ale, asaa ya mmle amuu lefi ye. <sup>33</sup> Kafɔɔ bita anu aseɛ ye di Yaa Kafa Seka ɔkpɛ suoto alenkee di asaa amuu ɔbla kame, biebla nwɔ dibiesaa. Ni Yaa mayɔ asaa amuu bule ankyakaa ye. <sup>34</sup> Nkpo oso bitansimbu disi kpinwu di kɔsɛɛ ko nikɔwa ni suoto. Dii nwu nkpo nimmu mabu disi ninta suoto. Dinaa ale bieyɔ atoo bamba biɛkyakaa di dii nwu nkpo ale suoto.

## 7

*Yesu Latuo Asaa Aakyeko Bawo Ḍkanko Suoto.*

<sup>1</sup> “Bitankanko batii, ale Yaa kafɔɔ dilaakanko ye. <sup>2</sup> Diekye Yaa makanko ye fε mmle

okle biɛkanko ni batii. Leklapoosaa le biɛyɔ biɛklapoosa biɛta ni bawo lee, nninwu ke di Yaa mayɔ anklapoosa anta ye nε.

<sup>3</sup> “Le dieɛbla fɔɔnya diku biibii le ninsi ni di owo lεfɔ ninu, kafɔɔ flɔɔnya kawosokuu ka ninsi fɔ ni leeple kame? <sup>4</sup> Le faatɔkɔ obilee fale, ‘Lekoto tεε ndiki fɔ diku biibii nwu ninsi fɔ ni niinu kame.’ Di obe wɔ di kawosokuu nsi ni di afɔ omu lεfɔ ninu kame? <sup>5</sup> Afɔ laate! Lekatū fadiki kawosokuu ka ninsi ni niinu lεfɔ kame fie, ni fabafuo ɔnya nwaa, fandiki diku biibii le ninsi ni di obilee ninu kame.

<sup>6</sup> “Bitan-yɔ lεsaa le ninte ni klekle biafuki biate di batii ba ninte ni fe baweewee anu. Diekye nse biɛbla nkpo ɔtaka babataka mammufū ye manwee. Bitan-yɔ lεsaa futu kafɔɔ biate di batii ba ninte ni fe aplakuo anu bile bate. Diekye nse biɛyɔ biete ma, ɔnanafū babananafū ni mankρɔnɔnfɔsa.

*Yesu Latuo Asaa Aabue Ale, Lεsaa Lele Niefi  
Wo Buɔkaale Yaa.*

<sup>7</sup> “Bikaale Yaa asaa, abayɔ anta ye. Biwolaa asaa, abata ye minnya. Bipe nwɔ kokloo kɔnɛɛ, abasekete anta ye. <sup>8</sup> Diekye otii lele niɛkaale Yaa asaa, an-yɔ antɔɔ. Otii lele niewolaa, antɔɔ annya. Otii lele kafɔɔ niɛre Yaa kokloo kɔnɛɛ, ansɛkete antɔɔ.

<sup>9</sup> “Obi Ote kuonwii nnaa abayɔ difuɔ anta ni obi nɔɔ nse εɛkaale nwɔ bloblo. <sup>10</sup> Nkpo kafɔɔ anan-yɔ kɔsaanwu aatɔɔ nse εɛkaale nwɔ kakpaku nε. <sup>11</sup> Bia aye ba ninle ni bakpileblate yi, biye mmle okle biayɔ asaa biene minta ni babi lee. Ni le oso nfe di Teeye wɔ ninkpe ni di

osi ate ni klekle dilaayo asaa biene ata batii ba niekaale nwɔ ni alenkee! <sup>12</sup> Asaa ya biomie bile batii bamba babla bata ye ni yi, aye bibla nkpo okle bita ma. Nle mmle ninle Mose kufiofa ku Yaa ɔlaa babuetete asaa ya bootuo ni kasɔ ne.

*Bife Di Kayoko Ka Ninle Ni Kabiibii Kame Bibuo.*

<sup>13</sup> “Bife di kayoko ka ninle ni kabiibii kame bibuo. Diekye nse bife di kayoko ka nieblefe ni kame, biedu osuku wɔ niεyɔɔ ni suoto yi, bibabuo di ɔtɔ wɔ niñwɔɔsa ni kame. Nnwu suoto kafɔɔ di batii kpiñwu nkyc ne. <sup>14</sup> Kafɔɔ kayoko ka osuku ninte keesifi ni nkpa be ninnaa ni kaloo kame yi, ote kate biibii, osuku ninwu kafɔɔ nte maamaa kukpe osie kafɔɔ kuɔkye. Batii ba nintɔɔnya ni osuku nwu nkpo kafɔɔ baapo.

*Kowoso Biala Ku Abi Ni Kü.*

<sup>15</sup> “Bilolaa binyu nwaa di balaate ba niebla ni suoto fe Yaa ɔlaa bauetete. Manwa ɔkye lee fele bafoso ba niεyɔɔ nii. Kafɔɔ nwaako di situ lema kame yi, bakplele bale. <sup>16</sup> Nkpa lema letembi bibayɔ minnya ma minte nsū. Akpofoe dilaafu akpaloo abi otika, nkpo kafɔɔ di kakɔtɔkɔtɔ kowoso dilaafuo kukutu abi otika ne. <sup>17</sup> Nkpo kafɔɔ di kowoso biene ntika abi biene ne. Kowoso lalaale kafɔɔ ntika abi lalaale ne. <sup>18</sup> Kowoso biene nintika abi lalaale. Nkpo kafɔɔ di kowoso lalaale nintika abi biene ne. <sup>19</sup> Kowoso lele kafɔɔ ninantika abi biene yi, mambudi kū man-yu, makpee kū ɔtɔ. <sup>20</sup> Nkpo oso, asaa ya di balaate ba niebla ni suoto fe Yaa ɔlaa babuetete bale nii, letembi lema bibayɔ mintofo ma.

*Aye Bitɔɔbla Yaa Dibiesaa.*

**21** “Diele otii lele nikɔlɛɛ mi ni ale, ‘Saate, Saate,’ nimakyɛ Yaa kafa. Kafɔɔ batii ba niebla ni Teemi wɔ ninkpe ni di osi dibiesaa nimakyɛ nfa. **22** Obebe di Yaa lɛkankoyi nwu lewo yi, batii kpинwu matɔkɔ mi ale, ‘Saate! Leeyooto lɛfɔ nwu kame, ni buayie Yaa ɔlaa lɛkya, buatososa anwuna kpile ne. Ni buabla sɛkpɛ se niebla ni okpɛ ate ate kafɔɔ di leyooto lɛfɔ nwu kame ne.’ **23** Nfa nfɛ matɔkɔ ma nle, ‘Ninje ye kaakɔkaako! Bikyɛ mi di ɔlɔɔkɔ bisifi aye batii kpile.’

*Yesu Latuo Asaa Aakyeko Di Ayo Batofote  
Banyɔ Banwii Suoto.*

**24** “Nkpo oso, otii lele nienu selaa nii se mmle, εεγɔ sī εεblako ɔkpɛ yi, ate fɛ otii wɔ niebe ni anu eetofo ni leyo di difuɔnkpa suoto. **25** Kanto lanɔɔ, sekle layii, afεεfɔ kafɔɔ lafe osie kanya di leyo nwu suoto. Kafɔɔ ditabie, diekye baatofo ni di difuɔnkpa suoto. **26** Kafɔɔ otii lele nienu selaa nii se mmle, anan-yɔ sī ablako ɔkpɛ yi, ate fɛ otii wɔ niebuu nii, eetofo ni leyo di kɔtɛ suoto. **27** Kanto lanɔɔ, sekle layii, afεεfɔ kafɔɔ lafe di leyo nwu suoto. Ni diabie wududu diapɛ kaaso kɔkyɛεkɔkyɛɛ ne.”

*Yesu Latuo Asaa Ku Sekambi.*

**28** Obe wɔ di Yesu laloo ni selaa se mmle obueyi, diabla batii dikukdi nwu nkpo yaa, di mmle okle aatuo ni asaa. **29** Asaa nɔɔ otuo ditate fɛ mmle okle di kufiofa batuotɛ ntuo nii. Kafɔɔ aatuo asaa ku sekambi.

**8***Yesu Layɔɔsa Osuɔɔ Onwii Niatoofie Ni Ofie  
Sεεle Ofie.*

<sup>1</sup> Obe wɔ di Yesu lasoo aakyə ni kabokotee nwu suoto yi, batii dikudi kple ninwii latikanko nwɔ. <sup>2</sup> Ni di osuɔɔ onwii niatoofie ni ofie sεεle lawa ɔkye nɔɔ, abare akunkyi kaatū nɔɔ, aase katū kaasɔ aabue ale, “Saate! Nse dile fɔ, faafuo ɔta suoto nii mbla klekle.”

<sup>3</sup> Yesu ladiki kɔnɛɛ aakpanko nwɔ, aatɔkɔ nwɔ ale, “Letuna, suoto lefɔ siklekle!” Nfanwu, ofie nwu layɔɔ osuɔɔ nwu nkpo. <sup>4</sup> Ninfɛ di Yesu latɔkɔ nwɔ ale, “Lolaa fanyu nwaa, tambue ɔlaa kuonwii faatɔkɔ otii kuonwii. Kafɔɔ tɔɔkye falaayɔ suoto lefɔ fatuo Yaa Oletate, faata oleɔta asaa ya di Mose kufiofa letuo ni. Nni nimadiki nintuo batii ale nwaako, ofie nwu nkpo, ntɔɔcye fɔ ne.”

*Yesu Layɔɔsa Roma Batii Bakpεtε Nɔɔfo Onwii  
Kpεmblate Ofie.*

<sup>5</sup> Obe wɔ di Yesu labuo ni Kapernaum okpoo kamɛ yi, Roma batii bakpεtε nɔɔfo onwii lawa ɔkye nɔɔ abatikiti nwɔ lekoto aatɔkɔ nwɔ ale, <sup>6</sup> “Saate! Kpεmblate nii kofie osie kanya ate leeyo diobuo nwɔ ale, oloofuo bia ɔtaka.”

<sup>7</sup> Yesu latɔkɔ nwɔ ale, “Mawa mayɔɔsa nwɔ ofie.”

<sup>8</sup> Ni baakpεtε nɔɔfo nwu nkpo ladiki kanya ale, “Oowo, Saate! Ninsieko ale faawa mi leyo. Kafɔɔ afo yi, buɛ ɔlaa onwii lete, kpεmblate nii nwu nkpo mawɛ difieyɔɔ. <sup>9</sup> Diekye ami kafɔɔ nle otii wɔ ninsi ni di banɔɔfo bawo kalɔ, ni di bakpεtε

bawo kafɔɔ nsi mi kaalɔ nε. Nse letɔkɔ owo nle, 'Atɔɔkye' yi, ansifi. Nkpo kafɔɔ nse letɔkɔ owo nle, 'Awa' yi, anwa nε. Nse letɔkɔ ɔlanle nii nle, 'Abla lesaa' le, ni ambla nε."

**10** Obe wɔ di Yesu lanu ni selaa se mmle diabla nwɔ ɔkpɛ, ni aatɔkɔ batii ba niatikanko nwɔ ni ale, "Nwaako kɔtɔkɔ ye nle, ninnya otii kuonwii di Israel batii kame ninkpe ni ofū onu kple wɔ mmle okle. **11** Nwaako kɔtɔkɔ ye nle, batii kpинwu makye kufī katunkɔ ku kufī kamεεkɔ manwa mamasie di opunu katū ku Abraham ku Isak ku Yakob, di Yaa kafa sɛka kalekɔ nwu kame. **12** Kafɔɔ Yaa mayɔ Yuda batii ba di Yaa sɛka kalekɔ nwu nkpo nle ni kale an-yu di ditunu kame. Nfa babawi kaku manwee anyεε nε."

**13** Ninfε di Yesu latɔkɔ bakpɛtε nɔɔfo nwu ale, "Tɔɔkye leyo. Fe mmle okle feefū feenu nii, dibawa kaanya ninta fɔ nkpo." Nfanwu, ofie layɔɔ bakpɛtε nɔɔfo nwu nkpo kpεmblate.

### *Yesu Layɔɔsa Batii Kpi Sifiε.*

**14** Yesu lakyε Petro leyo. Ni aalaanya Petro ɔmaato nte di ɔkla suoto ofie lεwɔɔfɔ ofie nε.

**15** Ninfε di Yesu lakyε aalaamufū nwɔ di kɔnεε nε. Nfanwu ofie nwu nkpo layɔɔ nwɔ ni aataka aafū nwɔ kɔfɔɔ nε.

**16** Di kɔtɔɔfɔ lawo nii, baakpaa batii kpинwu di anwuna kpile nsi ni baawako Yesu nfū. Ni di Yesu latososa anwuna kpile nwu nkpo aadiki ma kaame ku ɔlaa onwii obue. Ni aayɔɔsa mba niatoofie ni bamuu sifiε ninfa nε. **17** Aabla nle mmle ale, ɔlaa wɔ di Yaa ɔlaa Buetetε Yesaia labue aate ni kawa kaanya. Ale,

"Nnwɔɔ omu nɔɔ eefū wo suoto dibuo,

eekpee disi kaf   di sifi   loo simuu kal  .”

*Batii Bany   Lamie Ale Bootootikanko Yesu.*

**18** Obe w   di Yesu lanya batii dikudi le kpinwu niamana nw   beekyi nw   nii yi, ni aat  k   basaateketete n  o ale, “Bita butaale busifi lekpo le mmle s  maa.” **19** Nfanwu ni di kufiofa assaa tuote onwii lawa nw     kye ne. Ni aabat  k   nw   ale, “Saatuote, kak   lele fabaky  , matikanko f  .”

**20** Ninf   di Yesu lat  k   nw   ale, “Nkpikiti nkpe atue ya kam   mansie nii, bakansie nkpe ayo mante nii. Kaf   ami, Otii Obi, nnaa l  ba kate ni disi.”

**21** Osu  t   bamba ninle ni basaateketete n  o onwii labue ale, “Saate, t  enky   ninakookaa teemi fie.”

**22** Ninf   di Yesu ladiki kanya ale, “Tikankoe. Faadi   batii ba ninte ni f  le bakpi, baakookaa mma bamu bakpi l  ema.”

*Yesu Lay  csa K  f  esf   Sienle Ko Niakpe Ni Kanya.*

**23** Yesu labuo di oklo onwii kam  , ni di basaateketete n  o kaf   layie baabuo ne. Obe w   nf   bakye nii, **24** nfanwu, k  f  esf   siene kunwii niakyako   kp   di lekpo nw   suoto. Kuat  or   ntu kuatookpete di oklo nw   kam  , kuamie ale ku  m  e. Kaf   di obe nw   kam  , Yesu late aat  cky  s  i. **25** Basaateketete nw   nkpo laky   baalaasenk  sa nw  , ni baat  k   nw   ale, “Saate, diki wo! Nf   buookpi lo!”

**26** Ninf   di Yesu lat  k   ma ale, “Be oso bi  y  ek   nkpo? Of   onu lee di  po.” Nfanwu, Yesu lataka

ni aamuε kɔfεεfɔ ku ntu nwu ninkɔkpε ni ale,  
“Dieɔfε faate kloklo.” Ninfε dialo kanana ne.

<sup>27</sup> Diabla obiala lεma yaaa. Ni baakaale suoto  
lεma ale, “ɔmentii okle ninle nwɔ mmle di  
kɔfεεfɔ ku ntu be ninkɔkpε ni nnu nwɔ ɔlaa?”

*Yesu Latososa Anwuna Kpile Di Batii Banyɔ  
Bawo Kame.*

<sup>28</sup> Obe wɔ di Yesu labuo Gadara kasɔ suoto  
leekpo nwu nkpo kakye nyɔɔfa, batii banyɔ ban-  
wii di anwuna kple kɔkpεko ni ladie baakye batii  
kakookaakɔ baawa babakyakako nwɔ. Baatii  
nwu nkpo lawε ni kobe osie kanya oso, otii  
kuonwii ninsinfuo ofe di osuku nwu nkpo suoto.

<sup>29</sup> Nfanwu ni baafaa osie kanya baabue ale, “Afɔ  
Yaa Obi, be ninsi di awo ku afɔ ntεε? Ole fatoole  
katū fεεwa fale fɔɔbananfi wo kootoko fie di obe  
wɔ di Yaa lεtε ni nwo?”

<sup>30</sup> Aplakuo ɔlambu kple onwii latoole alesaa di  
ntεε nwu. <sup>31</sup> Nioso anwuna kpile nwu latikiti  
Yesu lekoto ale, “Nse fabatososa wo fandiki yi,  
ni faatososa wo fakpee di aplakuo ɔlambo kple  
nwu nkpo kame.”

<sup>32</sup> Ninfε di Yesu ladiki kanya aatɔkɔ nya ale,  
“Bitɔɔkye nya kame.” Ninfε aadie ma kaame  
aasifi aplakuo nwu nkpo kame ne. Ninfε  
di aplakuo ɔlambo nwu nkpo latoso kitikiti  
baakye kobokotee nwu nkpo ɔlɔɔkɔ baalaabuo  
di lekpo nwu kame baamε ntu baakpi ne.

<sup>33</sup> Nioso aplakuo nwu bakpate latoso baasifi  
okpoo baalaabue lesaa le niawa ni di basuɔtɔ  
ba kame di anwuna kpile nwu lasie ni ku  
aplakuo nwu suoto baatɔkɔ batii. <sup>34</sup> Nkpo oso  
okpoo nwu nkpo batii bamuu ladie baakye ale

bɔ̄laakyakako Yesu. Obe wɔ̄ baakyakako nwɔ̄ nii, baatikiti nwɔ̄ lekoto ale adie ma kaasɔ̄ suoto.

## 9

### *Yesu Layɔ̄osa Osuɔ̄tɔ̄ Onwii Niafefe Aate Ni Kaasɔ̄ Ofie.*

<sup>1</sup> Yesu labuo di oklo nwu nkpo kame aakple aataale lekpo nwu nkpo aasifi okpoo nɔ̄. <sup>2</sup> Ninfɛ baakpaa osuɔ̄tɔ̄ onwii niafefe aate ni di ɔ̄kla suoto baawako ɔkye nɔ̄ ne. Obe wɔ̄ di Yesu lanya ni ofū onu lɛma yi, ni aatɔ̄kɔ̄ osuɔ̄tɔ̄ nwu niafefe aate ni ale, “Obi nii, ta otu kute fo. Ntɔ̄oyɔ̄ sikpile lefɔ̄ lekye fo.”

<sup>3</sup> Kufiofa batuote bawo lawe ninfa, ni baabue baatɔ̄kɔ̄ suoto ale, “Otii wɔ̄ mmle kobue mbusuo ɔ̄laa lo!”

<sup>4</sup> Yesu latofo disibu lɛma nwu nkpo, ninfɛ aakaale ma ale, “Be oso biobu disi kpile le mmle okle? <sup>5</sup> Selaa se mmle, lɛmenle niɛyɔ̄ɔ̄ kuobue? Ale, ‘Beeuyɔ̄ sikpile lefɔ̄ beekeye fo’ ee seɛ baabue ale, ‘Taka faakyε?’ <sup>6</sup> Kamadiki ntuo ye nle, ami, Otii Obi nwu, nkpe osie kaayi ka mmle ale kayɔ̄ okpile nkye.” Nkpo oso aatɔ̄kɔ̄ otii nwu niafefe aate ni kaasɔ̄ ale, “Taka fayila, faayɔ̄ ɔ̄kla lefɔ̄, faatoɔkye leyo.” <sup>7</sup> Osuɔ̄tɔ̄ nwu nkpo niataka, ni aayɔ̄ ɔ̄kla nɔ̄, aasifi leyo ne. <sup>8</sup> Obe wɔ̄ baatii lanya ni nle mmle yi, leyeke lamufū ma, ni baatansa Yaa ale eeuyɔ̄ osie wɔ̄ mmle okle eeata batii ne.

### *Yesu Laleɛ Mateo Ale Atikanko Nwɔ̄.*

<sup>9</sup> Yesu ladie ninfa aasifi. Obe wɔ̄ akye oosifi nii, ni aanya akpooto funte onwii baatɔ̄lɛɛ ni

Mateo lasie di akpooto kafunko ne. Ni aatoko nwɔ ale, "Tikankoe!" Nfanwu, ni di Mateo lataka aatikanko nwɔ ne.

<sup>10</sup> Obe wo di Yesu latoole ni alesaa di Mateo leyo yi, akpooto bafunte kpinwu ku bakpileblate bawo lawa nfa baakyakaa di Yesu ku basaateketete nɔɔ di alesaa nwu kalekɔ. <sup>11</sup> Di Farisi batii bawo lanya ni nle mmle, ni baakaale basaateketete nɔɔ ale, "Obe oso di saatuotε lee kole alesaa ku akpooto bafunte ku bakpileblate bamba ba mmle?"

<sup>12</sup> Yesu lanu ɔlaa wɔ baatoobue nii, ni aadiki kanya ale, "Fablate dieff batii ba ninoofie nii, bafiεtε di fablate lefī. <sup>13</sup> Bitɔɔkye bielaawolaa lesaa le di Kɔkpana Klekle Kukū kamε kotuo ni ale, 'Sifutule di Yaa komie, diele babɔkeε ɔyɔ ɔta ole.' Ninwa babienetε ɔlεε, bakpiletε oso lewa."

### *Baakaale Yesu Selaa Di Kanya Onii Suoto.*

<sup>14</sup> Di n-ya mmle sεmaa, Ntu Kpeesate Yohane batikankote nɔɔ lawa Yesu nfū babakaale nwɔ ale, "Obe oso fie di awo ku Farisi batii munnii ni kanya obe obe, fie di basaateketete lefɔ mma mánnii kanya?"

<sup>15</sup> Ni di Yesu ladiki kanya ale, "Biefū bienu bile batii ba bεεlεε bεεwako ni ɔsanko kayɔkɔ kawi sεnyaami di obe wɔ di ɔsanko nwu nkpo ɔsa nsi ma ni kaamε? Oowo, dilabawa nkpo diidii! Kafɔɔ obe owo kɔwa babakpaa ɔsanko nwu nkpo ɔsa mansifiko nii. Di obe nwu nkpo kamε yi, babanii kanya.

<sup>16</sup> "Otii kuonwii nin-yɔ dibula fɔle kakyeε aakaa aatii dibula kofole kabεkɔ. Diekye dibula

fôle nwu nkpo matuniisa lekofole nwu nkpo ninta ale, lekofole nwu nkpo mbe ninkyakaa.

**17** “Nkpo okle kaf   di otii kuonwii nin-y   nta f  le aakpete di k  b  ke  k   kofole kame ne. Diekye nse b  eyo beekpete yi, k  b  ke  k   nwu nkpo mabe nta nwu nkpo nwii, k  b  ke  k   nwu nkpo kaf   nlalaa. Nkpo oso k  b  ke  k   f  le kame man-y   nta f  le mankpete. Ni dibata ale nta nwu ku k  b  ke  k   nwu nkpo dilabalala.”

*Yesu Lakyakaako   sanko Onwii Ku   ncofo Onwii Baat  ole   Ni Yairo Obi Sankobi Onwii.*

**18** Di obe w   di Yesu lat  kakateko ma ni yi, Yuda batii kasiisak     ncofo onwii lawa   kye n  c  , abap   akunkyi di kat   n  c   aabue ale, “Obi sankobi nii ntookpi nunua, kaf   wa fabatika nw   k  n  es di suoto, aakple awe nkpa.”

**19** Nkpo oso Yesu lataka aatikanko nw  , ni di basaateketete n  c   kaf   latikanko nw   ne.

**20** Obe w   di Yesu latoofe nii,   sanko onwii di asaa latoowii ni lefosi ale any   lafe di Yesu semaa aakpanko nw   awu kotokosi. **21**   sanko nwu labla nkpo diekye aaf   aanu ale, “Nse l  ny   lekpango nw   awu kamaa, ofie nwu nkpo may   mi.”

**22** Yesu lamunik   aanyu   sanko nwu nkpo ni aat  k   nw   ale, “Obi nii, nya otu! Of   onu lef   nt  c  csa f   ofie.” Nfanwu ni di ofie nwu nkpo lay  c   nw   ne.

**23** Nni kamaa, Yesu lasifi   ncofo nwu nkpo leyo. Ni aanya kaku sinu bakpeete ku mba nikowi kaku ku kudu ne. **24** Ni aat  k   ma ale, “Otii biala adie kayi. Diekye   sankobi nwu nkpo diekpi, kaf     ky  s  i   ky  s  i.” Ninf   baatii nwu

nkpo bamuu lema, baama nwɔ nɛ. <sup>25</sup> Di obe wɔ baatososa batii nwu nkpo bamuu baadiki ni leeyo yi, Yesu labuo ɔsankobi nwu nkpo leyo kamɛ. Ni aamufū nwɔ kɔɔnɛɛ, ni aasenke aasie nɛ. <sup>26</sup> Olaa wɔ mmle lakpe kuakyaka kasɔ nwu nkpo aba aba.

*Yesu Latikiti Banumbiete Banyɔ Banwii Anu.*

<sup>27</sup> Obe wɔ di Yesu ladie ninfa oosifi nii, banumbiete banyɔ banwii lataka baatikanko nwɔ, baatooyiisa kudu baatoobue ale, “Oka Dawid Obi ee! Nya wo nyaami.”

<sup>28</sup> Obe wɔ di Yesu labuo ni leyo kamɛ yi, banumbiete banyɔ nwu nkpo lawa ɔkye nɔɔ, ni aakaale ma ale, “Biefū bienu bile mafuo ye anu otikiti?”

Ninfe baadiki kanya ale, “Yii, buofū buonu.”

<sup>29</sup> Ninfe di Yesu lakpanko ma anu, aatɔkɔ ma ale, “Diwa kaanya dita ye fe mmle biefū bienu ni.” <sup>30</sup> Nfanwu anu lema niatikiti. Ninfe di Yesu lakpee ma kufiofa osie kanya ale, “Bitambue nle mmle biatɔkɔ otii kuonwii.”

<sup>31</sup> Kafɔɔ baadie ni ninfa yi, baasifi baalaayie olaa wɔ mmle lekya di Yesu suoto baakyakasa ntɛɛ nwu nkpo kasɔ feɛ.

*Yesu Layɔɔsa Osuɔɔ Onwii Nintatoofuo Ni ɔkakate Ofie.*

<sup>32</sup> Di obe wɔ baasuɔtɔ nwu nkpo latoosifi nii, batii banwii lakpaa omumu onwii di ninwuna kpile lasie nii baawako Yesu nfū. <sup>33</sup> Ni di Yesu latososa ninwuna kpile nwu nkpo aadiki di omumu nwu kamɛ nɛ. Nfanwu ni aakyako ɔtɔɔkakate nɛ. Lesaa le mmle labla batii ba

bamuu niayila ni ninfa yaaa, ni baabue ale, "Buunya nle mmle okle di Israel kasɔ suoto bunya!"

<sup>34</sup> Kafɔɔ Farisi batii labue ale, "Anwuna kpile ɔka niɛtɔɔ osie nwu akle ootososa anwuna kpile andiki."

### *Batii ɔlaa Lanu Yesu Kafutu.*

<sup>35</sup> Yesu lakyε aakyi sekpoo ku nkpayotū mmuu kamε. Aatuo asaa di Yuda batii nsiisakɔ. Aayie ɔlaa biene nwu lekya di Yaa sɛka kalekɔ suoto. Ni aayɔɔsa batii ba niatoofie ni sifie ate ate sifie feε ne. <sup>36</sup> Di obe wɔ aanya ni batii dikudi nwu nkpo yi, ɔlaa lema lanu nwɔ kafutu, diekye ditoobuo ma, banaa kyakaakote kafɔɔ. Bate fe bafoso ba ninnaa ni kpate. <sup>37</sup> Nkpo oso aamunikɔɔ aatɔkɔ basaateketete nɔɔ ale, "Ofieεle nwu mpo, kafɔɔ bafielεte diεrɔ. <sup>38</sup> Nkpo oso bipε ɔlaa bita Saate nwu nimba ni ofiele nwu nkpo bile, aakyesee bafielεte mamakyakaako di ofiele nwu nkpo kamε mansiisa."

## 10

### *Yesu Lata Batɔkyente Nɔɔ Lefosi Banyɔ Nwu Osie.*

<sup>1</sup> Yesu laleε basaateketete nɔɔ lefosi banyɔ nwu nkpo aasiisa ni aata ma osie ale baatososa anwuna kpile mandiki baatii kamε, manyɔɔsa sifie ate ate kafɔɔ.

<sup>2</sup> Batɔkyente nwu nkpo lefosi banyɔ nwu ay-ooto ninle n-ya mmle ne.

ɔkasale ninle Simon, nwɔ mankple manleε ni Petro, ku obilema Andrea,

Yakobo ku obilema Yohane ba ninle ni Sebedeo  
babí  
<sup>3</sup> ku Filipo ku Bartolomeo ku Toma  
ku akpooto funte Mateo  
ku Yakobo wó ninle Alfeo obi ku Tadeo  
<sup>4</sup> ku Simon wó niabómbo ni kale noo osie kanya  
ku Yuda Iskariot wó niadiki Yesu aata nii.

*Bitɔɔkye Bilaayie Lekya Bile Yaa Seka Olebee  
Ntɔɔtεεεεε.*

<sup>5</sup> Yesu lakpee basuɔtɔ lefosi banyɔ ba mmle  
koto ku kufiofa ko mmle ale, "Bitankye batii  
ba ninanle ni Yuda batii kasɔ ku Samaria batii  
okpoo kuonwii kafɔɔ kame. <sup>6</sup> Kafɔɔ bitɔɔkye  
Israel batii ba ninte ni fe bafoso ba nintooyu ni  
nfū. <sup>7</sup> Bitɔɔkye bielaayie lekya bile, 'Yaa seká  
olebee nwu ntɔɔtεεεεε.' <sup>8</sup> Biyɔɔsa bafiete sifiε,  
biesenkesa bakpi. Biyɔɔsa batii ba ninkofie ni  
ofie seεle sifiε, bietososa anwuna kpile kafɔɔ  
bidiki baatii kame. Diele koto biɛta biεya nle  
mmle biek'yeko ɔkye nii. Nkpo oso ayee biyɔ bita  
di koto ɔtanfū kame. <sup>9</sup> Bitan-yɔ koto kukunwii  
biaklee di atofo lee kame. <sup>10</sup> Bitan-yɔ assa  
ɔkaale kotofo biaklee di osuku lee nwu ɔkye  
kame. Bitanklee awu nyɔɔfa, ee biaklee ntokota  
ee ɔkyenwoso kuonwii. Kpembilate biala yi, nfū  
ɔɔbla ni ɔkpε anle.

<sup>11</sup> "Nse biebuo okpoo owo ee kakpaayotū kawo  
kame yi, biemie otii biene wó nietuna ale oofū  
ye ni. Biɛkye bilaasisε di ɔkye nɔɔ, dilaase di  
obe wó biedie ni ninfa. <sup>12</sup> Nse biebuo leyo lewo  
kame yi, biesεesa ma bile, 'Atoko ɔkye ole ninle  
ye lele.' <sup>13</sup> Nse leyo nwu nkpo batii letuna beefū  
ye, ni biɛta atoko ɔkye ole lee lεsεesa dite ninfa.

Kaf o nse baatuna baf  ye, ni biet  atoko  ky  ole lee nwu nkpo l ses sa dikple diwa  ky  lee. <sup>14</sup> Nse leyo lewo ee okpoo owo batii dief  ye ee baky o ye  laa kotoko yi, bidie ninfa bisifi, bie ente nkpaas  lee k te bite ma. <sup>15</sup> Nwaako k t k  ye n e, di l kakoyi nwu nkpo suoto, Yaa manya Sodom ku Gomora batii nyaami anlenkee okpoo nwu nkpo batii.

*Yesu Labue Aat k  Bat ky nte N c  Ditikanko  
Le Nimawa Ma Ni Di Suoto.*

<sup>16</sup> “Binu! Kokyesee ye fe bafoso di bakplele kam . Nkpo oso bibe anu fe k saanwu, kaf o bi bla bu   fe ablonumaa. <sup>17</sup> Bilolaa binyu, diekye batii madiki ye manta, mankpaa ye manky enko kakank . Babare ye kaf o di Yuda batii nsiisak . <sup>18</sup> Ta ami oso, babakpaa ye manky enko batunlet  ku baka anu manaakanko ye. Ni biet k  ma  laa biene nwu ku mba ninanle ni Yuda batii. <sup>19</sup> Nse b ekpaa ye b eky enko kakank  yi, bitambu diisi di  laa w  bibabue ni suoto, ku mmle bibabue nwu nii. Nse obe lewo ale biakakate yi, Yaa omu mata ye  laa w  biabue nii. <sup>20</sup> Diekye diele aye bamu nimakakate. Teeye w  ninle ni Yaa Ninwuna nimakakate ninfenko di suoto lee.

<sup>21</sup> “Batii may  babi l ema manta ale balo. Balofote kaf o mabla nkpo di babil ma suoto. Babi mataka di balofote l ema suoto ale balo ma. <sup>22</sup> Ot i biala makyidi ye ta ami oso. Kaf o ot i w  niekpee otu  elaase ni kaay ent k , Yaa mat o nkpa. <sup>23</sup> Nse beetikanko ye di okpoo onwii kam  yi, bietoso bisifi  bamba kam . Nwaako k t k  ye n e bilabaloo s kp  lee  bla di Israel sekp o

simuu kamε fie di ami, Otii Obi nwu, makple anwa.

<sup>24</sup> “Saateketete ninlenkee saatuotε nɔɔ, nkpo kafɔɔ di ɔlanle ninlenkee saate nɔɔ ne. <sup>25</sup> Nkpo oso, saateketete biala kamiε ale aate fe saatuotε nɔɔ. Nkpo okle kafɔɔ di ɔlanle kamiε ale, aate fe saate nɔɔ ne. Nse bεεlεε leyo lewo ɔnɔɔfo ale anwuna kpile ɔka mɔ, ni blɔbalεε leyo nwu kamε batii kafɔɔ ayooto kpile?

### *Bitanyεke Batii.*

<sup>26</sup> “Nkpo oso bitanyεke batii, diekye lesaa lele bεεyɔ lesaa beetii ee bεεbla beekookaa yi, Yaa madiki ni kayi. <sup>27</sup> Lesaa lele kafɔɔ bienu biekyeko ɔkyε nii diitunu kamε yi, bidiki ni kayi. Lesaa lele kafɔɔ letɔkɔ ye di kawofako yi, biyie ni lεkya di lεkpaka. <sup>28</sup> Bitanyεke batii ba ninlo ni suoto sina, kafɔɔ mananfuo ni ninwuna olo. Kafɔɔ biyεke Yaa wɔ ninfuo ni otii suoto sina ku ninwuna ɔwɔɔsa di kawɔɔ ɔtɔ kamε. <sup>29</sup> Kaple kanwii kafuo bia kutiitii konyɔ ɔya. Kafɔɔ kukanwii ninkpa kaare kaasɔ ale, Teeye Yaa dieye nwu ole. <sup>30</sup> Aye yi, bia disi lee sinwini yi, Yaa n-ye sī lεpɔ. <sup>31</sup> Nkpo oso yi, bitanyεke. Diekye biefū kɔya bilenke kutiitii kpinkidi.

### *Odiki Yesu Obue Ku Kanya Di Batii Anu.*

<sup>32</sup> “Otii lele niediki eebue di batii anu ale, ole mi ale yi, amii madiki nwɔ kanya di Teemi anu di Yaa kafa nle ole mi ale. <sup>33</sup> Kafɔɔ nse otii owo lesi mi di batii anu ale aaye mi yi, ami, masi nwɔ di Teemi anu di osi nle ninye nwɔ.

### *Batii Mase Suoto Ta Ami Oso.*

**34** “Bitanyu bile atoko ɔkye ole lεyε lεwako kanyi ka mmle. Oowo! Ninwako atoko ɔkye ole. Kafɔɔ kapamii lεwako. **35** Diekye lεwa le lεwa ni mata ale,

‘obi suɔtɔbi matakanyila di ote suoto.

Obi sankobi kafɔɔ matakanyila di ɔya suoto.

ɔsankο kafɔɔ matakanyila di ɔsa nɔɔ ɔya suoto.

**36** Otii lo nɔɔ kasale yi, abakyε di nnwɔɔ omu nɔɔ leyo nɔɔ kamε.’

**37** “Otii lele niɛbɔmbɔ ote ee ɔya eelenkee mi yi, alaafuo mi saateketetε ole. Olele kafɔɔ niɛbɔmbɔ obi suɔtɔbi ee obi sankobi eelenkee mi yi, aasiεko ale aale mi saateketetε. **38** Otii lele ninan-yɔ atoo nɔɔ atuka, atikanko nnafukpaa nii yi, aasiεko ale aale mi saateketetε. **39** Otii lele niemie ale ɔɔta nkpa nɔɔ yi, abayu mi. Kafɔɔ olele nieyu nkpa nɔɔ ta ami oso yi, abawε mi.

### *Yaa Mata Batii Ba Niefū Ni Yesu Batikankote Letota Biene.*

**40** “Otii lele niefū ye yi, ami eefū. Otii lele kafɔɔ neifū mi yi, ni eefū Yaa wɔ niekpee mi ni kɔɔ kafɔɔ. **41** Otii lele niefū Yaa ɔlaa Buεtεtε ale Yaa ɔlaa buεtε ale ni oso yi, abawε dibia di Yaa ɔlaa buεtε nwu letota kamε ankyeko Yaa nfū. Otii lele kafɔɔ niefū otii wɔ ninte ni tinini, ta tinintε ale ni oso yi, abawε dibia di tinintε nwu nkpo letota kamε ankyeko Yaa nfū. **42** Bitofo nle mmle nwaa bile, otii lele niekusii ntu yɔɔle kakɔkɔɛ kanwii εɛta batikankote nii ba mmle ɔyεntεle kaamε lema ta ami oso, Yaa dilabasī nwɔ letota biene ɔta.”

# 11

*Ntu Kpeesate Yohane Lakpee Batokyente Baakyε Yesu Nfū.*

<sup>1</sup> Obe wɔ di Yesu laloo ni batokyente lefosi banyɔ nwu kufiofa okpee yi, aadie ninifa aasifi aalaatootuo asaa aatooyie ɔlaa nwu lεkya di sekpo se niεtεεtεε ni nfa.

<sup>2</sup> Obe wɔ di Ntu Kpeesate Yohane lanu di leyo katenkɔ asaa ya di Kristo latɔɔbla ni yi, ni aakpee basaateketete nɔɔ bawo baakyε Yesu nfū ne. <sup>3</sup> Ni balaakaale nwɔ ale, “Afɔ ninle otii wɔ di Yaa labue aate ale fabawa ni εε, sεε buatoonyu osuku munta otii bamba?”

<sup>4</sup> Ninfe di Yesu ladiki kanya ale, “Bikple biɛlaatɔkɔ Yohane asaa ya biɛnya ni ku n-ya bienu bile lebla ni. <sup>5</sup> Banumbiete nfe kɔnya asaa, abafa nfe kɔtaka mankyε, batii ba ninkofie ni sifie sεele suoto ntɔɔkpa, batokotfiitε nfe konu, bakpi kɔtaka mansie nkpa, bapiite kafɔɔ nfe konu ɔlaa biene nwu nkpo. <sup>6</sup> Suoto mayɔɔ batii ba ninanya ni ɔlaa kpile kuonwii di suoto nii.”

<sup>7</sup> Di obe wɔ di basaateketete nwu nkpo nfe kosifi nii yi, Yesu lakakate di Yohane suoto aatɔkɔ batii dikudi nwu nkpo ale, “Obe wɔ biadie biakyε Yohane nfū di ɔfaafuu kamε, be biatoonyu osuku bile bianya? Lekpenyi le di kɔfεεfɔ latɔɔfe ni?

<sup>8</sup> Be lεsaa biakyε bialaanya? Otii wɔ niakpe ntu aasie ni di asaa biene kamε? Binyu, batii nwu nkpo okle yi, baka ayo mansie! <sup>9</sup> Aye bitɔkɔ mi, be biakyε bialaanya? Yaa ɔlaa buetεε? Nwaako katɔkɔ ye nii yi, otii wɔ biakyε bialaanya ni nlenke bia Yaa ɔlaa buetεε. <sup>10</sup> Diekye Yohane

ninle otii wɔ suoto di Kɔkpana Klekle Kukū lebuə ale,  
 ‘Makyesee tɔkyɛntε nii anlefɔ katū analolaa osuku ante fɔ.’

**11** Nwaako katɔkɔ ye ni kafɔɔ, Ntu Kpeesatε Yohane lɛtaka katoo alenke otii lele nintoyisie kayi ka mmle εεbafe. Kafɔɔ otii wɔ ninle ni ɔyentεle di Yaa sɛka kalekɔ nwu kame yi, eekple εεtaka katoo alenke Yohane nwu nkpo. **12** Dιεyɔ ni di obe wɔ di Ntu Kpeesatε Yohane lakyako ni Yaa ɔlaa lɛkya oyie diebase ni di miɛ yi, batii ba di ninu lɛsεe ale boobuo ni Yaa sɛka kalekɔ nwu nkpo yi, bootuo ma dibuo osie kanya. Kafɔɔ mba niinu lɛsεe bεεkpe ni ku okyiini yi, mma nimabuo nfa ne. **13** Yaa ɔlaa babuetεtε ku Mose kufiofa Yaa ɔlaa baabue baate fie diebadu Yohane obe suoto. **14** Ni nse bietuna bile biofū ɔlaa lɛma nwu minnu yi, Yohane ninle Elia wɔ baabue baate ale, abawa ni ne. **15** Otii wɔ kunutoko nkpe nii yi, aanu.

**16** “Nunua, be lɛsaa kayɔ miɛ akyɛnfɔole nkaatεesa ko? Nkpo bate fe babiɔ ba ninsi bookpee ni kɔkyɔ di asaa kasunsukɔ ne. Bɔɔtɔkɔ dikudi bamba ale,

**17** ‘Buasa sɛkafɔɔnu buata ye,  
 kafɔɔ biasi otū.

Buakpee sikunu buata ye,  
 kafɔɔ biasi kaku owi.’

**18** Diekye obe wɔ di Yohane lawa nii, aanii kanya, atanyi nta kunwii. Kafɔɔ batii latɔkɔ nwɔ ale, ‘Ninwuna kpile ninsi nwɔ!’ **19** Obe wɔ kafɔɔ di ami, Otii Obi nwu, lɛwa nii, lale, lanyi. Kafɔɔ batii labue ale, ‘Banyu lenyate ku tanyintε nwu lo! Ale akpooto bafunte ku bakpilete siɛwo!’

Kafɔɔ batii ba bamuu nintikanko ni Yaa ninumbe nkpaamaa, batoodiki beetuo ale ninumbe nwaa dile.”

*Sekpoo Sewo Batii Ditafū Yesu Banu.*

<sup>20</sup> Seekpoo se di Yesu labla ni sekpe se niebla ni ɔkpε kpiniwu kame, batii ditakyi di sikpile lema. Nkpo oso diakpe nwɔ nyaami aabue ale,  
<sup>21</sup> “Biyɔɔsa aye Korasin batii! Aye Betsaida batii kafɔɔ biyɔɔsa! Diekye sekpe se niebla ni ɔkpε, bεεbla ni kaame lee, nse mambla sī di Tiro ku Sidon kame yi, nse baakyisa nkpa kofokofoko, baaffia ntɔ di suoto, baanyukū aboko, baatu ale batookyi siikpile lema. <sup>22</sup> Nwaako kɔtɔkɔ ye nlε, di lεkankoyi nwu nkpo suoto yi, Yaa manya Tiro ku Sidon sekpoo batii nyaami anlenkee ye. <sup>23</sup> Ni aye Kapernaum batii, bienyu bile Yaa matakatesa ye asifiko osi? Oowo! Abawakosa ye kasɔ ankpee ye di kawɔɔ ɔtɔ kame. Diekye sekpe se niebla ni ɔkpε bεεbla ni kaame lee, nse mambla sī di Sodom yi, nse okpoo nwu nte diebase bia miε.  
<sup>24</sup> Kɔtɔkɔ ye nlε, di lεkankoyi nwu nkpo suoto yi, Yaa manya Sodom batii nyaami anlenkee ye.”

*Yesu Kɔlɛɛ Batii Ale Bawa ɔkye Nɔɔ Babate ɔnyɛɛ.*

<sup>25</sup> Di obe nwu nkpo kame yi, Yesu labue ale, “Teete, osi ku kasɔ Saate, kɔpε fɔ sefa, diekye asaa ya fεεyɔ feekookaa ni bakuyente ku banumbente, nya fatoodiki feetuo batii ba ninanye ni akū ne. <sup>26</sup> Nwaako Teete, nkpo okle foomie falε dite ne.”

<sup>27</sup> Ni aakple aabue ale, “Teemi lεyɔ asaa amuu eekpee mi nínɛɛ kame. Otii kuonwii dieye otii wɔ

di Obi nwu nle nii, diediki Ote lete ninye. Nkpo okle kaf   di otii kuonwii dieye otii w   di Ote nle ni n   yeidiki Obi lete ninye, ku batii ba di Obi nwu ale oodiki antuo nii.

<sup>28</sup> “Biwa  kye nii, aye ba bamuu nintuka atoo nut  le ditoobuo ye ni. Ami mata ye  ny    te. <sup>29</sup> Biy    kp   nii  bla bitika di suoto, bietekete bikyeko  kye nii. Diekye l  bla bu  , l  wakosa suoto kas   kaf   di otu nii kame, ni bibaw    ny    te. <sup>30</sup> Diekye  kp   w   mata ye ni nnaa osie. Atoo nii kaf   l  bla f  nfl  .”

## 12

### *Yesu Ku Farisi Batii Lananfi Olaa Di Lenye  teyi Suoto.*

<sup>1</sup> Obe onwii kame, Yesu ku basaateketete n   latoofe di kofe kunwii kame di Lenye  teyi suoto. K  ka laklee basaateketete n   nwu nkpo, nkpo oso baafee kofe nwu alesaa awo baafini baatoowee. <sup>2</sup> Obe w   di Farisi batii lanya ni mmle, ni bat  k   Yesu ale, “Nyu lo, basaateketete l  f   nt  obl   lessaa le di kufiofa nwu nkpo dieta osuku ale baabla ni di Lenye  teyi suoto.”

<sup>3</sup> Ninf   di Yesu ladiki kanya aakaale ma ale. “Diidii biika di K  kpana Klekle Kuk   kame binya, lesaa le di Dawid labla ni di obe w   di k  ka laklee nw   ni ku batii n  ? <sup>4</sup> Aabuo Yaa leyo, nnw  o ku batii n   baalaayo alesaa ya baata ni Yaa ole, baale. Nu Kuufiofa ditata osuku. Yaa olebatate lete ninkpe osuku manle alesaa nwu nkpo fie. <sup>5</sup> S  e biika di Mose kufiofa kame ale, di Lenye  teyi biala suoto, nu manambla  kp  , Yaa olebatate ba ninkpe ni di Yaa Olekatak   nwu

nkpo ntaale kufiofa nwu nkpo kafco, mankpi lepoɔɔ? <sup>6</sup> Kotoko ye nle, lessaa le niefū koya dilenke ni Yaa Olekatako nsi ye kaame ninfū. <sup>7</sup> Kokpana Klekle Kukū lebue ale, ‘Nyaami onya di ami Yaa komie, diele ale biayɔ babɔkɛɛ minta ni ole kowolaa.’ Nse fe bienu ɔlaa wɔ mmle kasɔ nwaayi, nse bitaalo batii ba ninankaate ale baakpi lepoɔɔ, lepoɔɔ. <sup>8</sup> Diekye ami Oti Obi nwu ninle Lenyeeteyi Saate.”

*Yesu Layɔɔsa Osueto Onwii Kɔɔneɛ Lakpi Ni Ofie.*

<sup>9</sup> Obe wɔ di Yesu ladie ni ninfa, ninfe aasifi Yuda batii kasiisakɔ kanwii ne. <sup>10</sup> Ni aalaakyakako osueto onwii kɔɔneɛ lekpi nwɔ ni ne. Batii bawo lawe ninfa baatoomie ale boolo Yesu lepoɔɔ. Nioso baakaale nwɔ ale, “Kufiofa loo leta osuku ale baayɔɔsa otii ofie di Lenyeeteyi suoto?”

<sup>11</sup> Ninfe di Yesu ladiki kanya, aakaale ma ale, “Nse diɛwa ale onwii lee nkpe foso onwii, eekpa eebuo diibiɔ kame di Lenyeeteyi suoto, ɔlobakpee kɔɔneɛ ale oodiki nwɔ? <sup>12</sup> Mia kafco otii lefū koya alenke foso. Nkpo oso yi, kufiofa loo leta osuku ale baanya nyaami di Lenyeeteyi suoto.”

<sup>13</sup> Ninfe aatoko osueto wɔ kɔɔneɛ noɔ lakpi ni ale, “Dilasa kɔɔneɛ lefɔ.” Ninfe aayilasa kũ ne. Nfanwu, kɔɔneɛ nwu nkpo niakple kuale fe mmle di konyɔɔfa nte nii. <sup>14</sup> Ninfe di Farisi batii nwu nkpo lasifi, baalaakpee asi baawo mmle baalo ni Yesu ne.

*Yesu Ninle Tɔkyente Nwu Nkpo Di Yaa Lediki Ni Ne.*

- <sup>15</sup> Di obe wɔ di Yesu lanu disibu kpile le di Farisi batii ladiki ni di suoto nɔɔ, aadie ninfa aasifi, ninfe di batii dikudi kpinwu latikanko nwɔ ne. Ninfe aayɔɔsa bafiete bamuu sifie kaame lema ne. <sup>16</sup> Ninfe aasī ɔlaa aata ma ale, batandiki nwɔ kayi baata batii bamba di nni nkpo suoto ne. <sup>17</sup> Aatokɔ ma nkpo okle ale Yaa ɔlaa wɔ aabue aate ni diefe ni di ɔlaa Buetete Yesaia suoto kawa kaanya fe mmle aabue nii. Aabue ale,
- <sup>18</sup> "Nwɔ mmle ninle kpemblate nii wɔ lediki ni ne.

Mbɔmbɔ nwɔ, obuo mi anu nwaa kafɔɔ.  
 Mayɔ Ninwuna nii nkpee nwɔ kaame ale  
 abadiki lækakanko nii ambue antokɔ nnle mmuu.

<sup>19</sup> Alabananfiko otii kuonwii ɔlaa ee amue otii kuonwii.  
 Alabakakate osie kanya kafɔɔ di akpaka.

<sup>20</sup> Abate otu kaasɔ buεε anta mba ninnaa ni osie,  
 abawe sifutule kafɔɔ anta mba lεεkyakaako lefi nii.

Abayila annyu kafɔɔ ale lækanko le ninte ni tinini lebla ɔkpe di osuku kanya.

<sup>21</sup> Nnwɔɔ suoto kafɔɔ di nnle mmuu mayɔ anu lema mantika ne."

### *Batii Labue Ale Yesu Osie Anwuna Kpile ɔka Beelsebul Nfū Kuokye.*

- <sup>22</sup> Ninfe baatii banwii lakpaa osuɔtɔ onwii niinwuna kpile lasie ni atatoonu, atatoofuo ni ɔtɔɔkakate baawako Yesu nfū ne. Ninfe di Yesu latososa ninwuna nwu nkpo diaata ale ofie nwu nkpo layɔɔ nwu aafuo ɔtɔɔkakate, aafuo kafɔɔ ɔtɔɔnya ne. <sup>23</sup> Diabla batii dikudi nwu nkpo niawɛ ni ninfa yaaa di lesaa le di Yesu labla ni

suoto. Ni baakaale ale, "Sεε nnuwɔɔ ninle ḥka Dawid ḥnanti wɔ baabue baate ale abawa ni ne?"

<sup>24</sup> Obe wɔ di Farisi batii lanu ni ɔlaa wɔ mmle yi, ni baabue ale, "Anwuna kpile ḥka Beelsebul niɛtɔɔ osie wɔ mmle. Nkpo oso oofuo anwuna kpile otososa odiki baatii kame ne."

<sup>25</sup> Yesu latofo disibu lema nwu, ni aatɔkɔ ma ale, "Seka kalekɔ lele niese bawo di akudi akudi bεetaka baye baawo suoto yi, manyila. Nkpo okle kafɔ se okpoo ee leyo lewo kame batii lessɛ bawo akudi akudi bɔɔkperekɔ bawo yi, mambie.

<sup>26</sup> Nkpo oso nse dikudi lewo di Satana sekakalekɔ kame kɔkperekɔ dikudi nyɔɔfa yi, ni dioto ale sekakalekɔ nwu ntɔɔse suoto, ni baasinkyɔ ku ɔnɔɔ. <sup>27</sup> Biobue bile kotososa anwuna kpile ndiki diekye Beelsebul niɛtɛs osie nwu kɔbla nkpo. Ni nse nkpo kute mɔ, owe nieta batii lee osie bootososa anwuna kpile mandiki baatii kame? Ni lessaa le di batii lee kɔbla ni kotuo ale ole ye nncaa! <sup>28</sup> Diele Beelsebul osie kule. Kafɔɔ Yaa Ninwuna niɛtɛs osie kotososa anwuna kpile ndiki baatii kame. Nle mmle kotuo ale Yaa sekakalekɔ ntɔɔwa ye kame kofokofoko.

<sup>29</sup> "Nkpe osie wɔ ninlenke ni Satana ole, diekye otii kuonwii dilabafuo siente leyo obuo ɔlɛ nwɔ asaa, diediki eemufu siente nwu nkpo εερε lekpo fie εεε nwɔ asaa.

<sup>30</sup> "Otii lele ninan-yε mi kamaa yi, ni εεtaka ayε mi di suoto. Otii lele ninankyakaakoe busiisa, ni ḥsamiiisa, ɔɔsaamiisa. <sup>31</sup> Nle mmle oso, kɔtɔkɔ ye nle Yaa mayɔ okpile lele baatii lεbla ku ɔlaa kpile lele beebue ankyε ma. Kafɔɔ otii lele niebue ɔlaa kpile di Yaa Ninwuna Klekle suoto yi, Yaa

dilabayɔ̄ akyε nwɔ̄. <sup>32</sup> Otii lele niebuε ɔlaa owo eeyila di Otii Obi nwu suoto yi, Yaa man-yɔ̄ ankyε nwɔ̄. Kafɔ̄ɔ otii lele niebuε ɔlaa owo eeyila di Yaa Ninwuna Klekle suoto yi, Yaa dilabayɔ̄ akyε nwɔ̄ di nkpa be mmle kamε ee mbe nikɔwa ni kamε.

*Kowoso Biala Yi, Abi Nikū Man-yɔ̄ Mantofo  
Kowoso Ko Okle Kule Nii.*

<sup>33</sup> “Kowoso biene yi, biye bile abi biene kuntika. Kowoso ko ninanlε yi, abi ya kuntika ni kafɔ̄ɔ ninlε. Kowoso biala, abi ya kuotika ni man-yɔ̄ mantofo kowoso ko okle kule nii. <sup>34</sup> Aye ba ninle ni batii kpile fe kɔsaanwu! ɔlaa biene kuonwii nindie ye kaanya kame! Asaa ya ninsi ni di otii disibu kame yi, nnya ko andiki ambue ne. <sup>35</sup> Otii biene yi, asaa biene ya eekookaa ni di asaa nɔɔ katekɔ̄ yi, nnya andiki kayi ne. Otii kpile kafɔ̄ɔ yi, sikpile se eekookaa ni kaame nɔɔ, nsī andiki anwako kayi ne. <sup>36</sup> Komie nle kame kakpa ye klekle nle, di lækanko di nwu suoto yi, otii biala ɔlaakuu lele atooiyibue yi, abata nwu nkuntaa. <sup>37</sup> Aye bamu kanya kame selaa di Yaa mayɔ̄ ankanko ye, anlo ye lɛpɔ̄ɔ ee anta ye lɛbε.”

*Yesu Lasī Ale Oloosimbla Dituosaa Kuninwii  
Atuo.*

<sup>38</sup> Nfa nfε di kufiofa batuote bawo ku Farisi batii bawo latɔ̄kɔ̄ Yesu ale, “Saatuote, buomie bule fabla dituosaa lewo fatuo buɔnyia.”

<sup>39</sup> Ninfε di Yesu ladiki kanya ale, “Nyu mmle di miε akyεnfɔ̄ɔle lɛbla ni batii kpile, batikanko ni afiɔ̄ ɔtɔ̄ lo! Biomie bile mbla dituosaa, kafɔ̄ɔ, namabla. Dituosaa le lete babadiki mantuo ye minnya ni ninle Yaa ɔlaa Buɛtɛtɛ Yona lele le okle

nε. <sup>40</sup> Fe mmle okle di Yona lale ni ayi atie ku nkyε ntie di kakpaku kple nwu kafutu kame yi, nkpo okle di Otii Obi nwu kafɔɔ male ayi atie ku nkyε ntie di kasɔ kame nε. <sup>41</sup> Di lækankoyi nwu suoto yi, Niniwe batii mataka manyila makanko ye malo ye lɛpɔɔ, diekye baakyi di sikpile lɛma suoto di obe wɔ baanu ni Yona ɔlaa obue. Kɔtɔkɔ ye nle otii onwii nkpe ninfū εεtaka katoo alenke ni Yona. <sup>42</sup> Di lækankoyi nwu nkpo suoto yi, ɔka Sanko wɔ niakye ni kala kasɔ mataka anyila ankanko ye anlo ye lɛpɔɔ. Diekye aakyε osuku wɔ niekyo ni fanfan aakyε okpoo nɔɔ, aakyε ɔka Salomo nfū ale, ɔɔlaanu ninumbe nɔɔ selaa. Kɔtɔkɔ ye nle otii owo nkpe ninfū εεtaka katoo alenke ni Salomo.

### *Ninwuna Kpile Lakple Diawa Diomie Kasiεkɔ.*

<sup>43</sup> “Nse beetososa ninwuna kpile lewo beediki di otii kame yi, ninkyε nintookyi aba ya niekoso nii, nintoomie kasiεkɔ. Nse diɛwε kasiεkɔ kukan-wii yi, <sup>44</sup> nintɔkɔ suoto ale, ‘Makple nsifi lɛba kofole le lasie nii.’ Nse eekple εεbanya ale leyo nwu kame nte foee, kafɔɔ beefie kame, beelolaa ni yi, <sup>45</sup> ninkple ninsifi ninaakpaa anwuna kpile akuensī ya ninlenke nwɔ nii, manwa mamasie ninfa. Nse anwuna kpile nwu nkpo ntɔɔbla nkpo eeloo, otii nwu nkpo nkpa be nfe amasie ni nlalaan ninlenkee nkpa kasale be aasisie nii. Nkpo okle diɔwa ɔbate di miε akyεnfɔɔle kpile ya mmle suoto nε.”

### *Bawe Ninle Yesu Kafaabi Kamu Kamu?*

<sup>46</sup> Di obe wɔ di Yesu latɔɔkakatεko ni batii nwu nkpo yi, Yesu ɔya ku Yesu basuɔtɔbi lɛma lawa

nfa. Baabayila kaayi ale boomie ale bakakatəko nwɔ. <sup>47</sup> Ninfə di batii ba onwii niayila ni ninfa onwii ləma lakyə aalaatəkɔ nwɔ ale, "Nyu, yaafɔ ku babilee n-ye kaayi ale bɔɔkakatəkofɔ."

<sup>48</sup> Ninfə di Yesu ladiki kanya aakaale ma ale, "Owe ninle mi ɔya ku babilema?" <sup>49</sup> Ninfə aayɔ kɔnɛs aatuo basaateketetə nɔɔ aabue ale, "Nyu yaami ku babiloo lo! <sup>50</sup> Otii lele niɛbla Teemi wɔ ninkpe ni kaatoo dibiesaa yi, nnwɔɔ ninle mi obilema suɔtɔbi ku obilema sankobi ku yaami ne."

## 13

### *Yesu Lape Lekpa Di Alesaa Kubi Sante Onwii Suoto.*

<sup>1</sup> Dii nwu nkpo Yesu ladie leeyo nwu nkpo aasifi lekpo kotoko. Ni aalaasiɛ ninfa aakyekasɔ aatootuo asaa ne. <sup>2</sup> Batii ɔlambu wɔ niamana nwɔ baakyi ni laloolo, nioso aabuo di oklo onwii kamɛ aasisɛ. Ni baatii ɔlambu nwu nkpo layila di lekpo kotoko ne.

<sup>3</sup> Ni aatuo ma asaa kpinwu di akpa kamɛ ne. Aabue ale, "Obe onwii kamɛ, fekrəntɛ onwii lakyə alesaa kubi ɔsa. <sup>4</sup> Di obe wɔ aatɔosa ni alesaa kubi nwu koofe yi, kowo lakpete di osuku kotoko, ni baakansie lasesee kū baame ne. <sup>5</sup> Alesaa kubi nwu nkpo kowo lakpete di lekpankplabukii kasɔ suoto, nfū kɔɔte diɛrɔ ni nwaa. Ta kuubi nwu ditakyə ni kasɔ kamɛ nwaa oso, kuawolaa ɔkɔntɔ. <sup>6</sup> Nkpo oso obe wɔ kuufi labadie nii, kuayɔɔ kuakpi, diekye sidu ninya ditakyə kasɔ kamɛ. <sup>7</sup> Alesaa nwu nkpo kubi kowo lakpete di kakɔtɔkɔtɔ siwuu kamɛ. Obe wɔ

aakɔntɔ nii, kakɔtɔkɔtɔ nwu nkpo lafukuti kaatii nya fɛɛ. <sup>8</sup> Kafɔɔ alesaa kubi nwu nkpo kowo lakpete di kasɔ nwaa suoto kuatika abi. Awo latika abi kɔlafa. Awo kafɔɔ latika afosi akuɔ, ni di awo kafɔɔ latika afosi atie ne.” <sup>9</sup> Ninfɛ di Yesu layɛntɛ, aatɔkɔ ma ale, “Otii wɔ kuunutoko nkpe nii yi, aanu!”

*Yaa Lediki Yaa Kafa Lesaatofo Awofasaa Eetuo Ye.*

<sup>10</sup> Ninfɛ di basaateketete noɔ nwu nkpo lawa Yesu ɔkyɛ ni baakaale nwɔ ale, “Be lesaa oso footuo batii nwu nkpo asaa di akpa kame?”

<sup>11</sup> Ninfɛ di Yesu ladiki kanya ale, “Aye di Yaa lediki Yaa Kafa Lesaatofo awofasaa eetuo, diele mma. <sup>12</sup> Diekye otii wɔ ninkpe ni asaa ya mmle okle yi, Yaa matɔɔ ankyakaa ale aawɛ bia anlenkee mmle oomie nii. Kafɔɔ otii wɔ ninnaa ni asaa nwu nkpo awo yi, kafui ka bia ninkpe nwɔ ni yi, babaklee manfū nwɔ ni nnɛɛ. <sup>13</sup> Lesaa le oso kotuo ma ni asaa di akpa kame ninle ale, bɔɔnya kafɔɔ bɔɔnya asaa bate nsū. Nkpo okle kafɔɔ boonu kafɔɔ bloonu kasɔ ne. <sup>14</sup> Nkpo oso Yaa ɔlaa Buetɛtɛ Yesaia ɔlaa wɔ aabue aate ni ntɔɔwa kaanya fe mmle aabue ni ale,  
‘Bibantu kafɔɔ bilɔbanu kasɔ,  
bibaanya kafɔɔ bilɔbatofo.

<sup>15</sup> Diekye batii ba mmle disibu lɛbla buɛɛ,  
bakpe kafɔɔ setokopī,  
beetii anu lɛma kafɔɔ.

Nse diele nkpo, se bɔɔnya,  
se boonu kafɔɔ, se disibu lɛma kafɔɔ  
ntabasɛkɛtɛ,

alε baamunikii manwa ɔkyε nii, alε ami Yaa  
kayɔɔsa ma sifiε.'

<sup>16</sup> Kafɔɔ aye yi, disi nlε ye lo! Diekye anu lee  
konya, atoko lee kafɔɔ konu. <sup>17</sup> Diekye nwaako  
kɔtɔkɔ ye nlε, Yaa ɔlaa babuetete kpинwu ku batii  
ba ninte ni tinini lamie osie kanya ale bɔɔnya  
lesaa le biɔnyɑ nii, kafɔɔ batanya. Baamiε kafɔɔ  
osie kanya ale boonu lesaa le bionu nii, kafɔɔ  
batanu."

*Yesu Ladiki Lekpa Nwu Nkpo Kasɔ Di Alesaa  
Kubi Nwu Sante Suoto.*

<sup>18</sup> Yesu latɔkɔ basaateketete nɔɔ ale, "Nunua  
yi, bikyɔɔ atoko bienu lesaa le di alesaa kubi  
sante suoto lekpa le mmle kotuo ni. <sup>19</sup> Batii ba  
nienu ni Yaa Kafa suoto ɔlaa nwu nkpo, kafɔɔ  
manannu ni kasɔ yi, nkpo bate fε alesaa kubi  
ko niakpete ni di osukunteε suoto di kpilete nwu  
nkpo lewa eebadiki ni ɔlaa nwu nkpo di situ  
lema kame ne. <sup>20</sup> Alesaa kubi ko niakpete ni di  
lekpakplabukii kasɔ suoto yi, mma ninle batii  
ba nienu ni ɔlaa nwu nkpo beefū nwu beenu  
ni ninfa ninfa ku suoto leyɔɔ ne. <sup>21</sup> Kafɔɔ di  
obe wɔ di ɔlaa nwu nkpo diese ni sidu kaame  
lema oso yi, kunsie ma kaame kuakle saa. Nkpo  
oso nse dibuo ku ditikanko lewa ma di suoto ta  
ɔlaa nwu oso yi, nfanwu mankple nkpaamaa.  
<sup>22</sup> Alesaa kubi ko niabuo ni di kakɔtɔkɔtɔ siwuu  
kame yi, mma ninle batii ba nienu ni ɔlaa nwu,  
kafɔɔ bεεyɔ disibu lema beetika ni di kayi ka  
mmle asaa kpинwu suoto, ku mmle baawε nya  
ni oso, atoofukuti eetii ɔlaa nwu nkpo, kuɔta ale  
kulootika abi. <sup>23</sup> Alesaa kubi ko kafɔɔ niakpite ni  
di kasɔ nwaa suoto ninle batii ba nienu ni ɔlaa

nwu beenu ni kasə. Beetika abi, bawo kəlafa, bawo afosi akuə, bawo kafɔɔ afosi atie.”

*Yesu Lape Lekpa Aakyeko Səfa Suoto.*

**24** Yesu lape ma lekpa bamba ale, “Yaa sekə kalekɔ nte fe nle mmle. Otii onwii lape alesaa kubi biene di kofe nɔɔ kamə. **25** Dii ninwii kakyε, obe wɔ baatii bamuu nfe nte nii, lo nɔɔ onwii lakyε aalaasa səfa kpile sinwii kubi di alesaa kubi biene nwu kamə, ni aasifi ne. **26** Di obe wɔ di alesaa kubi nwu nkpo lakɔntɔ kuamuɔ kuakyako ni okpee yi, ni di səfa kpile kubi nwu kafɔɔ lakyako ɔkyɔɔ ne.

**27** “Ninfe di kofe nwu nkpo saate bakpente nɔɔ lawa ɔkyε nɔɔ babakaale nwɔ ale, ‘Oncɔfo, diele alesaa kubi biene faape di kofe lefɔ nwu kamə? Ni fe di səfa kpile se mmle nwu nkpo lekye?’

**28** “Ninfe di kofe nwu saate ladiki kanya ale, ‘Kpilete onwii niɛbla nle mmle.’

“Ninfe di bakpente nɔɔ nwu lakaale nwɔ ale, ‘Ni foomie fale bukyε bualaasifi səfa nwu nkpo buyu?’

**29** “Ninfe aatɔkɔ ma ale, ‘Oowo. Loobia nse biɛkyε səfa nwu nkpo osifi oyu yi, bibasifi alesaa kubi nwu nkpo kafɔɔ minkpɔtɔcsa di səfa nwu nkpo. **30** Aye bita akyuu lema anyɔ nwu nkpo ayila dilaase di alesaa nwu nkpo ofielɛbee. Nfa nfe matɔkɔ bafielɛte nwu nle, balekatũ basifi səfa nwu nkpo baanii s̄i akudi akudi baafie s̄i. Nni kamaa baafielɛ alesaa kubi nwu nkpo balaakpete mi di owu kamə.’ ”

*Yesu Lape Lekpa Aayɔ Yaa Kafa Seka Kalekɔ Akaatɛesa Ku Lewosobi Biibii Ninwii.*

**31** Yesu lakple aapε ma lεkpa bamba ninwii ale, "Yaa sekə kalekɔ nte fe mmle okle. Otii onwii layɔ lewosobi biibii ninwii aapε koofe nɔɔ. **32** Dile lewosobi le niebiibii dilenke ni di alewosobi amuu kame. Kafɔɔ nse kuomuo, kumakple kolewoso ko niemu kulenke ni alewoso amuu di kofe nwu kame. Bakansiε nwa mamabla ayo lema di sela nɔɔ suoto."

*Yesu Lape Lekpa Aakyeko Kɔfa Ko Man-yɔ Mannwɔtɔ Ni Nnaafū Suoto.*

**33** Yesu lakple aapε lεkpa bamba aabue ale, "Yaa sekə kalekɔ nte fe mmle okle. ɔsankɔ onwii layɔ kɔfa ko man-yɔ mannwɔtɔ ni nnaafū kafui, aanwɔtɔ nnaafū kotofo kunwii dialaase di obe wɔ di mmuu lataka ni."

*Yesu Latuo Asaa Di Akpa Kame.*

**34** Akpa kame di Yesu lafe aatɔkɔ batii nwu nkpo selaa se mmle simuu. Atakakate aata ma, nse diele lεkpa ɔɔrε. **35** Aabla nkpo ale Yaa ɔlaa buetete ɔlaa wɔ aabue aate ni kawa kaanya. Aabue ale,  
"Akpa kame makakate nta ma.

Mabue asaa ya mananye nii ntɔkɔ ma, diεyɔ ni di kayi ka mmle kasɔ kayeko."

*Yesu Ladiki Lekpa Le Aape Ni Di Sefa Suoto Kasɔ.*

**36** Obe wɔ di Yesu ladiki ni batii dikudi nwu nkpo osuku, ni aasifi leyo ne. Ninfε baasaateketete nɔɔ lawa ɔkyε nɔɔ leeyo, babatɔkɔ nwɔ ale, "Diki lεkpa le feεre ni kasɔ di sefa kpile suoto kofe fata wo."

**37** Ninfε di Yesu ladiki kasɔ ale, "Otii wɔ niasa ni alesaa kubi biene nwu ninle Otii Obi nwu ne.

<sup>38</sup> Kofe nwu nkpo kafɔɔ ninle kayi nε. Alesaa kubi biene nwu ninle batii ba ninle ni Yaa kafa batii nε. Sɛfa kpile nwu nkpo ninle batii ba ninle ni kpiletε nwu nkpo bale nε. <sup>39</sup> Kpiletε wɔ kafɔɔ niasa ni sefa kpile nwu ninle Abonsam nε. Alesaa kubi nwu nkpo ofielεbee kafɔɔ ninle kayi kalookɔ nε. Alesaa kubi bafielεte nwu nkpo ninle Yaa batɔkyεntε nε.

<sup>40</sup> “Fε mmle okle baasiisa ni sɛfa, baafie sī ni di ɔtɔ kame yi, nkpo okle kafɔɔ dibate di kayi kalookɔ nε. <sup>41</sup> Ami, Otii Obi nwu, makyesee Yaa batɔkyεntε nii nkyeko osi, manwa mamasiisa batii ba bamuu ninkɔta batii mbla ni okpile ku batii ba bamuu ninkɔbla ni sikpile di Seka kalekɔ nii kame. <sup>42</sup> Babafuki ma makpee di kawɔɔ ɔtɔ wɔ nikofie ni bembembe kame. Nfa babawi kaku, manwee anyεε nε. <sup>43</sup> Kafɔɔ Yaa batii makpa fε le kufi di Teete lεma Seka kalekɔ kame di osi. Otii wɔ kuunutoko nkpe nii, aanu.

*Yesu Lape Lekpa Di Lesaawε Le Beekookaa Ni Suoto.*

<sup>44</sup> “Yaa sekə kalekɔ nte fε nle mmle okle. Obe onwii, otii onwii lakyε aalaawε lesaawε le niefū ni kɔyɔ di kofe kunwii kame beekookaa nii. Ni aakple aayɔ lesaa nwu nkpo aakookaa nε. Di suoto lεyɔɔ kame, ni aasifi aalaayɔ asaa nɔɔ amuu aasunsū, ni aasifi aalaaya kofe nwu nkpo nε.”

*Yesu Lape Lekpa Aakyeko Aniibi Anwii Niefū Ni Kɔya Suoto.*

<sup>45</sup> Yesu lakple aabue ale, “Yaa sekə kalekɔ lekple dite fε nle mmle. Asaa sunsute onwii

latoomie aniibi ya niefū ni kɔyɔ osie kanya.  
**46** Obe wɔ aawɛ ni onii wɔ ninle kulenke ni yi, aasifi aalaayɔ asaa nɔɔ ya amuu ninkpe nwɔ ni aasunsū, aayɔ aalaaya oniibi nwu nkpo.

*Yesu Lape Lekpa Aakyeko Asawu Bataate Banwii Suoto.*

**47** “Yaa sɛka kalekɔ lekple dite fe nle mmle okle. Kokpaku badikite banwii lataa asawu baakpee di lekpo kamɛ, ni baadiki kakpaku ate ate nɛ.  
**48** Obe wɔ di asawu nwu nkpo layii nii, baananfi nya baawako lekpo kotoko, ni baasiɛ kaaso baasesee kɔkpaku nwu nkpo nɛ. Baayɔ kubiene baakpete di kakyikye kamɛ, ni baayɔ kɔlalaale kafɔɔ baawii nɛ. **49** Nkpo okle diɔwa ɔbate di kayi kalookɔ nɛ. Yaa batɔkyɛntɛ mawa mamadiki babienetɛ mankyeko bakpileblate kamɛ. **50** Nse batɔɔyɔ bakpileblate beefuki beekpee di kawɔɔ ɔtɔ kamɛ. Nfa di kaku owi ku anyɛɛ owee mawɛ nɛ.”

*Yesu Latuo Asaa Aakyeko Asaa Fɔle Ku Akofole Suoto.*

**51** Yesu lakaale ma ale, “Bienu lesaa biala lɛtɔkɔ ye ni kasɔ?”

Ni baatɔkɔ nwɔ ale, “Yii, buonu kasɔ.”

**52** Ninfɛ di Yesu latɔkɔ ma ale, “Ni nle mmle kotuo ale asaa batuotɛ lele nintookple Yaa sɛka kalekɔ asaa teketete kamaa, nfe nte fe leyo saate wɔ nindiki asaa kofole ku asaa fɔle ankyeko ni asaa nɔɔ katɛkɔ anwako ni kayi.”

*Nasaret Batii Las̄ Yesu.*

**53** Obe wɔ di Yesu laloo ni akpa nwu nkpo ɔpɛ yi, aadie ninfa aasifi. **54** Ninfɛ aakple aasifi

nnwɔɔ omu nɔɔ okpoo lεma ne. Ninfε aalaatuɔ asaa di kasiisakɔ lεma ne. Batii ba nianu ni asaa nɔɔ otuo, diabla ma yaaa. Ninfε baakaale suoto lεma ale, “ɔfe εewε lesaatofo le mmle nwu nkpo eekyeko? ɔfe kafɔɔ εewε osie wɔ akle ɔɔblako ni sɛkpε se niɛbla ni ɔkpε antuo ni? <sup>55</sup> Sεε diele nnwɔɔ ninle asaa wolatε nwu obi? Diele oya kafɔɔ ninle Maria, diele babilema suɔtɔbi kafɔɔ ninle Yakobo ku Yosef ku Simon ku Yuda? <sup>56</sup> Diele babilema sankobi bamuu kafɔɔ ninsiwo kaame ninfū ne? Ni owe niɛtɔɔ lesaatofo ku osie wɔ mmle okle?” <sup>57</sup> Nioso diawε ma osie ale baafū nwɔ, nkpo oso baasī nwɔ.

Ninfε di Yesu latɔkɔ ma ale, “Batii mbu Yaa ɔlaa buetete di kakɔbiala, diediki nnwɔɔ omu nɔɔ okpoo lεma ku kafaabi nɔɔ batii kame lete, manambu nwɔ.”

<sup>58</sup> Ta batafū Yesu baanu ni oso yi, atabla sɛkpε se niɛbla ni ɔkpε kpinwu di Nasaret batii kame.

## 14

*Herode Lata Ale Baalo Yaa Ntu Kpeesate Yohane.*

<sup>1</sup> Di obe nwu kame yi, Herode wɔ niatoole ni sɛka di Galilea kasɔ suoto lanu Yesu leyooto. <sup>2</sup> Ni aatɔkɔ batii nɔɔ ale, “Otii wɔ mmle yi, Yaa Ntu Kpeesate Yohane nintoo kple εɛtaka eekye bakpi kame εɛwa. Nkpo oso akpe osie ɔɔbla sɛkpε se niɛbla ni ɔkpε antuo ne.”

<sup>3</sup> Aabue ɔlaa wɔ mmle diekye Herode wɔ mmle niata baamufū Yohane, aata baanii nwɔ, baate nwɔ leeyo. Herode labla nle mmle ta Herodia wɔ ninle obilema Filipo ɔɔcfɔ oso. <sup>4</sup> Diekye lessaa le niawa ni ninle ale, Yaa Ntu Kpeesate Yohane

lasī ɔlaa aata Herode ale, "Yaa kufiofa dieta osuku ale, faafū obilee ɔsɔfɔ̄ Herodia fanyo."

<sup>5</sup> Nkpo oso Herode lamie ale oolo Yohane. Kafɔ̄ aatɔ̄çyeké Yuda batii, diekye baatoobu Yohane fe le Yaa ɔlaa buetete.

<sup>6</sup> Dii ninwii, Herode latoole lelofoyi nɔ̄, aalee batii kpinwu. Ni di Herodia obi sankobi lakyé aalaatū di batii nwu nkpo anu ne. Katū nɔ̄ nwu nkpo labuo Herode anu osie kanya. <sup>7</sup> Ni aaka ntam aabue ale, "Matafɔ̄ lesaa lele fεekaale mi!"

<sup>8</sup> Ninfé di ɔsankobi nwu nkpo ɔya latɔ̄ disibu di lesaa le aakaale ni suoto ne. Nkpo oso aakyé aalaakaale Herode ale, "Komie Yaa Ntu Kpeesate Yohane disi di bεesi bεnkεe kame nunua."

<sup>9</sup> Lesaa le mmle di ɔsankobi nwu nkpo lakaale ni labuo ɔka Herode suoto. Kafɔ̄ di ntam be aaka ni di banɔ̄çfo nwu nkpo bamuu anu oso, aata osuku ale babla di ɔsankobi nwu nkpo dibiesaa suoto batɔ̄. <sup>10</sup> Nioso aakpee otii lakyé aalaabudi Yohane disi di leyo katenko. <sup>11</sup> Ni aayɔ̄ disi nwu nkpo aakpee di bεesi bεnkεe kame aawako ɔsankobi nwu nkpo ne. Ni di ɔsankobi nwu nkpo kafɔ̄ layɔ̄ disi nwu aakyenko ɔya ne. <sup>12</sup> Ni di Yohane basaateketete nɔ̄ labayɔ̄ kpi nwu nkpo baasifiko baalaakookaa ne. Ni baakyé baalaatɔ̄ko Yesu ne.

<sup>13</sup> Di obe wɔ̄ di Yesu lanu ale batoolo ni Yohane yi, ni aayɔ̄ oklo aadie ninfa aasifi laba le nielo ni baatii nnaa ni ne. Obe wɔ̄ baatii lanu nfū akpe nii, kpinwu lema ladie seekpoo lema baakyé nkpa, baati nwo, baakyé ninfa. <sup>14</sup> Obe wɔ̄ di Yesu ladie ni di oklo kame, aanya ni batii ɔlambu

nwu nkpo, kafutu lanyinyii nwɔ di suoto lɛma. Ni aayɔɔsa mba niatoofie ni bamuu sifie ne.

*Yesu Lata Batii Nkpe Nnɔɔ Alesaa Baale.*

<sup>15</sup> Di obe wɔ di kɔtɔcfɔ lawo nii, basaateketeteɛ nɔɔ lawa ɔkye nɔɔ babatɔkɔ nwɔ ale, "Kale nfe koloo, nfū bukpe ni kafɔɔ lekyo ku okpoo. Nkpo oso diki batii ba mmle osuku, baatɔɔkye nkpaayotū baalaamie lelesaa bale."

<sup>16</sup> Yesu ladiki kanya ale, "Dieffī ale baasifi. Aye bamu bimie lesaa lewo bita ma bale."

<sup>17</sup> Ni baasaateketeteɛ nɔɔ nwu nkpo latɔkɔ nwɔ ale, "Alesaa ya lete bukle ni ninle bloblo akudi anɔɔ ku kɔkpaku sɛnle kɔnyɔ."

<sup>18</sup> Ninfɛ di Yesu latɔkɔ ma ale, "Biyɔ alesaa nwu biwakoe." <sup>19</sup> Ni aatɔkɔ batii nwu nkpo bamuu ale basie kaasɔ di sɛfa kɔnle nwu nkpo suoto. Ninfɛ aayɔ bloblo akudi anɔɔ ku kɔkpaku kɔyɔ nwu nkpo, ni aakplesa anu katoo aanyu osi aapɛ Yaa sɛfa ne. Ni aabɛbɛɛ bloblo nwu nkpo kɔkyeɛ kɔkyeɛ aata basaateketeteɛ nɔɔ ne. Ni baasaateketeteɛ nɔɔ kafɔɔ layɔ baata batii nwu nkpo ne. <sup>20</sup> Obiala lɛma lale alesaa nwu nkpo aamiɛ. Nni kamaa, ni basaateketeteɛ nɔɔ lasiisa kɔkyeɛ kɔkyeɛ ko niabu nii baakpete di nkyikyɛ kamɛ ne. Baawɛ lefosi nkyikyɛ nnyɔ pɔ. <sup>21</sup> Batii ba niale ni alesaa nwu nkpo labla basuɔtɔ nkpe nnɔɔ. Bataka basanko ku babisɔ baakpee kaamɛ.

*Yesu Lakyɛ Di Galilea Lekpo Suoto.*

<sup>22</sup> Ninfɛ di Yesu lata ale basaateketeteɛ nɔɔ layie baabuo di oklo kamɛ ale balekatū bataale basifi lekpo nwu nkpo kakye nyɔɔfa ne. Diabu lete nɔɔ ninfa ale oodiki batii nwu nkpo osuku. <sup>23</sup> Di

obe wɔ atoodiki batii nwu nkpo osuku eeloo ni kamaa, lete nɔɔ aakata aasifi kobokote osi ale ɔɔlaapɛ ɔlaa anta Yaa. Kale laloo, nioso Yesu lete niabu ninfa. <sup>24</sup> Di obe nwu nkpo kame, oklo nwu nkpo ntɔɔkye sitū nwaa. Lekpo ntu latɔɔkρεko oklo nwu nkpo, diekye lekpo kɔfɛɛfɔ latɔɔfɛ kuatɔɔkyako oklo nwu nkpo.

<sup>25</sup> Kolesetū elomu etie ku elomu ekwɔ ntɛɛ yi, Yesu lakyɛ di ntu osi aatoofe basaateketete nɔɔ nwu nkpo nfū. <sup>26</sup> Di obe wɔ kame baanyɔɔ akyɛ di ntu osi ɔɔwa nii, lεyεkε lapɛ ma baabue ale, “Kpi dile!” Nkpo oso baayiisa kudu osie kanya!

<sup>27</sup> Nfanwu Yesu lakakate aatɔkɔ ma ale, “Binya otu! Ami dile! Bitanyɛkɛ!”

<sup>28</sup> Ninfɛ di Petro latɔkɔ nwɔ ale, “Saate, nse afɔ dile nwaako, ni faatɛɛ nkyɛ di ntu osi nwa ɔkyɛ lefɔ.”

<sup>29</sup> Ninfɛ di Yesu latɔkɔ nwɔ ale, “Wa!”

Ninfɛ di Petro ladie di oklo nwu kame aakyako ɔkyɛ di ntu osi, aatoofe Yesu nfū ne. <sup>30</sup> Kafɔɔ di obe wɔ aanya ni kɔfɛɛfɔ ko niatɔɔfɛ ni osie kanya, lεyεkɛ lapɛ nwɔ, ni aakyako ɔmɛɛ di ntu nkpo kame ne. Ni aafaa osie kanya aabue ale, “Saate, diki mi!”

<sup>31</sup> Nfanwu ni di Yesu lananfi kɔnɛɛ nɔɔ aamufū nwɔ, ni aatɔkɔ nwɔ ale, “Ofū onu lefɔ diewo! Be oso fonoofū mi fanu?”

<sup>32</sup> Banyɔ lεma baabuo di oklo nwu nkpo kame, ni kɔfɛɛfɔ nwu nkpo ladie ofe ne. <sup>33</sup> Ninfɛ di basaateketete nɔɔ nwu nkpo di oklo kame lapɛ akunkyi baasumu nwɔ baabue ale, “Nwaako, Yaa Obi fale!”

*Yesu Layɔɔsa Batii Sifɛ Di Genesaret.*

<sup>34</sup> Obe wɔ baataalε lekpo nwu nkpo baalaadu ni kayε nyɔɔfa di Genesaret kassɔ suoto yi, <sup>35</sup> batii lanya Yesu baate nsū ninfa. Nkpo oso baakyε baalaakpaa bafietε ba ninkpe ni di ntεε nwu nkpo fεε baawako Yesu nfū. <sup>36</sup> Ni baatikiti Yesu lekoto ale ata bafietε bakpanko nwɔ awu kotoko lete pε. Batii ba bamuu niakpanko ni awu nɔɔ kotoko yi, sifie lεma layɔɔ ma.

## 15

### *Biesī Yaa Bitikanko Batelee Saa Obe Asaa Otuo Nkpamaa.*

<sup>1</sup> Ninfε di Farisi batii bawo ku kufiofa asaa batuotε bawo lakyε Yerusalem baawa Yesu nfū babakaals nwɔ ale, <sup>2</sup> “Be oso di basaateketete lεfɔ diloole afiofa ya di saa bakofo loo ledie bεεtε wo ni? Diekye mánfoto nnεε lεma fie manle alesaa fe mmle di ɔsaabla loo kotuo nii.”

<sup>3</sup> Ninfε di Yesu ladiki kanya ale, “Be oso di aye kafɔɔ biesī Yaa kufiofa ole, bitikanko saa bakofo loo ɔsaabla nkpaamaa? <sup>4</sup> Yaa lebuε ale, ‘Bu teefɔ ku yaafɔ. Otii lele niɛkpaaani ote ee ɔya, dikpe ni beelo nwɔ.’ <sup>5</sup> Kafɔɔ biotuo bile, nse otii owo nkpe lesaa ale ɔɔyɔ ankyakaako ote ee ɔya, eebue ale, ‘Lεyɔ lesaa le mmle nlε kota Yaa’ yi, <sup>6</sup> diesinfī ale otii nwu nkpo kabu ote ee ɔya. Di nle mmle ɔbla suoto yi, biesī Yaa kufiofa ole, bitikanko bawa lee nwu nkpo ɔsaabla nkpaamaa. <sup>7</sup> Aye balaate! Nwaako, ɔlaa wɔ di Yaa ɔlaa Buetεtε Yesaia labue aate ni di suoto lee ntɔɔwa kaanya. Aabue ale.

<sup>8</sup> ‘Batii ba mmle kanya fukiti ko man-yɔ man-tansεε,  
kafɔɔ mambombɔ mi siitu lεma kamε.

**9** Kasakasa bɔɔbla mi ɔkpε.

Diekye bakle batii afiofa bootuo fεle afiofa  
nii ale.' "

*Asaa Ya Nindie Ankye Ni Otii Otu Kame Ninta  
Ale Otii Nkponɔnfɔ.*

**10** Ninfε di Yesu lales batii dikudi nwu nkpo aawako ɔkyε nɔɔ ni aatɔkɔ ma ale, "Bikyɔɔ atoko, bienu kasɔ! **11** Diele alesaa ya di otii nnle ankpee ni kaafutu kame ninta ale ankponɔnfɔ. Kafɔɔ selaa se nindie sinkye ni otii kanya kame ninta otii nkponɔnfɔ."

**12** Ni baasaateketete nwu nkpo lawa ɔkyε nɔɔ babatɔkɔ nwɔ ale, "Faye falε selaa se feebue ni lebuo Farisi batii nwu nkpo suoto osi kanya?"

**13** Yesu ladiki kanya aabue ale, "Kowoso lele di Teemi wɔ ninkpe ni di osi diɛsɔ yi, abasifi kū an-yu. **14** Nkpo oso bitankpee ma kanya. Banumbietε bale bɔɔkpaa banumbietε wo lεma. Nse numbiεtε kafɔɔ kɔkpaa numbiεtε wo nɔɔ yi, akyuu lεma anyɔ, babanɔɔ mambuo diibιɔ kame."

**15** Petro latɔkɔ nwɔ ale, "Diki lεkpa nwu nkpo fεεre ni kasɔ di alesaa ya ninkponɔfɔsa ni otii suoto fata wo."

**16** Ninfε di Yesu latɔkɔ ma ale, "Ni aye kafɔɔ batii ba ninoonu selaa kasɔ biekple bile? **17** Biye bile lesaa lele di otii lekpee kaanya kame, ka-futu kame ninsifi, nni kamaa, ankyε ni an-yu. **18** Kafɔɔ selaa se nindie sinkye ni otii kanya kame yi, otii otu kame sinkye. Selaa nwu ninle assaa ya ninta ale otii nkponɔnfɔ ne. **19** Diekye disibu kpile le ninta ale otii nlo ni otii, ku lεsɔnɔkppee

ku seteeteelaa ku kayu ku selaa kuafunu ku  
ditiikpɔnɔnfɔsa yi, otii otu kame ankye. <sup>20</sup> Asaa  
ya mmle ninta otii nkɔnɔnfɔ nε. Kafɔɔ nse otii  
lele alesaa ananfoto kɔnεs fe mmle di Farisi batii  
kotuo ni yi, nni nkpo nínkɔnɔnfɔsa otii.”

*Yesu Layɔɔsa ɔsanko Onwii Obi Sankobi Ofie.*

<sup>21</sup> Yesu ladie ninfa, ni aasifi ntεs be niεtεεtεs  
ni sekpoo kplε se ninle ni Tiro ku Sidon nε.  
<sup>22</sup> Ni di Kana ɔsanko onwii ninkpe ni nintεs nwu  
nkpo lawa Yesu nfū, aafaa aatikiti nwɔ lekoto  
ale, “Saate nii, ɔka Dawid Obi! Nyεs nyaami!  
Ninwuna kpile ninwii kɔkpεko obi nii sankobi,  
asi diibuo kamε osie kanya!”

<sup>23</sup> Kafɔɔ Yesu ditadiki kanya. Ninfε di  
basaateketete nɔɔ lawa babatɔkɔ nwɔ ale,  
“Tososɔɔ aatɔɔkyε, diekye atikanko wo, ootfisa  
wo atoko.”

<sup>24</sup> Ninfε di Yesu ladiki kanya aatɔkɔ ɔsanko  
nwu ale, “Israel batii ba ninte ni fe bafoso ba  
nieyu nii, mma ɔkyε di Yaa lekpee mi nε.”

<sup>25</sup> Kafɔɔ ɔsanko wɔ mmle lapε akunkyi di  
Yesu nkpaatū aatikiti nwɔ lekoto ale, “Saate nii,  
kyakaakoe!”

<sup>26</sup> Yesu ladiki kanya ale, “Diele ale baayɔ babisɔ  
alesaa manfuki man-yu baweewee lεma.”

<sup>27</sup> Ninfε di ɔsanko nwu nkpo ladiki kanya ale,  
“Saate nii, nwaako kule. Kafɔɔ baweewee kafɔɔ  
nkpe osuku manle alesaa kɔbεfεs ko ninkpa ni  
di saate lεma opunu suoto kumpε ni kaasɔ.”

<sup>28</sup> Obe wɔ di Yesu lanu ni ɔlaa wɔ mmle yi, ni  
aatɔkɔ nwɔ ale, “O ɔsanko, ofū onu lefɔ lemuɔ  
lo! Lesaa le foomie ni yi, diwa kaanya dita fɔ.”

Nkpo oso di obe nwu nkpo kame tutuutu, ni di obi nɔɔ sankobi nwu ofie layɔɔ nwɔ ne.

*Yesu Layɔɔsa Batii Kpinwu Sifie.*

<sup>29</sup> Yesu ladie ninfa aalaafe di Galilea Lekpo kotoko, ni aalaadu kabokotee kanwii ɔlɔɔkɔ, ni aakata ka aasifi aalaasisie ne. <sup>30</sup> Batii dikudi kpinwu lawa nwɔ ɔkye, ni baakpaa batii ba niefefe basi ni kaasɔ ku mba ninoofuo ni ɔkye nwaa ku banumbiete ku bamumu ku bafiete bamba kpinwu baawako baabate di anu nɔɔ, ni aayɔɔsa ma sifie ne. <sup>31</sup> Obe wɔ di batii nwu nkpo lanya bamumu kɔkakate nii, batii ba ninoofuo ni ɔkye nfe nkye ni nwaa, batii ba niefefe basi ni kaasɔ ntoosie nii, banumbiete kafɔɔ nfe kɔnya ni yi, diabla ma yaaa. Ni baatansa Israel Yaa ne.

*Yesu Lata Batii Nkpe Nna Alesaa Baale.*

<sup>32</sup> Yesu laleɛ basaateketete nɔɔ aawako ɔkye nɔɔ, ni aatɔkɔ ma ale, "Batii ba mmle nwu nkpo ɔlaa konu mi kafutu, diekye batɔɔwɛ di ɔkye nii ayi atie amu kafɔɔ lesalesaa nnaa ma baale nii. Noomie nle ndiki ma osuku baatɔɔkye leyo ku kɔka. Nse diele nkpo, babalaatokpi kɔka di osuku."

<sup>33</sup> Ni di basaateketete nɔɔ lakaalɛ nwɔ ale, "Fe bubawɛ alesaa ɔfaafuu wɔ mmle kame munta banankpantii ba mmle manle mammie?"

<sup>34</sup> Ni di Yesu lakaalɛ ma ale, "Bloblo akudi ase bikle?"

Ni baasaateketete nwu latɔkɔ nwɔ ale, "Bloblo akudi akuensĩ ku kɔkpaku biibii kɔsɛɛ kowo ko bukle."

<sup>35</sup> Ninfɛ di Yesu latɔkɔ batii nwu nkpo ale basie kaasɔ. <sup>36</sup> Ninfɛ di Yesu layɔ bloblo akudi akuensĩ

ku kɔkpaku nwu nkpo, ni aapε Yaa sεfa nε. Ninfε aabεbεs alesaa nwu nkpo aata basaateketetε nɔɔ, ni baasaateketetε nwu nkpo kafɔɔ baayɔ baase batii dikudi nwu nε. <sup>37</sup> Bamuu lεma baale baamie. Obe wɔ baasaateketetε lasiisa ni kufui kufui ko niabu nii, baawε nkyikyε nkuensī pɔ. <sup>38</sup> Batii ba niale ni alesaa nwu nkpo labla basuɔɔ nkpe nna. Bataka basanko ku babiɔɔ baakpee kaame. <sup>39</sup> Ninfε di Yesu ladiki batii dikudi nwu nkpo osuku baasifi, ni aabuo di oklo kame aasifi Magadan ntεε nwu kasɔ suoto nε.

## 16

*Farisi Batii Ku Saduki Batii Bawo Lakaale Yesu Ale Abla Dituosaa Lewo Atuo Ma.*

<sup>1</sup> Farisi batii ku Saduki batii bawo lawa Yesu nfū ale bɔbawolaa nwɔ kaanya. Nkpo oso baatɔkɔ nwɔ ale, “Bla dituosaa lewo fatuo wo buotofo bulɛ nwaako Yaa nfū fεεkye.”

<sup>2</sup> Kafɔɔ Yesu ladiki kanya ale, “Nse kufī nfε kofe kameεkɔ diɛ kolo lesεε yi, mimbuε bile kayi male kɔsεε. <sup>3</sup> Nkpo okle kafɔɔ mimbuε ku kolesetū bile, ‘Alokonkyε lesεε kayi lefuu nioso kanto manɔɔ.’ Minfuo mmle kaayi mate ni otofo nse bienyu osi. Kafɔɔ biloofuo atuosa ya ninkɔwa ni di obe wɔ mmle kame kasɔ onu! <sup>4</sup> Aye miɛ akyenfɔɔle kpile, bitookple di Yaa nkpaamaa, biomie bile mbla dituosaa ntuo ye. Oowo! Bilabanya dituosaa kuniwii dilenkee Yona lele le okle.” Nkpo oso Yesu ladie ma aasifi.

*Yesu Lakpee Basaateketete Nɔɔ Kufiofa Di Farisi Batii Ku Saduki Batii Asaa Otuo Suoto.*

<sup>5</sup> Obe wɔ di basaateketete nwu lataale lepanta nwu nkpo baalaadu ni kaye nyɔɔfa yi, ni baanyuma ale baayo bloblo kuonwii bakle nɛ.

<sup>6</sup> Ninfɛ di Yesu latoko ma ale, “Bilolaa binyu nwaa di Farisi batii ku Saduki batii kɔfa ko mankpee ni di nnaafu kame nintaka ni suoto.”

<sup>7</sup> Ninfɛ baakyako obue kaame lema ale, “Mmle munan-yɔ bloblo kuonwii bukle ni oso obue ɔlaa wɔ mmle?”

<sup>8</sup> Yesu latofo ɔlaa wɔ baatoobue nii, nioso aakaale ma ale, “Be oso biobue kaame bile biɛyɔ bloblo kuonwii bikle? Ofu onu lee lete kuɔwa kasɔ lo! <sup>9</sup> Ni biifuo otofo? Ni biloonyuma obe wɔ labεbɛe bloblo akudi anɔɔ lase ni batii nkpe nnɔɔ? Nkyikye nse kɔkyee kɔkyee ko biasiisa ni layii? <sup>10</sup> Diɛkyakaa nii, bloblo akudi akuensī ya layɔ lata ni basuɔtɔ nkpe nna mɔ? Nkyikye nse biasiisa kɔkyee kɔkyee nwu biayiisa? <sup>11</sup> Ni be oso minoofuo otofo bile diele bloblo suoto kɔkakate nta ye nle, ‘Bilolaa binyu nwaa di Farisi batii ku Saduki batii kɔfa ko mankpee ni di nnaafu kame nintaka ni suoto?’” <sup>12</sup> Nfa nfɛ di basaateketete nwu nkpo lanu kasɔ ale diele kɔfa ko mankpee ni di nnaafu kame nintaka ni suoto ɔɔkakate anta ma. Kafɔɔ di asaa ya di Farisi batii ku Saduki batii ntuo ni suoto alaka.

### *Petro Ladiki Aabue Otii Wɔ Di Yesu Nwu Nkpo Nle Nii.*

<sup>13</sup> Yesu ku basaateketete nɔɔ lasifi ntɛɛ be niɛtɛɛtɛɛ ni Kaesarea Filipi okpoo. Nfa aakaale ma ale, “Owe baatii kobue ale ami, Otii Obi nwu, nle?”

<sup>14</sup> Ni baadiki kanya ale, “Bawo kobue ale Yaa Ntu Kpeesate Yohane. Bawo kafɔɔ kobue ale Yaa

Olaa Buetete Elia fale. Fie baawo kafco kobue ale Yeremia ee Yaa olaa buetete bamba owo fale."

<sup>15</sup> Ninfé di Yesu lakaale ma ale, "Ni aye mo? Owe biobue bile nle?"

<sup>16</sup> Ninfé di Simon Petro ladiki kanya ale, "Afó ninle Kristo nwu nkpo ne, Yaa wó ninkpe ni nkpa Obi."

<sup>17</sup> Ninfé di Yesu latoko nwó ale, "Yaa ntoowii fo leyoo, Simon, Yona obi. Diekye diele otii kuonwii niediki nle mmle eetuo fo, kafco Teemi wó ninkpe ni di osi niediki eetuo fo. <sup>18</sup> Nkpo oso kotoke fo nle afó ninle Petro di lessodiki ninle ni difuonkpaa. Difuonkpaa le mmle suoto kamatofo bafúbanute nii dikudi ne. Bia kukpi osie dilobafuo ma olenkee. <sup>19</sup> Kamayo Yaa seká kaleko osie nta fo. Lesaa lele feenii kaasó ka mmle suoto yi, Yaa kafco manii ni di osi. Lesaa lele kafco feefukuti di kasó ka mmle suoto yi, Yaa kafco mafukuti ni di osi." <sup>20</sup> Ninfé di Yesu lakpee basaateketete noo kufiofa ale, "Bitantoko otii kuonwii bile ami ninle Kristo nwu."

### *Yesu Lakakate Aakyeko Dibuo Noo Ku Kukpi Noo Suoto.*

<sup>21</sup> Diayé ni di obe nwu nkpo kame, Yesu lakte kasó aatoottoko basaateketete noo nwu nkpo ale, "Dikpe ni lekyé Yerusalem lelaafe diibuo kpinwu kame di okpoo bancofo ku oleata bancofo ku kufiofa batuote nnée kame. Babalo mi, kafco dii tiefa Yaa masenkese ankyeko bakpi kame nsie nkpa."

<sup>22</sup> Ninfé di Petro lakpaa Yesu aasifiko olóoko aalaasí olaa aatoo, ni aatoko nwó ale, "Saate, Yaa ata nle mmle dikye di okyo. Diidii nle mmle dilabawafó di suoto!"

<sup>23</sup> Yesu lamunikii aatokó Petro ale, “Abonsam, kye mi di ɔloɔkó fasifi! Fale disukutfisaa fεεtεε, diekye disibu le fakle ni yi, diele Yaa nfū diekye. Otii disibu dile.”

<sup>24</sup> Nfa nfe di Yesu latokó basaateketete nɔɔ ale, “Nse otii owo komie ale awa abatikankoe, ni dikpe nii ansi suoto nɔɔ, an-yɔ aatoo nɔɔ, antikankoe. <sup>25</sup> Diekye otii lele nikomie ale ata nkpa nɔɔ, abayu mi, kafɔɔ otii lele nieyu nkpa nɔɔ ta ami oso yi, nwaako abawε mi. <sup>26</sup> Obe nfasū di otii mawε nse εεwε kayi ka mmle assaa amuu eeyu nkpa nɔɔ? Ee lesaa lewo nkpe di otii kafuo ni ɔyɔ ɔkyelensa ofū nkpa nɔɔ? <sup>27</sup> Diekye Otii Obi nwu nkpo kamawa di Ote lɛkpa kame ku Yaa batɔkyɛntε nɔɔ, abata otii biala koto di nkpa nɔɔ be eesie ni kanya. <sup>28</sup> Nwaako kɔtɔkɔ ye nlε, batii bawo nsi ye kaame ninfū, blɔwa ɔbakpi fiε babanya Otii Obi nwu nkpo kɔwa fe ɔka.”

## 17

### *Kakyi Kawo Lawa Di Yesu Suoto.*

<sup>1</sup> Ayi akuc semaa, Yesu lakpaa Petro, Yakobo ku obilεma suɔtɔbi Yohane baasifi kobokote takale kunwii osi. Ni baalaasiε ninfa lete lεma nε. <sup>2</sup> Di obe wɔ baasisiε ni ninfa, baanya nii, Yesu letembι ntookyи. Anu nɔɔ lakpa fele kufi, awu nɔɔ kafɔɔ lapu aatoosese di anu. <sup>3</sup> Ninfε di basaateketete nwu nkpo batie lanya Mose ku Elia bɔɔkakatεko Yesu nε.

<sup>4</sup> Nioso Petro latakatesa sεlɔ katoo aatokó Yesu ale, “Saate, diete dile ale buɔwa nfū! Nse feetuna yi, mapε apkanta atie. Alefɔ anwii, Mose ale anwii, Elia ale kafɔɔ anwii.”

<sup>5</sup> Di obe wɔ ayε ɔɔkakate ni yi, dituntū le niɛkpa ni lawa diabafukuti diatī ma di suoto. Ni sεelɔ ladie diituntū nwu kamε siabue ale, “Obi nii bɔmbɔtε ninle nwɔ mmle ne. Nintuna nwɔ di suoto, oobuo mi anu nwaa. Bikyɔɔ nwɔ atoko!”

<sup>6</sup> Di obe wɔ baasaateketete batie nwu nkpo lanu ni selɔ se mmle yi, leyekε lape ma osie kanya, ni baafuusa anu kaasɔ ne. <sup>7</sup> Ni di Yesu lakple aawa ɔkye lεma abakpanko ma aatɔkɔ ma ale, “Bitaka! Bitanyεke!” <sup>8</sup> Ninfe baatakatesa anu katoɔ ne, batasinya otii kuonwii dilenkee Yesu lete.

<sup>9</sup> Di obe wɔ nfε boosoo mankye ni kobokote nwu nkpo suoto manwa nii, Yesu lakpee ma kufiofa ale, “Bitantɔkɔ otii kuonwii dituosaa le beediki beetuo ye ni ninfū, dielaase di obe wɔ bεetakatesa ni ami, Otii Obi nwu nkpo, beekyeko ni bakpi kamε.”

<sup>10</sup> Ninfe di basaateketete nwu nkpo lakaale Yesu ale, “Ni obe oso di kufiofa batuotε labue ale dikpe ni Elia lelekatū εewa fie di asaa ya mmle lewa kaanya?”

<sup>11</sup> Ninfe di Yesu ladiki kanya aabue ale, “Nwaako dile ale Elia lelekatū εewa εεba lololaa lesaa biala εεte. <sup>12</sup> Kafɔɔ kɔtɔkɔ ye nle Elia ntɔɔwa kofokofoko, kafɔɔ batii dienyɔɔ bate nsū, ni baabla nwɔ amumu fe mmle dile ma ni ne. Nkpo okle kafɔɔ bababla Otii Obi nwu amumu ne.” <sup>13</sup> Ninfe di basaateketete nwu nkpo latofo ale Yaa Ntu Kpeesate Yohane suoto ɔɔkakatete anta ma ne.

*Yesu Latososa Ninwuna Kpile Ninwii Di Osuɔtɔbi Onwii Kamε.*

<sup>14</sup> Di obe wɔ di Yesu ku basaateketete nɔ̄ lasoo baabadu ni batii dikudi nwu nkpo nfū yi, cɔ̄nɔ̄tɔ̄ onwii lawa Yesu nfū aabare akunkyi kaatū nɔ̄. <sup>15</sup> Ni aatɔ̄kɔ̄ Yesu ale, “Saate, nya obi nii suɔ̄tɔ̄bi wɔ mmle nyaami. Kakpibubu nsi nwɔ kɔ̄onwɔ̄tɔ̄ nwɔ̄ osie kanya. Obe lele cɔ̄nɔ̄ ambuo di ntu ku ɔ̄tɔ̄ kamɛ. <sup>16</sup> Lekpaa nwɔ̄ lewako basaateketete lɛfɔ̄, kafɔ̄ baafuo nwɔ̄ ofie ɔ̄nyɔ̄cɔ̄sa.”

<sup>17</sup> Ninfɛ di Yesu ladiki kanya ale, “Aye miɛ akyɛnfɔ̄le, be oso minoofū mi binu, bikpe otokopī nkpo? ɔ̄mɛmbe okle kakpee otu nnanfi ye nnaase? Namasiɛ ye di ɔ̄kye obe lele! Bikpaa obisɔ̄ nwu nkpo biwakoe ninfū!” <sup>18</sup> Ninfɛ di Yesu lasi ɔ̄laa aata ninwuna kpile le niasie ni di obisɔ̄ nwu nkpo kamɛ, ninfɛ diadiɛ ne. Nfanwu ni di ofie nwu nkpo layɔ̄c nɔ̄ ne.

<sup>19</sup> Ninfɛ di basaateketete nwu nkpo lawa Yesu nfū babakaale nwɔ̄ buɛɛ ale, “Be oso munanfuo ninwuna kpile nwu nkpo otososa odiki?”

<sup>20</sup> Ni di Yesu ladiki kanya ale, “Diekye ofū onu lee diepɔ̄. Nwaako kɔ̄tɔ̄kɔ̄ ye nle, nse ofū onu lee nte fɛ alesaa kubi biibii yɛntɛle yi, biafuo kobokote takale ko mmle ɔ̄tɔ̄kɔ̄ bile, ‘Taka ninfū fasifi kamaa nwu falaayila!’ Kubasifi. Lesalesaa kuninwii ɔ̄bla dilaba lenkee ye! <sup>21</sup> Nse diele kanya onii ku ɔ̄laa ɔ̄pɛ ɔ̄ta Yaa, bilaafuo ninwuna le mmle okle otososa odiki.”

### *Yesu Lakple Aakakate Di Kukpi Nɔ̄c Suoto.*

<sup>22</sup> Di obe wɔ baasaateketete nwu nkpo bamuu labasi ni di Galilea yi, Yesu latɔ̄kɔ̄ ma ale, “Babayɔ̄ Otii Obi nwu nkpo mankpee di batii nnɛɛ kamɛ. <sup>23</sup> Babalo nwɔ̄, kafɔ̄c dii tiɛfa, Yaa

makple ansenkessa nwɔ ankyeko bakpi kamε.” Nioso, basaateketete nwu nkpo labuo nyaami.

*Yesu Ku Basaateketete Nɔɔ Lata Yaa Olekatakɔ Koto Ko Baatii Nta Nii.*

<sup>24</sup> Di obe wɔ di Yesu ku basaateketete nɔɔ lababuo ni Kapernaum, Yuda batii Olekatakɔ ato bafunte labakaale Petro ale, “Saatuotε lee kafɔɔ nta Olekatakɔ koto nwu nkpo?”

<sup>25</sup> Ninfe di Petro ladiki kanya ale, “Be Oso. Anta!”

Nkpo oso obe wɔ di Petro lakyε aalaabuo ni leyo, ni di Yesu lalekatū aakaale nwɔ ale, “Simon, lefεenya? Bawe dikpe ni bεeta akpooto ku kale ato bεeta kayi ka mmle baka? Kale babi εε, sεε bafɔɔ?”

<sup>26</sup> Ninfe di Petro ladiki kanya ale, “Bafɔɔ.”

Ninfe di Yesu labue ale, “Dile. Nse dinaa ale kale babi kata fie! <sup>27</sup> Kafɔɔ noomie nlε buwolaa batii ba mmle kaanya, tɔɔkyε lekpo nwu nkpo kotoko falaataa dadiwa. Kakpaku ka kasale fabadiki ni yi, nyu ka kanya kamε, fabanya koto kowo nimawo ni ami ku kole ye fanta ni Olekatakɔ nwu koto. Diki koto nwu, faayɔ falaata koto ko busiko ma ni.”

## 18

*Yesu Ladiki Otii Wɔ Ninlenke Ni Aatu.*

<sup>1</sup> Di obe nwu nkpo kamε yi, basaateketete nwu nkpo lawa Yesu nfū babakaale nwɔ ale, “Owe ninle otii finle di Yaa sekə kalekɔ?”

<sup>2</sup> Ninfe di Yesu laleε obisɔ biibii onwii aabayila ma di anu ne. <sup>3</sup> Ni aatɔkɔ ma ale, “Nwaako kɔtɔkɔ ye ntikiti nlε, nse biekyisa letembi lee bite

fe babiso yi, diidii, bilababuo Yaa sekə kalekə nwu nkpo.<sup>4</sup> Otii wɔ niefū koya alenke ni di Yaa sekə kalekə nwu nkpo ninle, otii wɔ niɛwakosa ni suoto kasə, eekyi eete fe obisə wɔ mmle okle.

<sup>5</sup> “Otii wɔ nimaſū ni obisə bijbii wɔ mmle okle di leyooto nii kame yi, ami eefū.

*Tannanfi Otii Wo Lefo Faakpee Di Okpile Kame.*

<sup>6</sup> “Nse Otii owo ləta ale babiso ba mmle nwu nkpo onwii lema leyu ofū onu nɔɔ kaame nii, nse bɔɔyɔ kukuɔ dibinte beenii bɛesakasa nwɔ siimu beesoosa nwɔ beekpee di lekpo kakyofolekə εεμε ntu eekpi yi, dibale nwɔ ninlenkee.

<sup>7</sup> “Kayi ka mmle batii bayɔɔsa di asaa ya nimata batii n-yu ni ofū onu lema. Asaa nwu nkpo nnya obe lele abawa. Kafɔɔ otii wɔ suoto abafe anwa nii, ayɔɔsa!

<sup>8</sup> “Nkpo oso nse kɔnɛɛ lefo, ee kɔkpaa lefo mata ale fambla okpile yi, faabudi kū fayu. Dile dilenke ale faayɔ kɔnɛɛ kunwii ee kɔkpaa kunwii fambuo di nkpa nwu kame, ale faawɛ nneɛ nnyɔ ee nkpaan nnyɔ, man-yɔ fɔ manfuki mankpee di kawɔɔ ɔtɔ wɔ ninnaa ni kaloo kame.<sup>9</sup> Nse kafɔɔ, ninu lefo nikɔta fɔ fambla okpile yi, faadiki ni fayu. Diekye dile dilenke ale, faayɔ ninu ninwii fambuo nkpa nwu nkpo kame ale, faawɛ anu anyɔ man-yɔ fɔ manfuki mankpee di kawɔɔ ɔtɔ wɔ ninnaa ni kaloo kame.

*Yesu Lape Lekpa Di Foso Wɔ Nieyu Ni Suoto.*

<sup>10</sup> “Bilolaa binyu nwaa bile bienyu babiso wɛkyɛ wɛkyɛ ba mmle nwu nkpo bile baadie lesalesa di anu lee. Diekye nwaako kɔtɔkɔ ye

ntikiti nlε, bakpe Yaa batɔkyɛntε ba nin-yε ni di Teemi wɔ ninkpe ni di osi anu obe lele. <sup>11</sup> Diekye ami, Otii Obi nwu, lεwa nlε kɔmadiki batii ba nieyu nii, nta ma nkpa.

<sup>12</sup> "Lε biɛnya, nse otii nkpe bafoso kɔlafa di onwii leyu kaamε, ɔlabadiε afosi anaasī banaasī ba niebu ni koobokote osi batoole alesaa asifi alaawolaa onwii nwu nkpo nieyu ni? <sup>13</sup> Nwaako nse εɛnyɔɔ yi, abanya suoto leyɔɔ di onwii nwu nkpo suoto anlenkee afosi anaasī banaasī nwu nkpo niebu nii. <sup>14</sup> Nkpo okle kafɔɔ di Teeye wɔ ninkpe ni di osi yi, oloomie ale babiɔɔ ba mmle wεkyε wεkyε onwii lεma ayu ne.

*Nya Osuku Wɔ Suoto Dikpe Ni Fεεkyε Ni Nse Ofū Onute Wo Lefɔ Lebla Fɔ Okpile.*

<sup>15</sup> "Nse ofūonute wo lefɔ lebla fɔ okpile yi, kye ɔkyε nɔɔ falaadiki okpile wɔ εεbla fɔ ni fatuo nwɔ. Faata ɔlaa nwu kusiε di batii lee banyɔ ntεε letε. Nse eenu fɔ kasɔ yi, ni minko nwɔ kasiε ntookple kεεle ne. <sup>16</sup> Kafɔɔ nse aanu fɔ kasɔ yi, ni faamiε otii onwii ee banyɔ fakyakaa di suoto biɛkyε, baanuko fɔ ɔlaa nwu nkpo fele kamaa bayilate, fe mmle okle bεεkpana ni Kɔɔkpana Klekle Kukū kamε. <sup>17</sup> Nse mma kafɔɔ aanu ma kasɔ yi, ni faata ɔlaa nwu kudu bafūbanute ba ninkpe ni kaasiisakɔ nwu nkpo. Nse aanu kasiisakɔ nwu nkpo batii kafɔɔ kasɔ yi, ni faadiε nwɔ fele otii wɔ ninanfū anu ni ee kpileblate wɔ ninayikyisa ni nkpa.

*Yesu Lata Bafūbanute Nwu Nkpo Osie.*

<sup>18</sup> "Nkpo oso kɔtɔkɔ ye nlε, lεsaa lele bienii kaasɔ ka mmle suoto, Yaa n-yε ye kamaa di osi.

Lesaa lele kafɔɔ biefukuti di kasɔɔ ka mmle suoto,  
Yaa n-ye ye kamaa di osi.

**19** “Kokple ntɔkɔ ye kafɔɔ nlɛ, nse batii lee  
banyɔ biɛbla kanya kanwii lesaa lele suoto kaasɔɔ  
ka mmle, biɛkaalɛ, Teemi wɔ ninkpe ni di osi  
mabla anta ye. **20** Diekye kako lele batii banyɔ  
ee batie lebla onwii leeyooto nii kame, nsi ma  
nintɛɛ.”

*Yesu Lape Lekpa Di Kremblate Onwii Wɔ  
Nintayɔ Owo Nɔɔ Okpile Aakyɛ Nwɔ Ni Suoto.*

**21** Ninfɛ di Petro lawa Yesu nfū aabakaale nwɔ  
alɛ, “Saate, nse owo nii kɔbla okpile di suoto nii,  
sesɛ kayɔ nkyɛ nwɔ? Sikuensī εε, sεε lε?”

**22** Ninfɛ di Yesu latɔkɔ nwɔ alɛ, “Diele nkpo!  
Kafɔɔ faayɔ fankye nwɔ afosi akuensī, sikuensī.

**23** “Nle mmle oso Yaa sekɔɔ kalekɔ nte fe ɔka  
wɔ ninkomie ale ablako ni batii nɔɔ ba nikɔblako  
nwɔ ni ɔkpe nkuntaa. **24** Di obe wɔ aanya aakyɛ  
ni kasɔɔ, ni baakpaa osuɔtɔ onwii ninsiko nwɔ ni  
koto kpинwu baawako ɔkyɛ nɔɔ ne. **25** Di obe  
wɔ di osuɔtɔ nwu nkpo nnaa lesalesaa abayɔ  
anta ni koto nwu oso, ɔka nwu nkpo labue alɛ,  
bayɔ nnwɔɔ ku cɔɔfɔɔ ku babi ku lesaa biala  
ninkpe nwɔ basunsu bata koto nwu nkpo.

**26** “Ninfɛ di osuɔtɔ nwu nkpo lapɛ akunkyi  
di ɔka nwu nkpo katũ aatikiti nwɔ lekoto osie  
kanya alɛ, ‘Wɛ otu fateɛ, mata koto nwu nkpo  
kumuū!’ **27** Osuɔtɔ nwu nkpo ɔlaa lakpe ɔka  
nwu nkpo nyaami, nkpo oso aayɔ koto nwu nkpo  
aakyɛ nwɔ, aadie nwɔ aasifi.

**28** “Di osuɔtɔ wɔ mmle ladie aasifi nii, ni aakyɛ  
aalaakyakako kpente wo cɔu wɔ cɔu ninsiko nwɔ  
ni koto kafuii ne. Ninfɛ di osuɔtɔ wɔ mmle

lamufū kpente wo nco nwu nkpo siimu osie kanya aatoko nwɔ ale, 'Teε koto nii ko kumuu fasikoe ni!'

<sup>29</sup> "Ninfé di kpente wo nco nwu nkpo latikití nwɔ lekoto aatoko ale, 'We otu fateε, mata fō koto nwu nkpo komuu!'

<sup>30</sup> "Kafɔɔ aasī, ni aata baakpaa kpente wo nco nwu nkpo baalaate leeyo ale diediki εεta koto nwu nkpo kumuu fie baadie nwɔ. <sup>31</sup> Nkpo oso, obe wɔ di bakpente bamba lanya ni lesaa le di osuɔtɔ nwu nkpo labla nii, suoto ditayɔɔ ma ni baasifi baalaatoko ɔka nwu nkpo lesaa le di osuɔtɔ nwu labla ni feε ne.

<sup>32</sup> "Nkpo oso ɔka nwu nkpo lakpee baalaaleε osuɔtɔ nwu baawako nwɔ ni aatoko nwɔ ale, 'Otii kpile fale. Di obe wɔ faatikiti mi ni lekoto, layɔ koto ko kumuu fasikoe nii lekye fō. <sup>33</sup> Nse nkpo okle dikpe ni afɔɔ fan-yɔ fankyε kpente wo lefɔ nwu fe mmle okle lanya fō ni nyaami ne.' <sup>34</sup> Nni nkpo oso ɔblɔ lafiε ɔka nwu nkpo osie kanya, ni aata ale bakpaa osuɔtɔ nwu nkpo balaate leeyo, baananfi nwɔ kootoko dilaase di obe wɔ εεta ni koto nwu nkpo kumuu."

<sup>35</sup> Ninfé di Yesu layente ɔlaa nwu ale, "Nkpo okle di Teemi wɔ ninkpe ni di osi mabla aye ba ninan-yɔ bikyε ni bafūbanutε wo lee di situ lee kame ne."

## 19

*Yesu Latuo Asaa Aakyeko Sesa Ku Sesɔfɔ Osī Suoto.*

<sup>1</sup> Obe wɔ di Yesu labue selaa se mmle simuu aaloo nii, ninfé aadie di Galilea aasifi Yudea ntεε

nwu di Yordan okle s̄emaa ne. <sup>2</sup> Ni baatii dikudi ninwii kp̄inwu latikanko nw̄o ne, ni aayccosa bamuu l̄ema sifie ninfa ne.

<sup>3</sup> Ninfé di Farisi batii bawo lawa nw̄o ɔkye baabawolaa nw̄o kaanya ne. Ni baakaale nw̄o ale, "Mose kufiofa l̄eta osuku ale osuɔtɔ kafuo ɔsɔfɔ osī di lesaa lele suoto?"

<sup>4</sup> Ni di Yesu ladiki kanya ale, "Biika di Kōkpana Klekle Kukū kame ale, kaasɔ kakyekɔ osuɔtɔ ku ɔsankɔ di Yaa labla? <sup>5</sup> Ninfé di Yaa labue ale, 'Nle mmle oso, osuɔtɔ madie di ote ku ɔya suoto ansifi manko ɔsɔfɔ c̄o n̄u manaabla onwii, banyɔ l̄ema mankple suoto sina sinwii.' <sup>6</sup> Nle mmle oso, baasinle batii banyɔ, kɔfɔ otii onwii nfé bale. Nkpo oso, dinaa ale otii leblasa lesaa le di Yaa nt̄oomufū εεbla ninwii."

<sup>7</sup> Ninfé di Farisi batii nw̄u nkpo lakaale nw̄o ale, "Ni be oso di Mose lata osuku ale, osuɔtɔ kafuo ɔsɔfɔ kusinkū ota ansī nw̄o antɔc̄ ansifi?"

<sup>8</sup> Ni di Yesu ladiki kanya ale, "Mose lata ye osuku ale biasī ɔsankɔ ta otokopī lee oso. Kafɔɔ kaasɔ kayekɔ di Yaa labla ni kayi yi, ditate nkpo.

<sup>9</sup> Kafɔɔ nunua kɔtɔkɔ ye nle, nse osuɔtɔ owo lesī ɔsɔfɔ ninanle asɔnɔ eekpee, eekple εεlaayɔ ɔsankɔ bamba, atookpee asɔnɔ."

<sup>10</sup> Ninfé di Yesu basaateketete latɔkɔ nw̄o ale, "Nse nkpo dite di ɔsa ku ɔsɔfɔ nt̄εε, ni diele ale, baayɔ bawo."

<sup>11</sup> Ni di Yesu latɔkɔ ma ale, "Diele otii lele nimafuo asaa otuo ya mmle ofū, diediki otii wɔ di Yaa leyɔ εεta ni lete. <sup>12</sup> Diekye lesaa le oso di basuɔtɔ bawo nle ni balema nkpe ate ate. Bawo yi, nkpo bεεte beelofo ma ne. Bawo kafɔɔ yi, batii niεbla nkpo. Fiε baawo kafɔɔ mma bamu

niεbla suoto balema, ta Yaa sεka kalekɔ ɔkpε nwu oso. Otii wɔ nimafuo ni nle mmle ɔbla yi, aabla.”

*Batii Lakpaa Babisɔ Baawako Yesu Nfū Aawii Ma Leycc.*

<sup>13</sup> Batii bawo lakpaa babisɔ baawako Yesu Nfū ale atika ma nnεε di suoto aape ɔlaa ata Yaa diisi lema. Kafɔɔ basaateketete lasī ɔlaa baata batii nwu nkpo.

<sup>14</sup> Ninfε di Yesu latɔkɔ basaateketete nwu nkpo ale, “Bita babisɔ bawa ɔkyε nii, bitantūi ma osuku. Diekye batii fε babisɔ ba mmle okle kale ninle Yaa sεka kalekɔ nwu nkpo.” <sup>15</sup> Yesu layɔ kɔnεε aatika ma di suoto aape ɔlaa aata Yaa diisi lema, nni kamaa, ni aasifi aadie ma ne.

*Dibawε Osie Ninta Basaawente Fie Bababuo Yaa Seka Kalekɔ Nwu Nkpo.*

<sup>16</sup> Dii ninwii osuɔtɔ onwii lawa Yesu ɔkyε aabakaale nwɔ ale, “Saatuotε, lemensa biene kabla fie di Yaa kateε nkpa be ninnaa ni kaloo?”

<sup>17</sup> Ninfε di Yesu ladiki kanya ale. “Be oso fɔɔkaalε mi ɔlaa fankye ko lesaa biene ɔbla suoto? Yaa lete ninle otii biene. Nse foome fale fawε nkpa be ninnaa ni kaloo yi, ni faale afiofa nɔɔ nwu nkpo.”

<sup>18</sup> Ni di osuɔtɔ nwu nkpo lakaale nwɔ ale, “Kɔmenfiofa?”

Ni di Yesu latɔkɔ nwɔ ale, “Tanlo otii, tankpee asɔnɔ, tan-yu, tanyila selaa kuafunu kamaa, <sup>19</sup> bu teefɔ ku yaafɔ, bɔmbɔ owo lefɔ, fε mmle okle fambɔmbɔ ni suoto lefɔ.”

**20** Ninfé di okosopo nwu nkpo latókó Yesu ale, “Ntoole afiofa ya mmle amuu. Lesaa lewo lebu kakple mbla ni?”

**21** Yesu latókó nwó ale, “Nse foomie fale fawo nimu yi, tóokyé flaayé asaa ya amuu ninkpe fo ni fasunsú, faayé koto nwu nkpo fata bapiitè, ni fabakple saawénté di Yaa kafa. Nni kamaa, faawa fabatikankoe.”

**22** Obe wó di okosopo nwu nkpo lanu ni ɔlaa wó mmle yi, suoto ditayoɔ̄c nwó, ni aasifi ne. Diekye saawénté aale osie kanya.

**23** Ninfé di Yesu latókó basaateketete noɔ̄ ale, “Nwaako kótkó ye nle, dibawé osie fié di basaawénté makye Yaa sèka kalekó nwu nkpo.

**24** Kokple nse ye létókó kafɔ̄o nle, dieté dieyɔ̄o diéta kapuponkó ale aafe di panie ditue kamé, dilenke ale saawénté kabuo Yaa sèka kalekó nwu nkpo.”

**25** Di obe wó baasaateketete lanu ni ɔlaa wó mmle diate diabla ma ɔkpré. Nkpo oso baakaalé ale, “Ni se nkpo kute mɔ̄, owe nfé babata nkpa be ninnaa ni kaloo?”

**26** Ninfé di Yesu layu ma di anu tuwíi aatókó ma ale, “Otii kuonwii dilabafuo nle mmle ɔbla. Kafɔ̄o Yaa nnwɔ̄c lesalesaa nnaa nwó osie ku ɔbla.”

**27** Ninfé di Petro lakakate aabue ale, “Nyu lo! Buodie lessaa loo biala buɔ̄te butikanko fo. Ni be bubawé?”

**28** Yesu latókó ma ale, “Nwaako kótkó ye nle, nse Otii Obi nwu nkpo lebasie di lèkakpomii noɔ̄ suoto, leeklekle kamé, di kayi fóle ka nikɔ̄wa ni kamé, aye lefosi batii banyo ba nintikankoe nii, ayee bibasié di akakpomii suoto minkanko

Israel batii, lefosi nfaabi nnyo nwu nkpo. <sup>29</sup> Otii lele kafco niedies ayo ee babilema suotobi ee babilema sankobi ee ote ee oya ee babi ee afe eete ta ami oso, abawo nya akyuu kolaifa anlenkeesa bia. Yaa matco kafco nkpa be ninnaa ni kaloo. <sup>30</sup> Kafco batii ba kpinwu ninle ni batunletse, makple bamaakpitse. Bamaakpitse kafco makple batunletse.

## 20

### *Bakpemblate Labla ɔkpε Di Dii Kɔkpento Kanya.*

<sup>1</sup> “Yaa sekə kaleko nte fe nle mmle okle. Obe onwii kame, osuotco onwii lataka ku kolesetu ale, olaamie batii bawo manaabla dii kuffi ɔkpε di awosobi ya mambla ni nta kofe mantoo. <sup>2</sup> Kofe saate nwu nkpo ku bakpente nwu lale ɔkpε nwu koya. Lesonu lawa diatoo ale abata ma dii kɔkpento koto fututu kunwii. Ni aakpaa ma aasifiko kofe nwu nkpo ne.

<sup>3</sup> “Di obe wo diapε ni abombo anaasi, osuotco nwu nkpo lakple aadie aakyε lεkpaka, aalaanya basuotco bawo n-ye ninfa bløbla lesalesaa. <sup>4</sup> Nkpo oso, aatoko ma ale, ‘Aye kafco bitɔɔkyε kofe nii bilaabla ɔkpε, mata ye koto ko niesieko ni ɔkpε nwu.’ <sup>5</sup> Nkpo oso baasifi kofe nwu nkpo.

“Aakple aadie aakyε lεkpaka di abombo lefosi anyo ku abombo atie kame aalaabla nkpo kafco. <sup>6</sup> Ditoobu kekeε di abombo anco kape nii, aakple aadie aakyε lεkpaka, ni aalaanya basuotco bambaa bawo n-ye ninfa. Ni aakaale ma ale, ‘Be niewa fie bielalaasa dii kuffi kumu minambla ɔkpε kuonwii?’

<sup>7</sup> “Ninfe baatokə nwɔ ale, ‘Otii kuonwii diɛwa abayo wo ale bubabla ɔkpe.’

“Ninfe aatokə ma ale, ‘Ni bitɔɔkye kofe nii biɛlaabla ɔkpe.’

<sup>8</sup> “Obe wɔ kɔtɔɔfɔ lawo nii, ni koofe nwu nkpo saate latokə kofe nwu nyunte ale, ‘Lɛɛ bakpente nwu nkpo faata ma koto lɛma. Kyekasə di mba niɛnyente ni ɔwa falaase di bakasale suoto.’

<sup>9</sup> “Ninfe aayo koto fututu ninle ni dii kɔkpento kunwii kunwii aata batii ba niawa ni kɔtɔɔfɔ abombo anɔɔ kamɛ ne. <sup>10</sup> Nioso obe wɔ diadu ni batii ba niasifi ni kofe nwu nkpo ku olese yi, baanyu ale babafū koto manlenkee bawo lɛma. Kafɔɔ mma kafɔɔ koto nwu nkpo fututu kunwii kunwii baafū ne. <sup>11</sup> Di obe wɔ baafū ni koto nwu nkpo yi, baakyako ɔkakate di kofe nwu nkpo saate suoto ale, <sup>12</sup> ‘Batii ba mmle niɛwa ni kofe leyentele, lebombo ninwii lete bɛɛbla ɔkpe. Awo ba niɛbla ni ɔkpe dii nimu, kuufi lepe wo nii, koto nwu kunwii fɛɛta wo!’

<sup>13</sup> “Ninfe di kofe nwu nkpo saate latokə ma ale, ‘Basiewo, binu kasə, nintaffaa ye! Munko ye niele ɔkpe kɔya bienu suoto kasə bile, bibafū dii kɔkpento ninle koto fututu kunwii. <sup>14</sup> Nkpo oso yi, bifū koto lee biɛtɔɔkye leyo. Ami omu ninle kɔta batii yentele ba mmle koto okle lɛta ye nii. <sup>15</sup> Nkpe osuku mblako koto nii ɔkpe mmle okle dile mi nii. Nkpo oso yi, bitanta ɔbli lafiɛ ye di sifutule nii se lɛbla ni suoto.’ ”

<sup>16</sup> Ninfe di Yesu layente ale, “Nioso batii yentele mawa mamale bakasale, bakasale kafɔɔ mawa mamale bayentele.”

*Yesu Lakple Aabue Kukpi Nɔɔ ɔlaa Dii Tiefa.*

**17** Di obe wɔ di Yesu ku basaateketete nɔɔ latoofe ni Yerusalem, aalee ma di ɔlɔkɔ. **18** Ni aatɔkɔ ma ale. “Binu lo! Buofe Yerusalem, nfa babayɔ ami, Otii Obi nwu nkpo mankpee di olebatate banɔɔfo ku kufiofa batuote nneɛɛ kamɛ. Babalo nwɔ kukpi lepɔɔ. **19** Babayɔ nwɔ mankpee di batii ba ninanle ni Yuda batii nneɛɛ kamɛ, babama nwɔ, babare nwɔ, mampɛ nwɔ sibue mankaasa di kowoso suoto. Kafɔɔ di dii tiefa suoto, Yaa masenkesa nwɔ aakyeko bakpi kamɛ, ansie nkpa.”

*Yakobo Ku Yohane Ḍya Lakaale Yesu Ale Akyakaako Babi Nɔɔ.*

**20** Ninfɛ di Sebedeo ɔsɔfɔ lakpaa babi nɔɔ suɔtɔbi banyɔ aawako Yesu nfū, abare akunkyi kaatū nɔɔ aatɔkɔ nwɔ ale, akyakaako ma.

**21** Ninfɛ di Yesu lakaale nwɔ ale, “Be lesaa foomei?”

Ninfɛ di ɔsankɔ nwu nkpo latɔkɔ nwɔ ale, “Komie nle, fabla fatee ale, nse feɛwa sekɔ lefɔ ole yi, babi nii ba mmle banyɔ yi, onwii masie di oletannee kye lefɔ, onwii kafɔɔ masie di komentunne e kye lefɔ.”

**22** Yesu latɔkɔ ma ale, “Bieye lesaa le biɔkaale nii. Bibafuo dibuo le kamanya ni ɔnya?”

Ninfɛ baadiki kanya ale, “Yii, bubafuo.”

**23** Ninfɛ di Yesu latɔkɔ ma ale, “Nwaako, bibafuo. Kafɔɔ nnaa osuku ndiki otii wɔ nimasiɛ ni di oletannee kye nii ku komantu nneɛɛ kye nii. Nsiɛkɔ be mmle nwu nkpo yi, dile batii ba nle di Teemi lelolaa εετε εεta nii.”

**24** Di obe wɔ di basaateketete lefosi bule lanu ni ɔlaa nwu nkpo yi, ɔblɔ lafie ma osie kanya di basuɔtɔbi nwu nkpo banyɔ ninle ni bawo

babilema suoto. <sup>25</sup> Nkpo oso Yesu lales ma aasiisa ni aatoko ma ale, "Biye bile batunlete ba nikole ni sekpa di batii ba ninanfū banu nii, bakpe osie di suoto lema mantuo suoto mankpee ma. <sup>26</sup> Bitanta diate nkpo okle di kamε lee. Nse onwii lee komies ale ale ɔnɔcɔfo kaame lee yi, ni dikpe ni eele kpemblate εεta babule. <sup>27</sup> Nse onwii lee kafɔɔ komies ale ale ɔkasale yi, ni dikpe ni εεbla suoto fe obisɔ εεta babule. <sup>28</sup> Nkpo okle kafɔɔ di Otii Obi nwu nkpo diɛwa ale batii katɔɔbla sekpe mantɔɔtɔɔ ne. Kafɔɔ nnwɔɔ εεwa ale ɔɔbla sekpe anta batii ale aayɔ nkpa nɔɔ kafɔɔ ante kaasɔ andiki batii kpi."

### *Yesu Latikiti Banumbiete Banyɔ Banwii Anu.*

<sup>29</sup> Di obe wɔ di Yesu ku basaateketete nɔɔ ladie di Yeriko baatoosifi nii, batii dikudi kpinwu latikanko ma. <sup>30</sup> Basuɔtɔ banyɔ banwii di anu labie ma ni lasie di osukulɔɔko, ni baanu ale Yesu kɔwaale anfe. Ni baakyako ɔfaa osie kanya baabue ale, "ɔka Dawid Obi ee! Nya wo nyaami!"

<sup>31</sup> Batii dikudi nwu nkpo lasi ɔlaa baata banumbiete nwu nkpo osie kanya ale bamaasa kanya. Kafɔɔ mia nwu nfe baate baafaa osie kanya baabue ale, "Saate loo! ɔka Dawid Obi ee! Nya wo nyaami kyu woo!"

<sup>32</sup> Yesu layila ni aalee ma aawako ɔkye nɔɔ, ni aakaale ma ale, "Be biomie bile mbla nta ye?"

<sup>33</sup> Ninfε baadiki kanya baatoko nwɔ ale, "ɔnɔcɔfo, buomie bulε fata wo butɔɔnya."

**34** Olaa lëma lakpε Yesu nyaami, ni aakpanko ma anu nε. Nfanwu ni baakyako ḡonya nε. Ninfε baatikanko Yesu nε.

## 21

### *Yesu Labuo Yerusalem Fele ḡka Ku Suoto Leyɔɔ.*

**1** Di obe wɔ di Yesu ku basaateketete nɔɔ kɔtεtεe ni Yerusalem, babadu ni Betfage di Nnɔnyi Awoso Kobokote ɔlɔɔkɔ yi, Yesu lakpee basaateketete nɔɔ banyɔ ale balekatū. **2** Ni aatɔkɔ ma ale, “Bitɔɔkyε kakpraayotū ka ninte ye ni siitū kamε, bibanya bɔkεe wɔ ninte ni fe pɔnkɔ antuka ni aatoo beekpee nwɔ okū, diibi kafɔɔ nyε nwɔ ni di ɔlɔɔkɔ. Bidiki nwɔ di okū biɛkpaa ma biwakoe. **3** Nse otii owo lëkaalε ye ɔlaa owo yi, biɛtɔkɔ nwɔ bile, ‘Saate nwu nikomie ma.’ Abakplesa ma kafɔɔ anwako ye nunua.”

**4** Nle mmle lawa kaanya fe mmle okle di Yaa ɔlaa buetεtε onwii labue aate ni ale,

**5** “Bitɔkɔ Sion batii bile,

‘Binyu! ḡka lee kɔwa ɔkyε lee.

Ɛewakosa suoto kasɔ asi di bɔkεe wɔ nintuka ni atoo

ku dibi suoto ɔɔwa.’ ”

**6** Nkpo oso basaateketete banyɔ nwu nkpo, lakyε baalaabla fe mmle okle di Yesu lakpee ma ale balaabla nii. **7** Ni baakyε baalaakpaa bɔkεe wɔ nintuka ni atoo ku dibi nwu nkpo baawako nwɔ nε. Ni baablefesa abula lëma baatika di suoto lëma, ni di Yesu layie aasie ma di suoto nε.

**8** Ni baatii kpinwu di batii dikudi nwu nkpo kamε latɔtaa siwidi baadiki abula lëma baate di osuku suoto. Ni baawo kafɔɔ labudi sɛkaafe baate di

osuku suoto nε. <sup>9</sup> Ninfε di batii dikudi le niale Yesu katũ ku mba niakpi ni sεmaa latɔɔtaa siwidi ale,

“Bitansa ɔka Dawid Obi nwu!  
Yaa lekusəkusesa otii wɔ nikɔwa ni  
di Saate leyooto kame!

Bitansa Yaa!”

<sup>10</sup> Di obe wɔ di Yesu labuo ni Yerusalem, kudu niamu di okpoo omuu. Ni baatii latɔɔkaale ale, “Owe dile?”

<sup>11</sup> Ninfε di batii dikudi nwu nkpo labue ale, “Yaa ɔlaa Buetete Yesu wɔ niekye ni Nasaret di Galilea kasɔ suoto dile!”

### *Yesu Latososa Asaa Basunsute Aadiki Di Yaa Olekatakɔ Kame.*

<sup>12</sup> Yesu lakyε Yaa Olekatakɔ ni aalaatososa batii ba bamuu niatoosunsu ni asaa ku mba niatɔɔya ni asaa ninfa odiki leeyo nwu kame nε. Aatutukusa koto babiεtε siipunu aayu. Aatukusa mba ninsi boosunsu ni ablonuma kafɔɔ akpomii aayu. <sup>13</sup> Ni aatɔkɔ ma ale, “Bεεkpana di Kɔkpana Klekle Kukũ kame ale, ‘Baaleε mi leyo ale ɔlaa ɔpε katakɔ.’ Kafɔɔ aye, bitɔɔyɔ biɛbla bayu kawofakɔ!”

<sup>14</sup> Ninfε di batii bawo lakpaa banumbiεtε ku abafa baawako nwɔ di Yaa Olekatakɔ nwu nkpo nε. Ni di Yesu layɔɔsa ma sifε nε. <sup>15</sup> Obe wɔ di olebatate banɔɔfo ku kufiofa batuote lanya sεkpε se niebla ni ɔkpε aabla nii ku mmle okle di babiɔ latɔɔfaa batoobue di Yaa Olekatakɔ nwu kame ale, “Bitansa ɔka Dawid Obi nwu nkpo” yi, ɔblɔ lafie ma osie kanya.

<sup>16</sup> Nkpo oso baakaale Yesu ale, “Foonu ɔlaa wɔ baabisɔ nwu nkpo kobue ni?”

Ni di Yesu ladiki kanya ale, "Lenu. N-ye kafco  
nle bitoo ka di Kokpana Klekle Kuku kamε ale,  
'Eεεbla babisɔ ku babifɔole ale baayɔ katansa  
ka niewo ni niimu manta fɔ.' "

<sup>17</sup> Di nni nkpo kamaa, Yesu ladie olebatate  
bancofo nwu nkpo ku kufiofa batuote aadie di  
okpoo, aasifi Betania, aalaate nfa.

### *Yesu Lakpaani Kole Woso Kunwii.*

<sup>18</sup> Obe wɔ kaale ntɔɔse nii, di Yesu ntɔɔre  
ankple ansifi ni okpoo ku kuolesetü yi, kɔka  
laklee nwɔ. <sup>19</sup> Ni aanya kolewoso kunwii di  
osukulɔɔkɔ ne, ni aakyε kū ɔlɔɔkɔ ne. Kafco  
atanya lewosobi kuninwii, dilenkee afata lete.  
Nkpo oso aatɔkɔ kowoso nwu nkpo ale, "Diεyɔ di  
miɛ diesifi nii, flabasintika abi diidii." Nfanwu,  
kolewoso nwu nkpo niayɔɔ.

<sup>20</sup> Obe wɔ di basaateketete nwu nkpo lanya  
ni nle mmle, diabla ma ɔkpε osie kanya. Ni  
baakaale ale, "Le diebla fie koolewoso ko mmle  
lefuo ɔyɔɔ nkpo wla?"

<sup>21</sup> Ninfε di Yesu ladiki kanya ale, "Nwaako  
kɔtɔkɔ ye nle, nse biefū bienu siitu lee kamε,  
minanta dibla ye ɔtanfū onu, bibafuo lesaa le  
lebla ni kolewoso ko mmle ɔbla. Diele bia nle  
mmle lete, kafco, bibafuo kobokote ko mmle  
ɔtɔkɔ bile, 'Taka ninfū falaabuo di lekpo kamε,'  
dibawa kaanya. <sup>22</sup> Lesaa lele biεpε ɔlaa biεkaalε  
Yaa di offu onu kamε, bibafū."

### *Baakaale Yesu Nfū Eεwε Osuku Fie Eεbla Ni Asaa Nwu Nkpo Okle.*

<sup>23</sup> Yesu lakple aakyε Yaa Olekatakɔ nwu nkpo.  
Di obe wɔ ootuo ni asaa, ni di Yaa olebatate

bancofo ku okpoo bancofo lawa nwɔ ɔkye babakaale nwɔ ale, “Omensuku fakpe fɔɔbla asaa ya mmle? Owe kafɔɔ nieta fɔ osuku nwu nkpo?”

<sup>24</sup> Ninfé di Yesu ladiki kanya ale, “Bitee nkaale ye ɔlaa onwii, nse biediki kanya yi, ni amii matoko ye osuku wɔ nkpe fie kɔbla ni asaa ya mmle nwu nkpo. <sup>25</sup> ɔfe di Yohane lawe osuku fie aatookpeesa batii Yaa ntu? Yaa nfū kuakye εε, sεε batii nfū kuakye?”

Ninfé baamumufū ɔlaa nwu nimanima baanyu ale, “Be nfé buabue? Nse buobue bulé Yaa nfū kuakye yi, abakaale wo ale, ‘Ni be oso bitafū Yohane bianu mɔ?’ <sup>26</sup> Kafɔɔ nse buobue bulé ‘otii nfū kuakye’ yi, buoyeke bulé batii ba mmle mabla wo lεsaa, diekye bamuu lεma beefū beenu ale Yohane yi, Yaa ɔlaa buetete aale.”

<sup>27</sup> Nioso baatoko Yesu ale, “Buoye.”

Ninfé di Yesu latoko ma ale, “Nkpo okle kafɔɔ di amii, namatoko ye otii wɔ niεtεe ni osuku fie kɔbla ni asaa ya mmle ne.

### *Yesu Latuo Asaa Aakyeko Basɔtɔbi Banyɔ Banwii Niale Ni Bawo Babilema Suoto.*

<sup>28</sup> “Bibu ɔlaa wɔ mmle disi binyu. Osucto onwii lawe babi suɔtɔbi banyɔ banwii. Ni aakyε aalaatoko ɔnɔcɔfo le ale, ‘Obi, kye falaabla ɔkpe koofe nii miε.’

<sup>29</sup> “Ninfé di obi nwu nkpo latoko ote ale, ‘Namafuo ɔkye.’ Kafɔɔ semaa, aakyelensa disibu nɔɔ, ni aakyε ne.

<sup>30</sup> “Ninfé di ote nwu nkpo lakyε obi nyɔɔfa nfū, aalaatoko nwɔ ɔlaa nwu nkpo okle kafɔɔ. Ni aatuna ale, ‘Teete lenu, makyε.’ Kafɔɔ atakyε.

<sup>31</sup> “Di babi ba mmle banyo kamε, owe niabla ote dibiesaa?”

Ninfe baatoko nwɔ ale, “Obi nɔɔfo le nwu nkpo.”

Ninfe di Yesu latoko ma ale, “Nwaako kotoke ye nle, akpooto bafunte ku basɔnɔkpeete makaye Yaa sekə kaleko nwu nkpo obuo. <sup>32</sup> Diekye Yaa Ntu Kpeesate Yohane lawa abatuo ye osuku biene wɔ suoto biafe nii, kafɔɔ bitafū nwɔ bianu. Kafɔɔ akpooto bafunte ku basɔnɔkpeete lafū nwɔ baanu. Kunte bianya nle mmle, biekyisa disibu lee bifū nwɔ binu.”

*Yesu Lape Lekpa Aakyeko Kofe Nyunte Kpile Onwii Suoto.*

<sup>33</sup> Yesu lakple aatoko ma ale, “Bikple binu lekpa bamba. Fekpente onwii lakpe awosobi ya man-yo mambla ni nta kofe, ni aakpee kɔba aakyisa kofe nwu nkpo ne. Aabla leba le manka ni awosobi nwu nkpo mandiki ni nta. Aatofo leba le niataka ni kle, baayila mantoonyu ni kofe nwu. Ninfe aayɔ kofe nwu nkpo aakpee di bakpente banwii nnεε kamε ale batoonyu, ni aadie aasifi osuku ne. <sup>34</sup> Di obe wɔ di awosobi nwu nkpo ɔtεsεbee lawo nii, kofe saate nwu nkpo lakpee bakpemblate nɔɔ ale bakyε kofe nwu banyunte nfū baalaafū kaleko nɔɔ bawako nwɔ.

<sup>35</sup> “Kofe nwu nkpo banyunte lamufū bakpemblate ba mmle, baape onwii, baalo onwii, baasafɔ onwii kafɔɔ afuɔ. <sup>36</sup> Nni sεmaa kofe nwu nkpo saate lakple aakpee bakpemblate bamba niapɔ baalenkee ni bakasale. Kafɔɔ kofe nwu nkpo banyunte lakple baabla mankpo

kaf  o laakpa nwu. <sup>37</sup> L  eyent  le, aakpee ma nnw  o omu n  o obi, aabue ale, ‘Lef   lenu nl   babata obi nii nwu dibu.’

<sup>38</sup> “Kaf  o obe w   di kofe nwu nkpo banyunte lanya ni obi n  o nwu nkpo yi, ni baat  k   bawo ale, ‘Nnya kofe saate obi w   nimale ni atesaa ninle nw   mmle ne. Biwa bieta bulo nw   di atesaa n  o nwu nkpo akple wo ale.’ <sup>39</sup> Nioso baamuf   nw   baafuki baayu di k  ba nwu nkpo semaa, ni baalo nw   ne.”

<sup>40</sup> Nif   di Yesu lakaale ma ale, “Ni, nse kofe nwu nkpo saate lewa m  , be bienyu bile ababla kofe nwu nkpo banyunte?”

<sup>41</sup> Nif   baadiki nw   kanya ale, “Abalo kofe banyunte kpile nwu nkpo an-y   kofe nwu ankpee di bayunte bamba nn  e kame, mba nimat   ni kalek   n  o di nta awosobi nwu nkpo   tes  bee kame di obe kanya.”

<sup>42</sup> Ni di Yesu lakaale ma ale, “Biika di K  kpana Klekle Kuk   kame binya? Beebue ale, ‘Difu   le baayotofot   les   ale diele nii, nni nint  bakple difu   le nief   dilenke ni ne. Saate niebla lesaa kple le mmle.

Nioso diebla wo   kpe osie kanya!’ ”

<sup>43</sup> Nif   di Yesu lat  k   ma ale, “Nkpo oso k  t  k   ye nl  , Yaa maklee sek   kalek   n  o nwu nkpo anf   ye di nn  e kame, an-y   anta batii ba nimabla nw   ni dibiesaa. <sup>44</sup> Otii lele ni  n  c   e  re diifu   le mmle suoto mafefee kukuii kukuii. Kaf  o nse difu   nwu nkpo l  kpa diepe di otii owo suoto yi, abaku   t  uemue.”

<sup>45</sup> Nioso di Olekatak   ban  c  fo ku Farisi batii lanu ni Yesu akpa ya mmle yi, baatofo ale mma

alaka. <sup>46</sup> Nkpo oso baamiε ale boomufū nwɔ. Kafɔɔ baayεke batii dikudi nwu nkpo, diekye batii kpинwu lafū Yesu fεle Yaa ɔlaa buetete.

## 22

### *Yesu Lape Lekpa Di ɔsanko ɔyɔ Dii Ole Suoto.*

<sup>1</sup> Yesu lakple aatuo ma asaa di akpa kamε aabue ale, <sup>2</sup> Yaa sεka kalekɔ nte fe nle mmle. Di obe onwii kamε, ɔka onwii lale ɔsanko ɔyɔ dii aata obi suɔtɔbi nɔɔ. <sup>3</sup> Ni aakpee bakpembla nɔɔ ale bakyε baalaalε batii ba εεkyaka ni di ɔsanko ɔyɔ nwu nkpo dii kalekɔ bawako. Kafɔɔ baasi ale ɔccɔwa.

<sup>4</sup> “Nkpo oso aakple aakpee bakpemblatε bamba ale balaatɔkɔ batii nwu nkpo ale, ‘Dii ole alesaa nwu ntoobe, lelo nankyue suɔtɔ ku obiibii wɔ ninsi ni lεla, lεsaa biala ntoosi. Biwa ɔsanko ɔyɔ dii nwu kalekɔ.’

<sup>5</sup> “Kafɔɔ batii ba baakyakako ni nkpo, kuonwii lεma ditakyɔɔ lεlεs nwu kotoko, baasifi sεkpε lεma mme. Onwii lasifi kofe, onwii kafɔɔ lasifi asaa kasunsukɔ. <sup>6</sup> Bawo kafɔɔ lamufū bakpemblatε nwu nkpo, baare ma, ni baalo ma ne. <sup>7</sup> Oblo lafiε ɔka nwu nkpo osie kanya ni aakyeseekε bakpεtε nɔɔ baakyε baalaalo batii lotε nwu nkpo bamuu, ni baakpee okpoo lεma nwu nkpo ɔtɔ baawɔɔsa nwu ne.

<sup>8</sup> “Ninfe aaleε bakpεntε nɔɔ nwu nkpo aatɔkɔ ma ale, ‘Obi nii ɔsanko ɔyɔ alesaa nwu nkpo ntoosi, kafɔɔ batii ba lekyakako ni diesieko dii nwu nkpo kalekɔ. <sup>9</sup> Nkpo oso nunua yi, bitɔɔkyε akpaka bielaalε batii lele biεnya bile bawa ɔsanko ɔyɔ dii kalekɔ nwu.’ <sup>10</sup> Nioso bakpεntε

nwu nkpo ladie baasifi akpaka baalaale batii ba bamuu baanya nii, babienete ku bakpilete baawako. Nioso ɔsanko kayoko nwu nkpo layii po ku batii.

<sup>11</sup> “Ni di oka nwu nkpo lawa ale ɔɔbaanyu batii ba bɛɛkyakako bɛɛwako ni nfa, ni aanya osueto onwii diekpee ɔsanko ɔyɔ awo. <sup>12</sup> Ni di Oka nwu nkpo lakaale nwɔ ale, ‘Siewo, leyiɛbla fie feewa nfū fanankpee ɔsanko ɔyɔ awo?’ Kafɔɔ osueto nwu nkpo ditafuo kanya odiki.

<sup>13</sup> “Ninfe di oka nwu nkpo latokɔ bakpemblate nɔɔ ale, ‘Binii nwɔ nneɛ ku nkpa a biefuki nwɔ biyu kaayi diitunu nwu nkpo kamɛ. Nfū kaaku owi ku anyeɛ owee nkpe ni.’ ”

<sup>14</sup> Ninfe di Yesu layente ku lekpa le mmle ale, “Yaa leleɛ batii kpi, kafɔɔ, baseɛ eediki kaamɛ.”

### *Yesu Lakakate Di Akpooto ɔta Suoto.*

<sup>15</sup> Farisi batii bawo lakyɛ baalaabla disibu mmle okle baayɔ Yesu omu kanya kamɛ ɔlaa manwe nwɔ nii. <sup>16</sup> Nkpo oso baakpee basaateketete lema bawo ku batii ba nintikanko ni Herode baakyɛ Yesu nfū. Obe wɔ baakyɛ ni ɔkye nɔɔ, baatokɔ nwɔ ale, “Saatuotɛ, buye bulɛ nwaakote fale, fantuo kafɔɔ Yaa ɔlaa nwu ninle ni nwaako ɔlaa, diekye fannyu batii di anu faabla lesaa. Faayɔ nwu ole di batii selaa se mambue ni kafɔɔ. <sup>17</sup> Nkpo oso, tɔkɔ wo disibu lefɔ. Kufiofa loo leta osuku ale buata akpooto munta Roma batii Oka Nɔɔfo εε, sɛɛ dinaa ale buɔta?”

<sup>18</sup> Kafɔɔ Yesu latofo disibu kpile le bakle ni di suoto nɔɔ, nioso aatokɔ ma ale, “Aye anu di anu basaablate! Be oso biewa biowolaa mi

kaanya? <sup>19</sup> Bitεε koto ko min-yo mintɔɔta ni akpooto nwu nkpo ninnyu.” Ninfe baayɔ koto nwu nkpo baawako nwɔ ne.

<sup>20</sup> Ninfe di Yesu lakaale ma ale, “Owe kunyii ku leyooto nintika di koto ko mmle suoto?”

<sup>21</sup> Ninfe baadiki kanya ale, “Oka Kplɛ Kaesare dile.”

Nioso Yesu latɔkɔ ma ale, “Ni biyɔ lessaa le ninle ni Oka Kplɛ Kaesare lele yi, bita Oka Kplɛ Kaesare. Biyɔ lessaa le kafɔɔ ninle ni Yaa lele yi, bita Yaa.”

<sup>22</sup> Obe wɔ baanu ni ɔlaa wɔ mmle yi, diabla ma yaaa, ni baasifi baadie nwɔ ne.

### *Yesu Latuo Asaa Ale Bakpi Makple Mantaka Kuukpi Kame.*

<sup>23</sup> Dii nwu nkpo kale, Saduki batii ba nimbue ale bakpi dilabasintaka bakte ni bakpi kame lawa Yesu nfū. <sup>24</sup> Ni baabatɔkɔ nwɔ ale, “Saatuotε, Mose latɔkɔ wo ale, nse osuɔtɔ owo lekpi eedie ɔsɔfɔ manko nwɔ banaa babi kuban-wi yi, osuɔtɔ nwu nkpo obilema kafuo kpisɔfɔ nwu nkpo ɔyɔ, manko nwɔ manlofo babi. Ni baayɔ babi nwu nkpo mambla fe osuɔtɔ wɔ ninsinaa ni babi. <sup>25</sup> Obe onwii, babilema suɔtɔbi bakuenſi banwii lawe wo kaame ninfū. Ni di ɔnɔɔfo le layɔ ɔsanko batalofo babi, ni aabafe aakpi ne. Ninfe di maatele labayɔ kpisɔfɔ nwu nkpo ne. <sup>26</sup> Lessaa nwu nkpo kafɔɔ labla obilema suɔtɔbi nyɔɔfa nwu nkpo ku otiefa, dialaase di okuensī le suoto. Kuonwii lεma ditalofo ku ɔsanko nwu nkpo fie baakpi. <sup>27</sup> Yεntεyεntε, ɔsanko nwu nkpo kafɔɔ labafe aakpi. <sup>28</sup> Nimɔ, di dii le baakpi makple mantaka nii, owe lεma ɔsɔfɔ

di ɔsanko nwu nkpo male di obe wɔ baakuensĩ lema nwu layɔ nwɔ ni?"

<sup>29</sup> Ninfɛ di Yesu ladiki kanya ale, "Diele nkpo dibate saa. Lenya nle bienu ɔlaa wɔ mmle kasɔ, diekye bieye selaa se ninsi ni die Kɔkpana Klekle Kukũ kame, ee Yaa osie. <sup>30</sup> Diekye di obe wɔ di bakpi mataka nii, babate fε Yaa batɔkyentε di osi, nioso sesa ku sesɔfɔ dilabasinwε. <sup>31</sup> Biika lεsaa le di Yaa labue aatɔkɔ ye ni diekye ni baakpi okple ɔtaka osie nkpa suoto? Aabue ale, <sup>32</sup> 'Ami ninle Abraham Yaa ku Isak Yaa ku Yakob Yaa.' Nle mmle kotuo ale, nnwɔɔ ninle batii ba ninkpe ni nkpa Yaa, diele bakpi Yaa ale."

<sup>33</sup> Di obe wɔ di batii dikudi nwu nkpo lanu ni asaatuo ya mmle yi, diabla ma ɔkpe osie kanya.

### *Yesu Latuo Asaa Di Kufiofa Ko Niefi Kulenke Ni Suoto.*

<sup>34</sup> Di obe wɔ di Farisi batii lanu ale Yesu selaa kanya didikibi lata ale Saduki batii nwu nkpo ditasinfo ni kanya ɔbe yi, baakple baabasi. <sup>35</sup> Ni di onwii kaame lema ninle ni kufiofa tuote lawolaa Yesu kaanya akaale nwɔ ale, <sup>36</sup> "Saatuotε, kɔmɛnfiofa niefi kulenke di Mose afiofa nwu nkpo kame?"

<sup>37</sup> Ninfɛ di Yesu ladiki kanya ale, "Bɔmbɔ Saate Yaa lefɔ ku otu lefɔ omuu, ku ninwuna lefɔ nimuu ku disibụ lefɔ nimuu. <sup>38</sup> Nko mmle ninle kufiofa ko niefi kulenke ni, kule ni kɔkasale ne. <sup>39</sup> Nko niekple kutikanko ni kuodie ni kɔkasale ninle ale, 'Bɔmbɔ owo lefɔ fε mmle okle fambɔmbɔ ni suoto lefɔ.' <sup>40</sup> Afiofa ya mmle anyɔ suoto di Mose kufiofa ku Yaa ɔlaa babuetεtε asaa otuo nkyε ne."

*Owe Ninle Kristo Nwu Nkpo?*

<sup>41</sup> Obe wɔ di Farisi batii bawo lasi ni dikudi, Yesu lakaale ma ale, <sup>42</sup> “Lε ninle ye disibu di Kristo nwu nkpo suoto? Owe leyo kame eekye?”

Ni baadiki kanya ale, “Ọka Dawid leyo kame eekye.”

<sup>43</sup> Ninfé di Yesu lakaale ma ale, “Nse nkpo kute mɔ, ni le diebla fie di Yaa Ninwuna lata Dawid lalesɛ nwo ale Saate? Di Dawid nwu nkpo labue ale,

<sup>44</sup> ‘Yaa latɔkɔ Saate nii ale,  
“Sie di oletanεekye nii ninfū  
dilaase di obe wɔ mayɔ balo lefɔ  
nkpee fɔ ni ninkpaa kalɔ.” ’

<sup>45</sup> Ni nse Dawid lalesɛ Kristo nwu nkpo ale Saate, ni le diebla fie ale Dawid leyo kame obi?” <sup>46</sup> Otii kuonwii kaame lεma ditafuo Yesu ɔlaa nwu nkpo kanya odiki. Diayɔ ni di dii nwu nkpo kamaa, kuonwii ditasinkpee otu aakaale Yesu ɔlaa kuonwii.

## 23

*Yesu Ladiki Kufiofa Batuote Ku Farisi Batii Ọsaabla Kayi.*

<sup>1</sup> Nni nkpo semaa, Yesu lakakate aata batii dikudi nwu nkpo ku basaateketete nɔ. <sup>2</sup> Ninfé aatɔkɔ ma ale, “Kufiofa batuote ku Farisi batii ninle mba bεeta osuku ale baadiki ni Mose kufiofa nwu nkpo kasɔ. <sup>3</sup> Nkpo oso bibla lεsaa lele bεetɔkɔ ye, biemufū biklee osie kanya. Kafɔɔ bitantikanko ọsaabla lεma nkpaamaa, diekye baasi nkpa di asaa ya bootuo ni suoto. <sup>4</sup> Beekpee atoo ya ninkpe ni onutū beetukasa batii diisi ale

batuka. Kaf  o mma bamu bolootuna ale b  c  yo  
bia len  ebi lema ninwii mankyaako batukate  
nwu ale baatuka.

<sup>5</sup> "Mambla lesaa biala baatii kanya ma ni fele  
Yaa bakp  emblate nwaa bale nii. Asaa ya man-  
yu   mannii ni disi ku nn  et   lema lebla blef  e,  
b  ekpana K  kpana Klekle selaa beetika nya di  
suoto. B  ebla kaf  o awu sekpaal   abinte beetika  
di awu lema suoto. <sup>6</sup> Mambomb   osie di nsiek    
kple di dii nlek   ku aba kple osie di Yuda batii  
nsiisak   kame. <sup>7</sup> Mammie ale batii kat  wakaso  
mant  os  esa ma ku dibu laakpaka, mant  ole    
ma kaf  o ale Basaatuote.

<sup>8</sup> "Kaf  o aye baf  banute yi, bitanta baale   ye  
basaatuote, diekye saatuote onwii lete ninkpe  
ye. Aye yi, bawo babilema bile. <sup>9</sup> Bitanlee otii  
kuonwii kaf  o kaayi ka mmle bile Teete, diekye  
Teete onwii lete ninkpe ye di osi. <sup>10</sup> Bitanta  
baale   ye kaf  o ale Batunlete. Diekye otii onwii  
lete ninle ye tunlete, nnw  o ninle Kristo ne.  
<sup>11</sup> Kaame lee, nw   ninle ni oncofo yi, dikpe  
nii eele kp  emblate eeta bayentele. <sup>12</sup> Otii w    
ni  takatesa ni suoto katoo yi, Yaa mawakosa nw    
kas  . Otii w   kaf  o ni  wakosa ni suoto kas   yi,  
Yaa matakatesa nw   katoo.

### *Yesu Lalo Kufiofa Batuote Ku Farisi Batii Ler  o.*

<sup>13</sup> "Biyo  sa, aye kufiofa batuote ku Farisi batii!  
Aye anu di anu basaabblate! Bies  e Yaa sek    
kalek   kayokont   biekpee batii bile batambuo.  
Aye bamu kaf  o bies   bile biloobuo. Biet  i mba  
kaf  o nikokpee ni okyiini ale boobuo ni osuku.  
<sup>14</sup> Biyo  sa aye kufiofa batuote ku Farisi batii!

Aye anu di anu basaablate! Minkyε bakpisɔfɔ nfū bile biɔkyakaako ma, kafɔɔ minkyɔnkyɔ ma minfū ma asaa ninneɛ. Mimpe ɔlaa minklesa kafɔɔ bile biɔyɔ minkyɔnkyɔ ma. Ta nkpo oso letokonanfi lee mate nimpɔ.

**15** “Biycɔsa aye kufiofa batuote ku Farisi batii! Aye anu di anu basaablate! Mintaaɛ lekpo minkyε minkyi kayi aba aba mimmie otii onwii minta Yaa. Nse bitɔɔwe otii nwu bieloo, mintuo nwɔ asaa anlalaa anlenkee bia aye bamu lee senyɔ, ale aakyε kawɔɔ ɔtɔ nwu nkpo kamɛ!

**16** “Biycɔsa aye batunlete ba di anu lebie ni! Mintuo bile, ‘Nse otii lɛka Yaa Olekatakɔ nwu nkpo yi, diebla lɛsalesaa, kafɔɔ nse otii lɛka koto sɛele ko ninte ni di Yaa Olekatakɔ nwu nkpo kamɛ yi, dikpe nii eediki ntam nwu nkpo.’

**17** Banumbiete babuute! Lemɛnle niefi dilenke, koto sɛele nwu εε, sɛɛ Yaa Olekatakɔ ka nieta koto sɛele nwu nkpo nte ni klekle? **18** Biokple mintuo bile, ‘Nse otii owo lɛka oleɔta akyikye nwu nkpo yi, diebla lɛsalesaa. Kafɔɔ nse εɛles oleɔta wɔ nintika ni di oleɔta akyikye nwu nkpo suoto yi, ni dikpe nii eediki ntam nwu nkpo.’

**19** Banumbiete biete bile nwaako! Lemɛnle niefi dilenke, oleɔta nwu εε, sɛɛ oleɔta akyikye ya nieta oleɔta nwu nkpo nte ni klekle? **20** Nkpo oso, nse otii owo lɛleɛ oleɔta akyikye nwu nkpo yi, ni atɔɔles oleɔta akyikye nwu nkpo ku oleɔta wɔ omuu nintika nya ni di suoto. **21** Nse εɛles Yaa Olekatakɔ kafɔɔ yi, ni atɔɔles Yaa Olekatakɔ nwu ku Yaa wɔ ninsi ni ninfa. **22** Nkpo okle kafɔɔ nse otii owo lɛka osi yi, ni atɔɔka Yaa lekakpomii ku Yaa wɔ omu ninsi ni di lekpomii nwu suoto

nε.

<sup>23</sup> “Biyc̄csa aye kufiofa batuotε ku Farisi batii! Aye anu di anu basaablate! Biye mmle okle manta ni apasalebi ku kayee ku abulaa dikyuu lefosile n̄c̄ manta ni Yaa, kaf̄c̄ bies̄i kufiofa asaatuo finle ya ninle ni batii ɔtannyu di anu ku nyaami onya ku ote tinini biεtε. Asaa ya mmle dikaate ale biεka ɔbla fie biεȳc̄ nnya nkpo kaf̄c̄ biεkyakaa ne. <sup>24</sup> Batunlete banumbietε! Mindiki kabɔkɔbii biibii di nta anu, kaf̄c̄ asaa ya mimme ni lemuɔ alenke kapuponko!

<sup>25</sup> “Biyc̄csa aye kufiofa batuotε ku Farisi batii! Aye anu di anu basaablate! Minfoto sipū lee ku awansaa lee s̄emaa klekle, kaf̄c̄ kame ninya leyii p̄o ku lεkρonɔnf̄ fε mmle okle bieyii ni ku dituitafaa ku onumbεbεe. <sup>26</sup> Af̄j Farisi otii numbietε, foto opū lεf̄o kame lekasale, ni s̄emaa kaf̄c̄ makpa.

<sup>27</sup> “Biyc̄csa aye kufiofa batuotε ku Farisi batii! Aye anu di anu basaablate! Bite fε sekya se beekpiitaa ni ku akaaloo siɔlε ni onyu kaayi osie kanya. Kaf̄c̄ kame leyii p̄o ku bakpi buule ku akufi. <sup>28</sup> Nkpo okle kaf̄c̄ biεbla suoto fε batii biene baatii anu ne, kaf̄c̄ kame lee leyii p̄o ku selaa kuafunu ku sikpile.

*Yesu Labue Kufiofa Batuotε Ku Farisi Batii  
Letokonanfi Aate.*

<sup>29</sup> “Biyc̄csa aye kufiofa batuotε ku Farisi batii! Aye anu di anu basaablate! Mimbla sekya biene minta Yaa ɔlaa babuetetε, minlolaa kaf̄c̄ batii ba niesie ni nkpa biene sekya osie kanya. <sup>30</sup> Mimbue kaf̄c̄ bilε, ‘Nse minsie nkpa di bawa lee obe

kame yi, nse biɛbla onwii ku mma bilo Yaa ɔlaa babuetete nwu nkpo.' <sup>31</sup> Kafɔɔ nwaako ɔsaabla lee kodiki kuntuo ale batii ba nialo ni Yaa ɔlaa babuetete nwu nkpo banantii bile. <sup>32</sup> Nkpo oso yi, bibla bikyɛnko, biɛyɛntɛ lesaa le baawa lee lakye ni kasɔ.

<sup>33</sup> "Batii kpile bile! Bite fe basaanwu ku abi! Bienyu bile bibafuo otoso odie di Yaa letokonanfi le abananfi ye ni di ɔtɔ kawɔɔ kame? <sup>34</sup> Nle mmle oso, makyesee ye Yaa ɔlaa babuetete ku banumbente ku kufiofa batuote, bibape bawo minkaasa di kowoso suoto mankpi. Bibape bawo kafɔɔ kowesee di nsiisakɔ lee, mintikanko babamba kafɔɔ mindiki di okpoo minsifiko okpoo bamba kame. <sup>35</sup> Di ɔsaabla wɔ mmle oso, batii ba ninte ni tinini bamuu ntɔ be batooyiwii ni kaasɔ suoto, matika ye diisi. Dibakte kasɔ di otii tinini Abel ntɔ suoto, ninaase di Barakia obi nɔɔ Sakaria wɔ bialo ni di Yaa Olekatakɔ kame ku oleɔta akyikye obo. <sup>36</sup> Nwaako kɔtɔkɔ ye nle, ntɔ be mmle beewii nii letokonanfi mawa di aye ba ninkpe ni nkpa miɛ disi.

### *Kafutu Lanu Yesu Di Yerusalem Suoto.*

<sup>37</sup> "O Yerusalem, Yerusalem, afɔ nialo Yaa ɔlaa babuetete, faasafɔ batii ba kafɔɔ di Yaa lakpee fo ni ɔkye aafuɔ faalo! Obe kpinwu ntoomie nle kosiisa babi lɛfɔ di afoko nii kalɔ fe mmle okle di kɔɔkɔɔbi ɔya nkpaababi ankpee ni di afoko nɔɔ kalɔ, kafɔɔ floonu kasɔ! <sup>38</sup> Ta nle mmle oso, Yaa madiki okpoo wɔ mmle atoko manwɔɔsa nwu. <sup>39</sup> Nwaako kɔtɔkɔ ye nle, biloosinwa mi ɔbanya diediki diɛlaase di obe wɔ biebuɛ bile,

‘Yaa lekusəkusəsa otii wɔ nikɔwa ni di Saate leyooto kamɛ.’ ”

## 24

### *Yesu Labue Ale Bɔɔwa Yuda Batii Olekatako Nwu Nkpo Obie.*

<sup>1</sup> Obe wɔ di Yesu ladie di Yaa Olekatako nwu nkpo ninfa aatoosifi nii, ni di basaateketete nɔɔ lawa ɔkye nɔɔ babatootuo nwɔ Olekatako nwu nkpo ku ayo ninya. <sup>2</sup> Ninfe di Yesu latɔkɔ ma ale, “Bilolaa asaa ya mmle nwu nkpo binyu nwaa. Diekye kɔtɔkɔ ye nle bababie nya amuu, bia difuɔ ku ninwii dilababu ditika di lewo nini suoto ale baasamiisa nya bate kaaso.”

### *Yesu Latɔkɔ Batikankote Nɔɔ Obe Wɔ Babawɛ Ni Dibuo.*

<sup>3</sup> Di obe wɔ di Yesu lasifi aalaasiɛ ni di Nnɔnyi Awoso Kobokote suoto yi, ninfe di basaateketete nɔɔ lawa ɔkye nɔɔ buɛɛ babakaale nwɔ ale, “Tɔkɔ wɔ ɔmɛmbe di asaa ya mmle mawa kaanya? Obe kafɔɔ nimale dituosaa ale fɔɔwa, ni kayi kalookɔ kafɔɔ ntoowo?”

<sup>4</sup> Ninfe di Yesu latɔkɔ ma ale, “Bilolaa binyu nwaa ale otii kuonwii diekyɔnkyɔ ye. <sup>5</sup> Diekye batii kpinwu mayɔ leyooto nii manwa ɔkye lee, mamałɔkɔ ye ale, ‘Ami ninle Kristo nwu!’ Mankyɔnkyɔ batii kpinwu. <sup>6</sup> Bibanu kakpe kudu sɛɛlɔɔkɔ lee ku kakpe selaa fanfa, kafɔɔ bitanta leyɛke lapɛ ye. Dikpe nii, asaa ya mmle okle lewa kafɔɔ dilootuo ale kayi kalookɔ ntoowo. <sup>7</sup> Nnle mataka baawo suoto, sɛka nlekɔ kafɔɔ mataka baawo suoto. Nsɔ matükü di aba aba. Aka siene kafɔɔ makpe di aba aba. <sup>8</sup> Asaa ya mmle

amuu nte fe mmle lεεmε nkye kasø nintoonu ni melakate nintɔɔte nii.

<sup>9</sup> “Di obe nwu nkpo kamε yi, balo lee mata mammufū ye mambla ye amumu, manlo ye bia. Batii bamuu makyidi ye ta ami oso. <sup>10</sup> Di obe nwu kamε yi, batii kpinwu madie ofū onu lema. Babadiki bawo lema manta, makyidi bawo lema kafɔɔ. <sup>11</sup> Balaate Yaa ɔlaa babuetete kpinwu madie makyɔnkyɔ batii kpinwu. <sup>12</sup> Sikpile ɔbla mapɔ osie kanya di batii kamε ale batii kpinwu ditiibɔmbɔ mawa kasø. <sup>13</sup> Kafɔɔ otii wɔ nimakpee otu anaase ni kaayentelekɔ kamawε nkpa be ninnaa ni kaloo. <sup>14</sup> Batii mayie Yaa sekɔ kalekɔ ɔlaa biene nwu nkpo lεkya kaayi kamuu kamε, ale otii biala kawε osuku annu, fie nfe di kayi kaloo nwu nkpo mawa.

*Ditikanko Kple Le Mmle Okle Nimawa Ni  
Lεyεke Nsi Ni Diiwa Diidii.*

<sup>15</sup> “Nse biɛnya abusufɔɔsaa yεkεle ya di Yaa ɔlaa Buεtete Daniel labue aate ni n-yε di Kaklek-lekɔ nwu nkpo yi, ni afɔ wɔ nikɔka ni kukū ko mmle yi, nu kasø nwaa!

<sup>16</sup> “Ni biɛta battii ba ninkpe ni di Yudia batoso basifi abokote osi balaawofa. <sup>17</sup> Otii wɔ kafɔɔ nintika ni di leyo nɔɔ osi, atantɔkɔ ale oosoo anwa amayo lesalesa nɔɔ leeyo kamε ansifiko. <sup>18</sup> Otii wɔ ninkpe ni koofe, atasinkple aatɔkɔ ale oo yie ammayɔ aklesaa nɔɔ leeyo. <sup>19</sup> Di obe nwu nkpo kamε, dibate ninwε osie ninta basanko ba ninlaka ni amε ku mba nikɔta babi nyεεfu nii. <sup>20</sup> Bipe ɔlaa bita Yaa bilε, otoso osifi wɔ mmle nwu nkpo diɛwa di lεwɔɔfɔ obe ee Lεnyεεtseyi

suoto! <sup>21</sup> Diekye dibuo kplε le nimawa ni di obe nwu nkpo kame malenkee nle okle nintowa diebafe ni di obe wɔ kaayi lakyε ni kasɔ diebase ni die mie dii le mmle. Dibuo le mmle okle kafɔɔ dilabasinwa diidii. <sup>22</sup> Kafɔɔ Saate lɛkɔkɔlε ayi nwu nkpo. Se diele nkpo εεbla se otii kuonwii dilababu. Kafɔɔ ta batii nɔɔ ba eediki εeta ni suoto oso, εekɔkɔlε ayi nwu.

<sup>23</sup> “Nioso se otii owo lɛtɔkɔ fɔ ale, ‘Nyu! Nnya Kristo ninfū!’ ee ‘Nyɔɔ ninfa!', tanfū nwɔ faanu. <sup>24</sup> Diekye batii mataka manlaa mambue ale mma ninle Kristo nwu nkpo, bawo kafɔɔ mabue ale Yaa ɔlaa babuetete bale. Bababla sɛkpε se niebla ni sɛkpε ku atuosaa ate ate mantuo ale, nse diale yi, baayɔ mankyɔnkyɔ bia batii ba di Yaa lediki eese ni lete. <sup>25</sup> Binu! Nkpo oso ntoole katũ lɛtɔkɔ ye sɛlaa se mmle fie di obe nwu mawo ne.

<sup>26</sup> “Nse batii lɛtɔkɔ ye ale, ‘Binyu! Akpe di ɔfaafuu' yi, bitankye nfa. Ee nse bɛɛtɔkɔ ye ale, ‘Asi leeyo kame' yi, bitanfū bianu. <sup>27</sup> Diekye Otii Obi nwu nkpo mawa fε mmle okle di kanto mmunaa ankye ni kufī katunkɔ amafe ni kufī kamɛɛkɔ. <sup>28</sup> Nkpo oso bitanyee bile nfū di lɛsaa lekpi dite nii, nfa di alente nsi ne.

### *Asaa Ya Awo Nimatuo Ale Kayi Kalookɔ Ntoowo Nii.*

<sup>29</sup> “Diibuo kplε nwu nkpo kamaa, kufī mata ditunu, kɔwente kafɔɔ dilabapu. Awentlebi kafɔɔ makpa ankye osi, osi asaa kafɔɔ matididi di aba ya atika nii.

<sup>30</sup> “Nfanwu Otii Obi nwu nkpo dituosa makycɔ di osi, kasɔ ka mmle batii bamuu mawi

kaku di obe wɔ baatii manya Otii Obi nwu makyɔɔ ni di alokonkye kame ɔɔwa ku osie kple di leklekle kame. <sup>31</sup> Abata manfe dikyukyoo kple nwu nkpo. Abakesee Yaa batɔkyente nɔɔ di kayi ka mmle nkyakakɔ nwu nkpo nna, mansiisa batii nɔɔ ba eediki ni mankyeko kaasɔ disi le diislase ni diisi le.

*Yesu Latuo Asaa Aakyeko Kolewoso Kunwii Suoto.*

<sup>32</sup> “Bitekete lesaa bikyeko kolewoso suoto. Nse obe wɔ biɛnya bile nfɛ kuodie ni sela fole kuokpee ni afata fole yi, mintofo bile kanto ɔɔcɔbee nfɛ kowo. <sup>33</sup> Nkpo okle kafɔɔ nse bienya asaa ya mmle nkpo amuu yi, bietofo bile Kristo obe nwu nkpo ntɔɔtεεtεε, nfɛ aye di kayokontū. <sup>34</sup> Nwaako kɔtɔko ye nlɛ asaa ya mmle amuu mawa fie di batii ba bamuu ninsi ni nkpa nunua maloo okpi. <sup>35</sup> Osi ku kasɔ mafe, kafɔɔ selaa nii nsī, silabafe diidii.

*Otii Kuonwii Dieye Dii Le Ku Obe Wɔ Di Yesu Makple Anwa Nii.*

<sup>36</sup> “Otii kuonwii dieye dii nwu nkpo ku obe wɔ kame dibale nii. Yaa batɔkyente ba ninkpe ni di osi dieye. Bia Obi nwu nkpo omu dieye, Ote lete ninnye. <sup>37</sup> Otii Obi nwu nkpo ɔwabee mate fe lesaa le niawa ni di Noa obe kame. <sup>38</sup> Di obe nwu nkpo kame fie di kanto labancɔ aayii ni kayi yi, batii latoole baatoonyi. Basanko ku basuɔtɔ latoodiki bawo baatɔɔyɔ. Baatɔɔyɔ bawo kafɔɔ baatɔɔta asa, dialaase di dii le di Noa labuo ni di oklo nwu nkpo kame. <sup>39</sup> Kafɔɔ batatofo lesaa le niatɔɔwa nii, dialaase di obe wɔ di kanto lancɔ

ntu labayo ni bamuu lëma. Nkpo okle dibate nse Otii Obi nwu nkpo lëwa ne. <sup>40</sup> Di obe nwu nkpo kamë, basuëtë banyo matçobla ɔkpë koofe Yaa makpaa onwii andie onwii. <sup>41</sup> Basanko banyo kafçø mawé di nnaafü kakuokø, Yaa makpaa onwii andie onwii.

<sup>42</sup> “Nkpo oso bita anu lee ate kesekese, diekye bieye dii le di Saate lee kamawa nii. <sup>43</sup> Nse fe leyo saate n-ye obe wɔ kamë di yu kamawa nii yi, biye bile atabasië ku anu kesekese ansoko nwɔ. Atabata yu nwu nkpo abie kakɔkakɔ abuo nwɔ leyo kamë. <sup>44</sup> Nkpo okle kafçø dikpe nii biëta anu lee lete kesekese obe lele ne, diekye Otii Obi nwu nkpo kamawa di obe wɔ kamë minoonyu osuku bilë abawa nii.

*Dikpe Nii Kpemblate Lebla Asaa Di Osuku Suoto.*

<sup>45</sup> “Nimɔ owe ninle kpemblate wɔ niebe ni anu ambla ni asaa di osuku suoto? Nnwɔɔ ninle otii wɔ di saate nɔɔ leyɔ nwɔ eese ni di bakpemblate wo nɔɔ kanya ale aata ma ni alesaa di obe kanya ne. <sup>46</sup> Nwaako suoto mate sinyoɔ kpemblate nwu nkpo nse saate nɔɔ lëwa εbanyɔɔ ale ɔɔbla lessaa le aatɔkɔ nwɔ nii. <sup>47</sup> Nwaako kɔtɔkɔ ye nle, saate nwu nkpo mayɔ kpemblate wɔ mmle anse di asaa nɔɔ amuu kanya. <sup>48</sup> Kafçø nse kpemblate kpile ale yi, ababue antɔkɔ suoto ale, ‘Sua! Saate nii dilabawa nunua!’ <sup>49</sup> Nkpo oso abakyé kasɔ antɔɔpε bakpemblate wo nɔɔ nwu nkpo. Nse atɔɔkyako ole, onyi ku batasiente. <sup>50</sup> Nse Saate nwu nkpo nttookple εewa di dii le ku obe wɔ di kpemblate nwu nkpo diloonyu osuku aatɔɔ nii. <sup>51</sup> Saate nwu nkpo mananfi kpemblate nwu nkpo

kootoko osie kanya, anto kalekɔ nɔɔ di anu di anu basaablate kamɛ. Nfa di kaku owi ku anyeɛ owee kamawɛ ne!

## 25

### *Yesu Lape Lekpa Di Kokpeeblebite Lefosi Kowo Suoto.*

<sup>1</sup> “Di obe nwu nkpo kamɛ, Yaa sekə kalekɔ nwu nkpo mate fe mmle okle. Di obe onwii kamɛ, kokpeeblebite lefosi kowo layɔ bakandie lema ale bɔɔlaakyakako ɔkafɔɔsa. <sup>2</sup> Banɔɔ kaame lema lale babuute. Banɔɔ bule kafɔɔ lale banumbente. <sup>3</sup> Babuute nwu nkpo layɔ bakandie lema kafɔɔ bataklee nnɔfɔ kunwii baakyakaa. <sup>4</sup> Kafɔɔ banumbente nwu nkpo mma baabla nnɔfɔ baakpete di asaa kamɛ baakle baata bakandie lema. <sup>5</sup> ɔkafɔɔsa nwu nkpo laklɛ ku ɔwa, nkpo oso kokpeeblebite nwu nkpo lakyako sekyɔsī ɔkpa, ni baakyɔsī ne.

<sup>6</sup> “Nkyentɛɛ fie kuudu ladie ale, ‘ɔkafɔɔsa nwu ntɔbabuo kyu woo! Bidie biwa biɛbakyakako nwɔ!’

<sup>7</sup> “Ninfe di bakpeeblebite lefosi nwu nkpo lataka wla baayiensa bakandie lema ne. <sup>8</sup> Ninfe di babuute nwu nkpo latɔkɔ banumbente nwu nkpo ale, ‘Bitika wo nnɔfɔ lee nwu nkpo nnwo, diekye bakandie loo ba bukle ni nfe konii.’

<sup>9</sup> “Ninfe di banumbente nwu nkpo latɔkɔ ma ale, ‘Oo, nnɔfɔ be bukle ni dilabawo awo ku aye. Nkpo oso bitɔɔkye basunsute nfū bielaaya.’

<sup>10</sup> “Nkpo oso babuute nwu nkpo lasifi nnɔfɔ nwu nkpo kayakɔ. Obe wɔ baasifi ni osifi ni di ɔkafɔɔsa nwu nkpo lawa ne. Ninfe

di kokpeeblebitε kɔnɔɔ ko nialoolaa ni suoto latikanko nwɔ baabuo ɔsankɔ nwu kayɔkɔ nε, ni baasεε leyo nε.

<sup>11</sup> “Nni sɛmma, kokpeeblebitε bulε nwu nkpo kafɔɔ lawa, ni baabue ale, ‘Gucco, Guccfo! Sekete wo buobuo!’

<sup>12</sup> “Ninfe di ɔkafɔɔsa nwu nkpo latɔkɔ ma ale, ‘Oowo! Ninye ye.’ ”

<sup>13</sup> Ninfε di Yesu layente ku lɛkpa nwu ale, “Nkpo oso bita anu lee ate kesekese, diekye bieye dii nwu nkpo ee obe wɔ di Otii Obi nwu mawa nii.

*Dikpe Nii Buololaa Assaa Ya Di Yaa Leyɔ Eekpee  
Wo Ni Di Nneε Kame Buoklee.*

<sup>14</sup> “Di obe nwu nkpo kamε, Yaa sekə kalekɔ nwu kamate fe nle mmle okle. Obe onwii kamε osuɔtɔ onwii lalolaa suoto aatoofe osuku, ni aalee bakpemblate nɔɔ, aayɔ ma aase di assaa nɔɔ kanya nε. <sup>15</sup> Aata obiala lɛma lesaa le aafuo ni okle di osei nɔɔ kanya. Aata onwii koto fututu nkpe nnɔɔ, ɔbamba kafɔɔ aatɔɔ koto nkpe nnɔɔ, ɔbamba kafɔɔ aatɔɔ kakpe kanwii. Ni aadie aasifi osuku nε. <sup>16</sup> Kpemblate wɔ niafū ni koto nkpe nnɔɔ, nfanwu aasifi aalaayo koto nɔɔ aakpee di ɔkpɛ ɔbla kamε aawε koto nkpe nnɔɔ atikasa. <sup>17</sup> Nkpo okle kafɔɔ di kpemblate wɔ niafū ni koto nkpe nnɔɔ lawe koto nkpe nnɔɔ aatikasa nε. <sup>18</sup> Kafɔɔ kpemblate wɔ niafū ni koto kakpe kanwii lasifi aalaakutu kasɔ aayɔ Saate nɔɔ koto aakookaa ninfa.

<sup>19</sup> “Ayi kpinwu sɛmaa, bakpemblate nwu nkpo Saate lɛma lakple aawa aabablako ma koto nwu nkpo nkuntaa. <sup>20</sup> Kpemblate wɔ niafū ni

koto nkpe nnco, layo koto nkpe nnco bamba aakyakaa, ni aabue ale, ‘Onocofo, faatese koto nkpe nnco kafco lewe nkpe nnco bamba letikasa.’

<sup>21</sup> “Ninfé di Saate nco nwu nkpo latoko nwco ale, ‘Oo! Kpemblate biene, feebla lesaa di osuku kanya nwaako! Di obe wo feelolaa feebla, feelolaa koto ko mmle kafuii feekle ni oso yi, mayo fo nse di koto kple kanya. Wa fabasie di suoto leycoco nii kame!’

<sup>22</sup> “Ninfé di kpemblate wo kafco baata ni koto nkpe nnyo lawa ababue ale, ‘Onocofo, faatese koto nkpe nnyo, kafco lewe nkpe nnyo bamba letikasa.’

<sup>23</sup> “Ninfé di Saate nco nwu nkpo latoko nwco ale, ‘Oo! Kpemblate biene, feebla lesaa di osuku kanya nwaako! Di obe wo feelolaa feebla, feelolaa koto koto ko mmle kafuii feekle ni oso yi, mayo fo nse di koto kple kanya. Wa fabasie di suoto leycoco nii kame!’

<sup>24</sup> “Ninfé di kpemblate wo kafco baata ni koto kakpe kanwii lawa ababue ale. ‘Onocofo, n-ye nle fale otii wo di olaa lefo nkpe ni osie, fanfielé ninfu fanankpe nii. Fantese ninfu kafco fanampe ni lesalesaa. <sup>25</sup> Koyeké ni oso, layo koto lefo nwu nkpo lalakutu kasoo layo lakookaa. Nnya lesaa lefo. Fü!’

<sup>26</sup> “Ninfé di Saate nco nwu nkpo latoko nwco ale, ‘Afó kpemblate kpile, fakpe nkyoko lo! Faye fale nfielé ninfu ninankpe ni kowee, ntésé kafco ninfu ninampe ni lesalesaa. <sup>27</sup> Ni be oso fanan-yo koto nii nwu nkpo falaate di koto katoko ale nse lewa kafu koto nwu nkpo nwé lesaa ntikasa?’

**28** “Ninfe di Saate n̄o n̄o nwu nkpo labue ale, ‘Bifū koto nwu nkpo di nn̄e n̄o biεyū bita otii w̄o ninkle ni koto nkpe lefosi.’ **29** Diekye otii w̄o ninkpe ni lesaa yi, nnwɔɔ babakple mankyakaa mampɔɔsa ne. Ale lesaa le ninkpe nw̄o ni kakple nimpo ninlenkee. Kafɔɔ otii w̄o ninnaa ni lessaa yi, keεkeε w̄o bia ninkpe nwu nii yi, babakle manfū nw̄o ninn̄e kame. **30** Kρεmblate w̄o mmle diesinlē ata lesalesaa ɔblako, nkpo oso biyɔ nw̄o bifuki binyu kaayi di ditunu nwu nkpo kame. Nfa abawi kaku anwee anyee ne.

*Otii Obi Nwu Nkpo Nimakanko Batii Bamuu Kaayi.*

**31** “Nse Otii Obi nwu nkpo lewa fe ɔka, di Yaa batɔkyente lemana nw̄o beekyi yi, abasiε di lekakpomii n̄o suoto. **32** Abasiisa nnle mmuu batii di anu n̄o, nse atɔɔse ma ntεe di akyuu anyɔ fe mmle okle di babɔkeεkpate nse ni batie ku bafoso ntεe. **33** Abata batii biene nyila di oletaneεkye n̄o, anta batii kpile kafɔɔ nyila di ɔmetukye n̄o.

**34** “Nse ɔka nwu nkpo ntɔɔtɔkɔ batii ba nin-ye nw̄o ni di oletaneεkye ale, ‘Biwa, aye ninle batii ba di Teemi lewii ni leycɔ n̄e! Biwa biεbasic di sekə kalekɔ nwu nkpo di Yaa lelolaa εeta ye ni, dieyɔ ni di kayi kasɔ kakyekɔ. **35** Diekye di obe w̄o kɔɔka laklee mi nii, biatεe alesaa lale. Obe w̄o di otukɔnɔ laklee mi nii, biatεe ntu lanyi. Obe w̄o kafɔɔ lababuo ye ni kɔfɔɔ, biafū mi ku otu biene. **36** Obe w̄o lakyε ni lekyɔtɔ, biatεe assaa laklee. Obe w̄o latoofie nii, bianyu mi. Obe w̄o kafɔɔ late ni leeyo, biawa biabanyu mi.’

**37** “Nfa nfe di batii biene nwu nkpo makaalə nwɔ ale, ‘Saate, ɔmɛmbe buanya fɔ kɔka laklee fɔ buata fɔ alesaa faale, ee ɔmɛmbe di otukɔnsɔ laklee fɔ buata fɔ ntu faanyi? **38** ɔmɛmbe faabuo wo kɔfɔɔ buafū fɔ ku otu biene, ee faakyε lεkyɔtɔ buata fɔ asaa faaklee? **39** ɔmɛmbe faatoofie buawa buabaseesa fɔ, ee faate leeyo katenkɔ buawa buabanyu fɔ?’

**40** “Nfa nfe di ɔka nwu nkpo madiki kanya ale, ‘Nwaako kɔtɔkɔ ye nle, di obe wɔ biɛnya biebla nle mmle biɛta ni babiloo ba mmle yɛntɛle onwii lema kamaa, ami biebla biɛta.’

**41** “Nfa nfe abatɔkɔ batii ba nin-yε nwɔ ni di ɔmetukyε ale, ‘Bikyε mi di ɔlɔɔkɔ bisifi aye ba di Yaa lεkpaañi ntika ni di suoto! Bitɔɔkyε kawɔɔ ɔtɔ wɔ ninnaa ni kaloo di Yaa lelolaa εɛtε εɛta ni Abonsam ku batɔkyɛntε nɔɔ kamε! **42** Diekye kɔka laklee mi, kafɔɔ bitateɛ alesaa lale. Otukɔnsɔ laklee mi, kafɔɔ bitateɛ ntu lanyi. **43** Labuo ye kɔfɔɔ, kafɔɔ bitafū mi. Lakyε lεkyɔtɔ, bitateɛ assaa laklee. Latoofie bitawa biabaseesɛɛ. Late leeyo kafɔɔ bitawa biabanyu mi.’

**44** “Nfa nfe babakaale nwɔ ale, ‘Saate, ɔmɛmbe buanya fɔ kɔka laklee fɔ, ee otukɔnsɔ laklee fɔ, ee faabuo wo kɔfɔɔ, ee faakyε lεkyɔtɔ, ee faatoofie, ee faate leeyo fie butakyakaako fɔ?’

**45** “Nfa nfe di ɔka nwu matɔkɔ ma ale, ‘Nwaako kɔtɔkɔ ye nle di obe wɔ bitabla dibiene biata ni babiloo ba mmle yɛntɛle yi, ami bitabla biata.’ ”

**46** Yesu layɛntε ale, “Batii ba mmle nwu nkpo masifi dibuo le ninnaa ni kaloo kamε. Batii biene kafɔɔ masifi nkpa be ninnaa ni kaloo kamε.”

## 26

*Yuda Batii Batunlete Lakpee Asi Baawo Ale  
Boolø Yesu.*

<sup>1</sup> Di obe wɔ kamε di Yesu ntooloo ni asaa ya mmle amuu otuo yi, aatɔkɔ basaateketete nɔɔ ale, <sup>2</sup> “Biye bile ditoobu ayi anyɔ bubale ni Okpi Diisi Ofe Dii nwu nkpo. Babayɔ Otii Obi nwu nkpo manta mampe mankaasa di kowoso suoto.”

<sup>3</sup> Ninfε di olebatate banɔɔfo ku okpoo banɔɔfo balaasi di Oletate Nɔɔfo Kaifa leyo ne. <sup>4</sup> Ni baalaabla disibu mmle okle babamufū ni Yesu di ləwofa kamε manlo nwɔ ni ne. <sup>5</sup> Ni baabue baatɔkɔ bawo ale, “Ditanwa ale buɔbla lesaa le mmle di ayi ya buole ni kamε. Se diele nkpo, batii manya ɔblɔ mantaka wo di suoto.”

*ɔsankɔ Onwii Lakpete Nnɔnyi Kɔnɔkɔnɔ  
Nnwii Di Yesu Suoto Di Betania.*

<sup>6</sup> Di obe nwu nkpo kamε yi, Yesu lakyε Simon wɔ niafie ni ofie sεele leyo di Betania. <sup>7</sup> Yesu lawε di Betania okpoo die Simon wɔ niafie ni ofie sεele leyo. ɔbe wɔ di Yesu lasie aatoole ni alesaa, ɔsankɔ onwii lawa nfa. Aaklee difuɔ kylɔkylɔ lebo ninwii di nnɔnyi kɔnɔkɔnɔ be niefū ni kɔya osie kanya lasie ni kaame. Ni aanyeeñe nnɔnyi nwu nkpo aakpete di Yesu disi ne.

<sup>8</sup> Obe wɔ baasaateketete nɔɔ lanya ni nle mmle yi, ditaayɔɔ ma kafutu, ni baakaale ale, “Be lesaa oso εεlalaasa nnɔnyi be mmle, nkpo okle? <sup>9</sup> Baafuo nnɔnyi be mmle osunsũ ku kɔya kplε, man-yɔ koto nwu nkpo manta bapiitε fie!”

<sup>10</sup> Yesu lanu ɔlaa wɔ baatoobue nii, ni aatɔkɔ ma ale, “Be oso biokpee ɔsankɔ wɔ mmle kubue?”

Lesaa biene ninle nle mmle εεbla εετεε nii ne.  
**11** Bapiite nsi ye kaame obe lele. Kafɔɔ ami, diele obe lele kamawε ye kaamε. **12** Nnɔnyi be mmle di ɔsanko wɔ mmle leyo eekpete mi ni di suoto yi, ololaa eelolaa mi εεta okookaabε nii. **13** Nwaako kɔtɔkɔ ye nle, kako lele beeyie ɔlaa biene wɔ mmle lεkya di kayi ka mmle kame yi, lesaa le di ɔsanko wɔ mmle lebla nii, bababue nwu man-yɔ manyuma nwɔ.”

*Yuda Iskariot Latuna Aafū Koto Aadiki Yesu Aata.*

**14** Ninfe di basaateketete lefosi banyɔ nwu nkpo onwii lema wɔ baatɔlεes ni Yuda Iskariot ladie aasifi olebatate banɔɔfo nfū ne. **15** Ni aalaakaale ma ale, “Be bibateε nse lediki Yesu leta ye?” Ninfe baaka koto fututu afosi atie baatɔɔ ne. **16** Diayɔ di obe nwu nkpo kame diasifi nii, Yuda latoomie osuku wɔ suoto abafe andiki Yesu anta nii.

*Yesu Ku Basaateketete Nɔɔ Lale Okpi Diisi Ofe Dii Alesaa Nwu Nkpo.*

**17** Die Bloblo wɔ Ninantaka ni Dii ole kame, di dii kasale suoto yi, basaateketete nwu nkpo lawa Yesu nfū babakaale nwɔ ale, “ɔfe foomie falε bulaawa Okpi Diisi Ofe Dii ole alesaa nwu buta fɔ?”

**18** Ni aakpee ma osuɔtɔ onwii nfū aatɔkɔ ma ale, “Bitɔɔkyε okpoo kame biɛlaatɔkɔ nwɔ bile, ‘Saatuote ale, “Obe nii ntoowo. Ami ku basaateketete nii, leyo lefɔ bubale Okpi Diisi Ofe alesaa nwu nkpo.” ’ ” **19** Nkpo oso basaateketete nwu nkpo labla fε mmle okle di Yesu latɔkɔ ma

nii, baalaawa Okpi Diisi Ofe alesaa nwu nkpo baase.

<sup>20</sup> Di obe wɔ kɔtɔfɔ lawo nii, Yesu ku basaateketete cɔn lefosi batii banyɔ nwu nkpo lasiɛ kaasɔ ale boole alesaa. <sup>21</sup> Obe wɔ boole ni alesaa nwu nkpo, Yesu latɔkɔ ma ale, "Nwaako kɔtɔkɔ ye nle otii onwii kaame lee madiki mi anta."

<sup>22</sup> Olaa nwu nkpo lakpanko basaateketete nwu nkpo di otu kame osie kanya ni baakyako nwɔ ɔkaalɛ onwii onwii ale, "Saate, nwaa n-ye nle diele ami falaka, sɛɛ ami dile?"

<sup>23</sup> Ninfɛ di Yesu ladiki kanya ale, "Otii wɔ niekpee ni kɔnɛɛ kaasefɛ ku ami, nimadiki mi anta. <sup>24</sup> Ami, Otii Obi nwu nkpo, makpi fɛ mmle okle di Kɔkpana Klekle Kukū labue nii. Kafɔɔ otii wɔ nimadiki ami, Otii Obi nwu nkpo, anta nii, ayɔɔsa. Nse bia batanlofo nwɔ, nse dile nwɔ dilenke!"

<sup>25</sup> Ninfɛ di Yuda wɔ niadiki nwɔ aata ni kafɔɔ lakaale nwɔ ale, "Saatuotɛ, nwaa n-ye nle diele ami falaka, sɛɛ ami dile?"

Ninfɛ di Yesu latɔkɔ nwɔ ale, "Nnwu fatoobue nɛ."

### *Baale Kɔtɔfɔ Alesaa Ya Nikotuo Ni Yaa Kanya Ninii Fɔle Nwu.*

<sup>26</sup> Di obe wɔ di Yesu ku basaateketete cɔn nsi boole ni alesaa yi, ni aayɔ bloblo ne. Ni aapɛ Yaa sɛfa, aafee nwɔ, aayɔ aata basaateketete cɔn, aatɔkɔ ma ale, "Bifū bile. Nle mmle ninle suoto nii sina ne."

<sup>27</sup> Ninfɛ aayɔ opū, ni aapɛ Yaa sɛfa, aayɔ aata ma aabue ale, "Bamuu lee bifū binyi. <sup>28</sup> Nle mmle ninle ntɔ nii be bɛeyɔ beese ni kaanya di

Yaa kanya ninii le eenii ni ku batii nε. Beewii mi kaaso di batii kpinwu disi ale Yaa kayo sikpile lema ankye ma. <sup>29</sup> Nwaako kotoke ye nle, namasinnyi nta be mmle okle diidii dielaase di dii le di ami ku aye bubanyi ni nta fole di Teemi seka kaleko nwu nkpo kame.”

<sup>30</sup> Ninfε baasa onu onwii baatansa Yaa, ni baadie baasifi Nnonyi Awoso Kobokote suoto nε.

### *Yesu Labue Aate Ale Petro Masī Nwɔ.*

<sup>31</sup> Nfa nfe di Yesu latoko basaateketete noo ale, “Miε kakye yi, bamuu lee bibatoso mindie mi nimbu lete nii. Diekye Kekpana Klekle Kukū labue ale,

‘Yaa malo bafosokpate nwu nkpo  
se bafoso nwu bamuu ntɔɔsamii.’

<sup>32</sup> Kafco nse beekple beesenkeseε beewako nkpa kame yi, male ye katū nsifi Galilea.”

<sup>33</sup> Ninfε di Petro latoko Yesu ale, “Mintε bawo nii bamuu matoso mandie fo yi, ami diidii namatoso ndie fɔ!”

<sup>34</sup> Ninfε di Yesu latoko Petro ale, “Nwaako kotoke fo nle, kakye ka mmle fie di koeko mabo nii, fababue sitie simu fale faaye mi.”

<sup>35</sup> Petro ladiki kanya ale, “Nse bia olo ale booloe munko fo yi, diidii namabue nle ninye fo.” Basaateketete bule bamuu kafco labue nkpo.

### *Yesu Lape ɔlaa Aata Yaa Di Leba Le Booleε Getsemane.*

<sup>36</sup> Nfa nfe di Yesu ku basaateketete noo nwu nkpo lasifi leba le booleε ni Getsemane. Ni aatoko ma ale, “Bisiε ninfu ninkyε situ naape ɔlaa nta Yaa.” <sup>37</sup> Ni aakpaa Petro ku Sebedeo babi banyo nwu nkpo aakyakaa di suoto nε. Ditakle

ni aabuo nyaami, aakyako otütükü di suoto nōo kame nε. <sup>38</sup> Ni aatōkō ma ale, “Konu dibuo di otu nii kame osie kanya fele kukpi ninkle mi. Aye bisie ninfū bietoonyunkoe.”

<sup>39</sup> Ninfē aakyē sitū keke nε, ni aapē akunkyi aafuusa anu kaasō aapē ɔlaa ale, “Teete, nse diaale yi, faata dibuo opū wō mmle nwu nkpo kufe mi. Kafōō diele mmle okle komis nii, kafōō bla di dibiesaa lefō suoto.”

<sup>40</sup> Ni aakple aawa basaateketete nōo batie nwu nkpo nfū nε, aabanya ma baatōokyōsī. Ninfē aakaale Petro ale, “Ni bilaafuo osie otoonyunkoe lebombo ninwii pε? <sup>41</sup> Bita anu lee ate kesekese biεpē ɔlaa bita Yaa ale bilaabuo di ɔso onyu kame. Ninwuna komis ɔbla, kafōō suoto sina nnāa osie.”

<sup>42</sup> Nni semaa Yesu lakple aasifi lenyōofa aalaape ɔlaa aata Yaa ale, “Teete, nse dibuo le mmle dilabawaale mi dife, dikaate ale lefe ni kaamε, dile fō dibiesaa yi, faata diwa kaanya.”

<sup>43</sup> Obe wō aakple aawa ni basaateketete nōo nwu nkpo nfū, aabanya ma baatōokyōsī, batafuo bia anu otikiti. <sup>44</sup> Yesu lakple aadie ma aate, aasifi aalaape ɔlaa aata Yaa ditiefa aabue selaa se okle aabue abafe nii.

<sup>45</sup> Ninfē aakple aawa basaateketete nōo nwu nkpo nfū, aabakaale ma ale, “Sekyōsī biokyōsī mintε ɔnyεε nkpo nε? Binyu! Obe nwu ntoowo ale baayo ami Otii Obi nwu nkpo mankpee di bakpileblate nneε kame. <sup>46</sup> Bitaka buosifi. Binyu, otii wō nikodiki mi anta ni ntōcteeεε.”

*Yuda Batii Banɔɔfo Lamufū Yesu.*

**47** Yesu lakple aayila aatɔɔkakate ko ma fie di Yuda wɔ ninle ni lefosi batii banyɔ nwu nkpo onwii lɛma lawa. Batii dikudi le di olebatatɛ banɔɔfo ku kufiofa batuotɛ ku okpoo banɔɔfo ladiki ni latikanko nwɔ baatɔɔwa. Baaklee nwosoku ku mpamii. **48** Otii wɔ niadiki Yesu aata ni latɔkɔ ma aate ale, “Otii wɔ kamaminiko mbla ni atuu yi, nnwɔɔ ninle nwɔ biowolaa ni ne. Biemufū nwɔ.” **49** Di Yuda lanya ni Yesu, ni aakyɛ ɔkye nɔɔ aalaatɔkɔ nwɔ ale, “Saatuotɛ, atoko ɔkye ole disieko fo.” Ninfɛ aaminiko nwɔ aabla nwɔ aattuu ne.

**50** Ninfɛ di Yesu ladiki kanya ale, “Siewo, lɛsaa le oso fɛewa ni ta dipesewa!”

Ninfɛ di batii nwu nkpo ladie baawa Yesu nfū, ni baamufū nwɔ, baakle kpinkpī ne. **51** Ni baatii ba niawɛ ni di Yesu ɔkye, onwii lɛma ladiki kapamii nɔɔ di kotofo kamɛ aasafɔ Oletate Nɔɔfo kpɛmblate kotoko aakpa ne.

**52** Ninfɛ di Yesu latɔkɔ nwɔ ale, “Kplesa kapamii lefɔ fakpee ninfū feediki ni. Batii ba niɛyɔ ni kapamii yi, kapamii kanya manka. **53** Sɛɛ bieye bile kafuo Teemi ɔlɛɛ nkaale lekyakaako, nfanwu ankyesee mi batɔkyɛntɛ nɔɔ ba ninkpe ni kaatoo, mba ninlenke akudi lefosi anyɔ? **54** Kafɔɔ nse bɛewabebakyakaakoe, ni lɛyibabla fie di ɔlaa wɔ Kɔɔkpana Klekle Kukũ lebuɛ εεtɛ ale diawa ni, kawa kaanya?”

**55** Nni kamaa, ni di Yesu lamunikii aakaalɛ batii dikudi nwu nkpo ale, “Be oso di mpamii ku nwosoku bikel biɛwa mi omufū fɛle kpileblate nɔɔfo nle? Lasie di Yaa Olekatakɔ nwu nkpo dii biala latuo batii asaa, kafɔɔ bitatɔkɔ bile

biomufū mi. <sup>56</sup> Asaa ya mmle amuu lewa kaanya ale diata ale selaa se di Yaa ɔlaa babuetete lakpana ni di Kókpana Klekle Kukū kame kawa kaanya.” Ninfé di basaateketete nōc bamuu latoso baadie nwō ne.

### *Baakanko Yesu Di Yuda Batii Kankankó Kple.*

<sup>57</sup> Ninfé di batii ba niamufū ni Yesu lakpaa nwō baasifiko Oletate Nōcfo Kaifa leyo ne, nfū di kufiofa batuote ku okpoo banɔɔfo lasi nii. <sup>58</sup> Petro latikanko nwō sɛɛmaa fanfa aalaabuo Yaa Oletate Nōcfo nwu leyo kaflɔnko di bawo kalɛɛkɔ. Aakyɛ aalaasis di asaa banyunte ɔlɔɔkɔ aatoonyu mmle okle di ɔsaabla nwu nkpo mate kunfe nii.

<sup>59</sup> Olebatate banɔɔfo ku bakante nwu nkpo niawɛ ni ninfa bamuu lamiɛ ale boobudi kanya mantika di Yesu suoto mmle okle baafuo nwō ni olo. <sup>60</sup> Kafɔɔ batawɛ ɔlaa kuonwii di suoto nōc, nu batii kpинwu ladie baabudi nwō kanya.

Leyentele, batii banyɔ banwii ladie, <sup>61</sup> bababue ale, “Otii wɔ mmle labue ale, ‘Kamabie Yaa Olekatakɔ ka mmle, ninni kamaa, mayɔ ayi atie nse ni letofo.’ ”

<sup>62</sup> Ninfé di Oletate ɔnɔɔfo lataka aayila aakaale Yesu ale, “Feenu ɔlaa wɔ beebeue ni di suoto lefɔ? ɔmenlaa ninkpe fɔ fambeue?” <sup>63</sup> Kafɔɔ Yesu lamaasa kanya, atabue ɔlaa kuonwii.

Ninfé di Oletate Nōcfo lakple aatɔkɔ nwō ale, “Lɛka Yaa wɔ ninkpe ni nkpa lekpete fɔ nlɛ tɔkɔwo, nse afɔ ninle Kristo nwu nkpo, Yaa wɔ ninkpe ni nkpa Obi.”

<sup>64</sup> Ninfé di Yesu ladiki kanya ale, “Ee! Nwu fatoobue fe mmle kute ni ne. Kafɔɔ kɔtɔkɔ ye

nlε, diεyε di nua diesifi nii, bibanya Otii Obi nwu nkpo nsi di Yaa wɔ ninlenke ni oletanεεkyε. Bibanyɔɔ kafɔɔ eekye osi ɔɔwa di alokonkyε kamε!”

<sup>65</sup> Obe wɔ di Oletate Nɔɔfo lanu ni ɔlaa wɔ mmle, ni aabe awu nɔɔ aabue ale, “Bienu! Ebue mbusuo ɔlaa! Diesinfī ale otii kuonwii kayila ɔlaa owo kamaa! <sup>66</sup> Le bienya?”

Ni baamuu lema baadiki kanya ale, “Eekpi lepɔɔ, dikpe ni eekpi!”

<sup>67</sup> Ninfe baatufa sita baakpete nwɔ di anu, ni baape nwɔ ne. Bawo kafɔɔ lape nwɔ nnεε di atokosi. <sup>68</sup> Ni baakaale nwɔ ale, “Afɔɔ ninle Kristo nwu ne? Tɔkɔ wo, otii wo niεre fɔ ni!”

### *Petro Lasī Yesu Aalaa Aabue Ale Aaye Nwɔ.*

<sup>69</sup> Kafɔɔ Petro lasie kaayi di leyo nwu kaflɔnκɔ fie di Olebatate ɔnɔɔfo kpemblate ɔsankobi on-wii lawa abatɔkɔ nwɔ ale, “Afɔɔ fatikanko Yesu wɔ niekye ni Galilea kasɔ!”

<sup>70</sup> Kafɔɔ Petro lasī di batii nwu nkpo bamuu anu aabue ale, “Ninje ɔlaa kuonwii nkyeko ɔlaa wɔ foobue ni suoto.”

<sup>71</sup> Ninfe aadie aalaayila di kaflɔnκɔ nwu nkpo kayokontū ne. Ninfe di kpemblate ɔsankobi bamba lanya Petro, ni aatɔkɔ basuɔtɔ ba niayila ni ninfa ale, “Osuɔtɔ wɔ mmle kafɔɔ latikanko Yesu Nasaret Otii nwu nkpo.”

<sup>72</sup> Ninfe di Petro lakple aasī aaka di asaa aabue ale, “Ninje osuɔtɔ nwu nkpo kama!”

<sup>73</sup> Ditakle saa, ni di basuɔtɔ ba niayila ni ninfa lawa Petro nfū babatɔkɔ nwɔ ale, “Nwaako, afɔɔ, onwii lema fale. Diekye mmle okle fɔɔkakate nii, ditoodiki dietuo klekle.”

<sup>74</sup> Ninfé di Petro labue ale, "Léka nlé nwaako kobue! Yaa ananfi mi kootoko nse ɔlaa kólaa! Ninye osuɔtɔ wɔ mmle."

Nfanwu, ni di kɔɔkɔ labo ne. <sup>75</sup> Ninfé di Petro lanyuma ale Yesu latɔkɔ nwɔ ale, "Fie di kɔɔkɔ mabo nii, fabasí mi sitie fambue fale, faaye mi." Nkpo oso aadie aasifi kayi aalaawi kaku osie kanya.

## 27

*Yuda Banɔɔfotii Lakpaa Yesu Baakyenkyo Pilato Nfū.*

<sup>1</sup> Kaleesé ku kolesetü, olebatate ku okpoo banɔɔfo bamuu, baabla disibu ale babalo Yesu. <sup>2</sup> Bapɛ nwɔ lekpo ni baakpaa nwɔ baalaakpee di Roma Abaa Nɔɔfo Pilato nnɛe kamɛ ne.

*Yuda Lalo Suoto.*

<sup>3</sup> Obe wɔ di Yuda wɔ niadiki Yesu aata ni lanu ale beelo nwɔ ni kukpi lepɔɔ, diabuo nwɔ suoto osie kanya. Nioso aakplesa koto fututu afosi atie nwu nkpo aakyenkyo olebatate banɔɔfo ku okpoo banɔɔfo nwu nkpo. <sup>4</sup> Ni aatɔkɔ ma ale, "Lebla okpile di obe wɔ lediki otii wɔ ninambla ni okpile leta nlé balo nii."

Ni baatɔkɔ nwɔ ale, "Nnwu nkpo diekaako wo. ɔlaa lefɔ kule!"

<sup>5</sup> Ninfé di Yuda layɔ koto nwu nkpo aawii di Yaa Olekatakɔ nwu nkpo ninfa, ni aasifi aalaakpee suoto okū ne.

<sup>6</sup> Ni di olebatate banɔɔfo nwu nkpo lakyɛ baalaasesee koto nwu nkpo ni babue ale, "Yinaa ale buɔyɔ koto ko mmle buɔkpotɔɔsa di nko ninte ni di Yaa Olekatakɔ ləlakaa kamɛ, diekye

otii ntɔ koto kule. Kufiofa loo kafɔɔ diɛta osuku.”<sup>7</sup> Di obe wɔ baakpee ni asi baawo, baatuna ale babayo koto nwu nkpo man-ya dibukii blate kasɔ, nfa kafɔɔ babatookookaa bafɔɔ ne. <sup>8</sup> Nle mmle oso, bia mie bɔɔlɛɛ kasɔ nwu nkpo ale Ntɔ Kasɔ ne. <sup>9</sup> Nioso ɔlaa wɔ di Yaa ɔlaabuetetɛ Yeremia labue aate ni lawa kaanya nwaako. Aabue ale, “Baayo koto fututu afosi atie ko di Israel batii latuna ale baata ni diisi noɔ, <sup>10</sup> baaya dibukii blate kasɔ fe mmle di Saate latɔkɔ mi nii.”

### *Pilato Lakaale Yesu Selaa.*

<sup>11</sup> Baakpaa Yesu baalaase di Roma batii abaa ɔnɔɔfo Pilato anu. Ni aakaale nwɔ ale, “Afɔ ninle Yuda batii ɔka nwu ne?”

Ninfe di Yesu ladiki kanya ale, “Nnwu fatoobue ne.”

<sup>12</sup> Kafɔɔ obe wɔ di olebatate banɔɔfo ku okpoo banɔɔfo nwu nkpo layila baatoobudi nwɔ ni kanya yi, Yesu ditakpee ma kanya. <sup>13</sup> Ninfe di Pilato lakaale nwɔ ale, “Ni floonu selaa se boobue mantika fɔ ni di suoto?” <sup>14</sup> Kafɔɔ Yesu lasi atabɛ kanya adiki ɔlaa kuonwii kanya. Nioso diabla abaa noɔfo nwu nkpo ɔkpe.

### *Pilato Lalo Yesu Kukpi Lepɔɔ.*

<sup>15</sup> Di Okpi Diisi Ofe Dii ole biala yi, Roma batii abaa ɔnɔɔfo wɔ mmle ndie Yuda batii leyo batentɛ lele baatii nwu lɛkaalɛ ni anta ma. <sup>16</sup> Di obe nwu nkpo kame yi, leyo tentɛ onwii lawe ma baatii n-ye nwɔ ni osie kanya ta ɔsaabla noɔ lalaale oso. Baatɔɔlɛɛ nwɔ Baraba. <sup>17</sup> Nioso obe wɔ baatii dikudi labasi nii, Pilato lakaale ma ale, “Owe biomie bile ndie nta ye? Baraba εε, sse Yesu wɔ bɔɔlɛɛ ni Kristo?” <sup>18</sup> Aakaale ma ɔlaa

nwu nkpo diekye aatofo ale onunseえ kanya oso di Yuda bancoつotii lakpaa Yesu baawako nwɔ.

<sup>19</sup> Di obe wɔ di Pilato lawe ni di kakanko, ɔsɔfɔ lakpee nwɔ otii ale, "Diki nneえ lefɔ di otii wɔ ninambla ni okpile ɔlaa kame. Diekye kɔsa kukakyε, die alaafɔ nii kame, diabuo mi ta nnwɔoso."

<sup>20</sup> Kafɔ olebatate bancofo ku okpoo bancofo nwu nkpo lakpee batii dikudi nwu nkpo ɔtɔ ale, baakaale Pilato ale adie Baraba ata ma, aalo Yesu.

<sup>21</sup> Ninfe di Pilato lakaale batii dikudi nwu nkpo ale, "Batii ba mmle banyɔ, ɔmenle lema biomie bile ndie nta ye?"

Ninfe baadiki kanya ale, "Baraba!"

<sup>22</sup> Ni di Pilato lakple aakaale ma ale, "Obe biomie bile mbla Yesu wɔ manleえ ni Kristo nwu?"

Ninfe di bamuu lema baakyako ɔfaa obue ale, "Pε nwɔ sibue fakaasa koowoso suoto ne!"

<sup>23</sup> Kafɔ Pilato lakple aakaale ma ale, "ɔmenkpile εεbla fie?"

Kafɔ mia nfe baakple baatoつfaa osie kanya baatoobue ale, "Pε nwɔ sibue fakaasa koowoso suoto ne!"

<sup>24</sup> Di obe wɔ di Pilato lanya ale ɔlobasinfuo ni lele kuniwii ɔbla, kafɔ kudu nfe nimadie ni yi, ni aayɔ ntu, aafoto nnese nɔɔ di batii nwu nkpo dikudi anu, aabue ale, "Nnese nii diesi di osuɔtɔ wɔ mmle kukpi kame lo! Oleye kule lo!"

<sup>25</sup> Ninfe di batii dikudi nwu nkpo bamuu labue ale, "Kukpi nɔɔ lekpaani ditika di awo ku babiloo disi!"

<sup>26</sup> Ninfe di Pilato ladie Baraba aata ma ne. Kafɔ obe wɔ aata baape Yesu ku mpile baaloo

nii, ni aayɔ nwɔ aakpee ma ninnɛɛ ale balaapɛ nwɔ bakaasa di kowosa suoto ne.

*Roma Batii Bakpete Nwu Nkpo, Lakpee Yesu Sinunso.*

<sup>27</sup> Ninfɛ di Pilato bakpete nɔɔ nwu nkpo lakpaa Yesu baasifiko abaa nwu kaflɔnko, ninfɛ di bakpete nwu nkpo bamuu lamana nwɔ baakyi ne. <sup>28</sup> Ninfɛ baaklee nwɔ akpeele baadiki di suoto, ni baayɔ awu sɛele ya niefū ni kɔya wua baakpa nwɔ ne. <sup>29</sup> Ni baabla sekansi lækakoto baatükūssɔɔ ne. Ninfɛ baayɔ ɔkyenwoso onwii baakleesɔɔ di koletanɛɛ nɔɔ ne. Ninfɛ baapɛ akunkyi kaatū nɔɔ baama nwɔ baatɔɔtaa siwidi ale, "Yii yiiduu! Yuda batii ḥka, asiɛ nkpa akle!" <sup>30</sup> Ni baatufa sita baakpete nwɔ di suoto ne, ni baafū owoso ninnɛɛ nɔɔ baatɔɔrɛ nwɔ diisi ne. <sup>31</sup> Di obe wɔ baaloo nwɔ ni ḥma, baadiki nwɔ awu sɛele nwu di suoto baakplesa awu nɔɔ amu baakpee nwɔ. Ninfɛ baakpaa nwɔ baasifiko ale bɔɔlaapɛ nwɔ sibue mankaasa koowoso suoto ne.

*Baapɛ Yesu Sibue Baakaasa Koowoso Suoto.*

<sup>32</sup> Di obe wɔ batoodie boosifi nii, ni baakyakako osuɔtɔ onwii baatɔɔlɛɛ ni Simon ne. Aakye Kirene kasɔ. Ninfɛ di bakpete nwu nkpo layila nwɔ di suoto ale afū Yesu kowoso nwu nkpo atuka ne. <sup>33</sup> Ni baakpaa Yesu baalaadu leba le manlɛɛ ni Golgota leɛsɔdiki ninle ni ale Otii Disi Dikufi. <sup>34</sup> Ninfɛ baayɔ nta be bɛɛkpɔtɔɔsa ni ku kɔfa lonle baata Yesu ale anyi ne. Kafɔɔ obe wɔ aatu aanyu nii, aasī mi onyi.

<sup>35</sup> Ninfə di bakpətə nwu nkpo lape nwɔ sibue baakaasa koowoso suoto ne. Nni kamaa, baayɔ awu nɔɔ baase bawo di obe wɔ baawii ni atrebi baatofo n-ya di obiala ləma kayɔ nii. <sup>36</sup> Nni kamaa, ni baasie ninfa baatoonyu nwɔ ne. <sup>37</sup> Ni baayɔ kataabookyɛ baape baakaasa di ləkantosi nɔɔ, ni baakpana lesaa le oso beelo nwɔ nii ale, "Nnya Yesu Yuda Batii Ḍka Nwu Ninle Nwɔ Ne."

<sup>38</sup> Baape bayu banyɔ kafɔɔ sibue baakaasa di awoso suoto die Yesu ɔloɔko. Onwii lakaa die oletaneɛkye nɔɔ, onwii kafɔɔ lakaa die ɔmentukyɛ. <sup>39</sup> Batii ba niatoofe ni ninfa bamuu latükunsa asi, baatufa Yesu baabue ale, <sup>40</sup> "Afɔ niabue fale fababie Yaa Olekatakɔ ka mmle, fanse ni letoko di ayi atie kame ne! Nse Yaa Obi fale nwaako, faasoo koowoso nwu fawa, faafū suoto lefɔ nkpa buonyu!"

<sup>41</sup> Nkpo okle kafɔɔ di olebatate banɔɔfo ku kufiofa batuotə ku okpoo banɔɔfo nwu nkpo kafɔɔ lama nwɔ ale, <sup>42</sup> "Aafū batii bamba nkpa, kafɔɔ oloofuo suoto nɔɔ odiki. Diele nnwɔɔ ninle Yuda batii Ḍka nwu nkpo ne? Asoo koowoso nwu nkpo suoto awa buofū nwɔ bunu! <sup>43</sup> Eetiika Yaa disi, ɔɔlɛɛ suoto kafɔɔ ale Yaa Obi ale. Nse nwaako Yaa mbɔmbɔ nwɔ yi, ni aabafū nwɔ buonyu!" <sup>44</sup> Nkpo okle kafɔɔ di bayu banyɔ ba baape baakaasa ni di awoso suoto ku nnwɔɔ kafɔɔ latufa nwɔ ne.

### *Yesu Lakpi.*

<sup>45</sup> Kakū lefosi elomu εnyɔ lebe, kayi kamuu lawɔfɔ, dialaase di kɔtɔɔfɔ elomu etie kame. <sup>46</sup> Di kɔtɔɔfɔ elomu etie kame okle, Yesu lafaa osie kanya aabue ale, "Eli, Eli, lama sabaktani?"

Lesədiki ninle ale, “Yaa nii, Yaa nii, be oso feedie  
mi nnεε nkpo?”

<sup>47</sup> Batii ba bawo niayila ni ninfa, baanu ni ɔlaa  
nwu nkpo labue ale, “Ccεε Elia!”

<sup>48</sup> Nfanwu onwii kaame lema latoso aalaayo  
oleteku aanyo di nta nyankale kame, aayo aatū  
di owoso suoto, aamiε ale ccεyε ankyoo nwε  
annyi. <sup>49</sup> Kafoo batii bamba labue ale, “Bita  
buyila buonyu, nse Elia kamawa amadiki nwε  
di kowoso suoto.”

<sup>50</sup> Yesu lakple aafaa leyentele, ninfe niinwuna  
nɔɔ ladie ne.

<sup>51</sup> Nfanwu, dibula le ninsaka ni di Yaa  
Olekatako nwu nkpo kame niabe di akyuu anyo  
diakye di osi dialaase kaasoo. Kasoo kafoo latukoo,  
afuɔ labibie. <sup>52</sup> Sekya kafoo labε siatikiti, Yaa  
batii klekle ba nintookpi bεεbafe ni bawo lataka  
baakye bakpi kame. <sup>53</sup> Baadie di sekya lema  
kame obe wɔ di Yesu lakple aataka aakye ni  
bakpi kame yi, baasifi Yerusalem okpoo klekle  
nwu nkpo kame baalaadiki suoto baatuo batii  
kpinwu.

<sup>54</sup> Di obe wɔ di bakpεtε ɔnɔɔfo ku bakpεtε nwu  
nkpo niayila baatonyu ni Yesu lanya mmle okle  
kaasoo latukoo ni ku aasaa ya amuu niabla ni yi,  
leyεke lape ma osie kanya! Ninfe baabue ale,  
“Nwaako, Yaa Obi ninle otii wɔ mmle!”

<sup>55</sup> Basanko ba kpinwu kafoo niatikanko Yesu  
baatɔɔkyakaako nwɔ ni, baakye ni Galilea lawε  
ninfa. Baayila kaakyonko baatoonyu asaa ya  
niatɔɔwa nii. <sup>56</sup> Basanko nwu nkpo bawo kaame  
lema niale Maria Magdalene, Maria wɔ ninle ni  
Yakobo ku Yosef ɔya ku Sebedeo ɔsɔfɔ.

*Yosef Wɔ Niakye Ni Arimatea Lakookaa Yesu Kpi.*

<sup>57</sup> Obe wɔ kɔɔtɔcfɔ lawo nii, osuɔtɔ onwii niale ni saawente baatɔlɔeε ni Yosef lawa, aakyə Arimatea. Yesu saateketete aale. <sup>58</sup> Aakyə Pilato nfū ale ayo Yesu kpi atɔɔ. Ninfɛ di Pilato lata osuku ale balaayɔ kpi nwu nkpo batɔɔ ne. <sup>59</sup> Ninfɛ di Yosef lasifi aalaayɔ kpi nwu nkpo, ni aayɔ dibula fututu aamiminisa nwɔ di suoto ne. <sup>60</sup> Ninfɛ aayɔ nwɔ aalaakokaa di ofuɔntuu ɔkyə fɔle wɔ aakutu aata ni suoto kame ne. Ninfɛ aamunusa difuɔ dibinte ninwii aatii ofuɔntuu nwu kanya ne. Ni aasifi ne. <sup>61</sup> Ninfɛ di Maria Magdalene ku Maria nyɔɔfa lasie ninfa baakyɔɔ ɔkyə nwu nkpo anu ne.

*Basaanyunte Layila Baatoonyu Yesu ɔkyə Nwu Nkpo.*

<sup>62</sup> Kaleesɛ niale ni Lenyeεetεyi yi, olebatate banɔɔfo ku Farisi batii laleε bawo di Pilato nfū. <sup>63</sup> Ni baatɔkɔ nwɔ ale, “ɔnɔɔfo, buonyuma bulɛ obe wɔ di laate nwu nkpo lasie ni nkpa yi, aabue ale, ‘Nse lekpi yi, makple ntaka nkye bakpi kame di ayi atie kame.’” <sup>64</sup> Nkpo oso ta fale basaanyunte lɛlaayila beenyu ɔkyə nwu nkpo osie kanya diɛlaase di ayi atie kame. Nse faata babla nle mmle yi, basaateketete nɔɔ makyε manayu nwɔ mansifiko, manatɔkɔ batii ale, ‘Atɔɔtaka eekye bakpi kame.’ Nse diɛwa ninkpo yi, selaa kuafunu se babakple malaa ni malenkee lɛkasale.”

<sup>65</sup> Ninfɛ di Pilato latɔkɔ ma ale, “Bita bakpetε bakpyε balaayila banyu ɔkyə nwu nkpo fe mmle dikaate ni.” <sup>66</sup> Ninfɛ baakyε baalaatii ɔkyə nwu nkpo kanya osie kanya baate nwu nsū ne.

Ninfé baadiki bakpété baase baatoonyu ɔkyá nwú nkpo nè.

## 28

### *Yaa Lasenkesa Yesu Aakyeko Bakpi Kame.*

<sup>1</sup> Obe wó di Lényéeteyi ntobafe nii, di Kósida kolesetü, Maria Magdalene ku Maria wó nyóçfa lakyé ale bɔɔlaanyu Yesu ɔkyá nwú nkpo.

<sup>2</sup> Nfanwu, kasø latükü osie kanya. Ni di Yaa tókyénté onwii lasoo aakyé osi aawa, abamunusa difuo nwú nkpo di ɔkyá kanya, ni aasie ni di suoto nè. <sup>3</sup> Suoto nɔɔ̄ odiki otuo late fe ɔplalaan nimunaa, awu nɔɔ̄ kafɔɔ̄ lapu fele oleteku. <sup>4</sup> Leyéke lamufü basaanyunte nwú nkpo osie kanya, baakyako otütükü baaklee baabla fe bakpi.

<sup>5</sup> Ninfé di Yaa tókyénté nwú nkpo latókó basanko nwú ale, “Bitanyéke. N-ye nlé Yesu wó baape sibue baakaasa ni koowoso suoto biowolaa. <sup>6</sup> Anaa ninfū. Atóotaka akpe nkpa fe mmile aatókó ye nii. Biwa biesbanyu leba le baate nwú ni. <sup>7</sup> Kanunua bipesewa biɛtɔɔkyé bilaatókó basaateketete nɔɔ̄ bile, ‘Aatóotaka eekye bakpi kame. Atoole ye katü oofo Galilea. Nfa bibanyɔɔ nè.’ Binyuma ɔlaa wó letókó ye ni!”

<sup>8</sup> Nkpo oso baapeseewa baakyé di ɔkyá nwú katü baasifi. Baatɔɔyéke, kafɔɔ̄ suoto latɔɔyɔɔ ma baatoso ale bɔɔlaatókó basaateketete nɔɔ̄ ɔlaa nwú nkpo. <sup>9</sup> Nfanwu, Yesu lakyakako ma di osuku. Ni aatókó ma ale, “Atoko ɔkyé ole disiɛko ye.” Ninfé baapkukuti baatɛɛte nwɔ, baamufü nwɔ nkpa, baasumu nwɔ nè. <sup>10</sup> Ninfé di Yesu

latəkə ma ale, "Bitanyεkε. Bitɔɔkyε biɛlaatɔkə babiloo bile, batɔɔkyε Galilea, babanyε ninfa."

*Basaanyunte Nwu Nkpo Lakyε Baalaabue Lessaa Le Baanya Nii.*

<sup>11</sup> Di obe wɔ di basanko nwu nkpo ntɔɔkyε boosifi nii, basaanyunte nwu nkpo bawo nia-toonyu ni ɔkya nwu nkpo, baasifi okpoo kame baalaatɔkə olebatate banɔɔfo asaa ya amuu niawa ni ninfa. <sup>12</sup> Ninfe di olebatate banɔɔfo nwu nkpo ku okpoo banɔɔfo, lalεe bawo baabla disibu ne. Ni baata basaanyunte nwu nkpo koto dikudi kple ninwii ne, <sup>13</sup> ni baatɔkə ma ale, "Bibue bile obe wɔ bite biɔkyεsii ni ku kakye, ni baasaateketete nɔɔ labayu nwɔ baasifiko ne. <sup>14</sup> Nse Abaa Nɔɔfo lenu ɔlaa wɔ mmle kafɔɔ yi, bubablako nwu ɔkpε, muntɔɔ annu kasɔ bulε, diele aye ninkyenkon." <sup>15</sup> Basaanyunte nwu nkpo lafū koto nwu nkpo baabla fe mmle okle baakpee ma nii. Nioso ɔlaa lema nwu nkpo labie kuabuo di Yuda batii kame diebase bia mie.

*Yesu Ladiki Suoto Aatu Basaateketete Nɔɔ.*

<sup>16</sup> Ninfe di basaateketete nɔɔ lefosi onwii nwu nkpo, lakata baasifi Galilea di kobokote ko suoto di Yesu latɔkə ma ale basifi ni ne. <sup>17</sup> Di obe wɔ baanyɔɔ nii, baase akunkyi kaasɔ baasumu nwɔ. Kafɔɔ batii bawo kaame lema ditafū baanu ale nnwɔɔ diale. <sup>18</sup> Ninfe di Yesu lakpukuti aateetee ma ni aatɔkə ma ale, "Yaa leyɔ osi ku kasɔ osie omuu eekpee mi di nnεε kame. <sup>19</sup> Nkpo oso bitɔɔkyε kayi ka mmle nnle mmuu kame, biɛlaabla batii basaateketete nii. Biekpeesa ma Yaa ntu di Ote, Obi, ku Ninwuna Klekle leyooto

kamε. <sup>20</sup> Bietuo ma bile bakyɔɔ asaa ya amuu letuo ye ni atoko. Nwaako kamasiɛko ye obe lele ninaadu bia kayi ka mmle kalookɔ.”

**Yaa Kanya Ninii Føle Selεε**

**Selεε: Yaa Kanya Ninii Føle Selεε New Testament**

copyright © 2008 Wycliffe Bible Translators, Inc.

Language: (Selεε)

Contributor: Wycliffe Bible Translators, Inc.

All rights reserved.

2020-11-30

---

PDF generated using Haiola and XeLaTeX on 22 Feb 2024 from source files dated 29 Jan 2022

b86b27c9-33ee-5380-a452-244df2dc60c6